

萬齋閣首訂全

七

平寇詳文  
平寇書續  
平寇本末  
平寇贈詩  
公舉名宦案



交山平寇文案序

鏘都護云朝廷養兵三十年大功乃出儒臣手應媿死  
矣蓋爲虞丞相采石之戰也則武功必武臣任虜然在  
古文士尠不武晚世偏於矜尚乃高眎進賢而卑鄙  
然櫻少變輒驚非鼠匿則鷄縛耳黃河濁流慨笑千古  
人奈何不自立哉故吾以爲虞丞相寧獨武臣媿惟儒  
臣乃當媿耳近代文臣武功亦多矣若夫除腹心之患  
掃百年之寇惟易明先生贛州功最著而茲復有交城  
令以蕩交山之賊聞交山聯塞距河繚亘八百里頑民  
踞險爲賊自三晉以至燕秦齊豫皆嚆矢所及歷百餘  
年莫敢問焉蓋勢久則民盡爲賊賊與兵通睚眦殺人



探丸斬吏守臣但惴惴俸無事及瓜而去耳以故賊益恣自喜能生殺長吏云交城令今司農官趙公恒夫也比得選人爲之懼旣至則一無所問賊民與兵以爲令固無能問賊也無何令悉得賊首姓名出沒鈎黨營窟險要與掠害之實並疏記繪圖上撫軍密陳討賊計會賊殺它邑學博又刦殺人事上朝議切責大吏乃倉猝召交城令問故令笑曰向所陳者何耶許便宜悉得賊耳於是諸大吏俱願聽交城令討賊令旋復無所問一日大會賓客方縱飲夜雪忽起領兵直入賊巢奪險一山盡驚於是下令凡所欲得第賊首某某民無罪許諸民擒賊自効賊亦擒賊自効須臾爭縛賊出賊孤潛遯

伏起輒獲賊以爲神匝月而賊平蓋所全活亦數千萬人云其平寇始末吳興夏冠來有紀而其文移書牘並載交城牧愛堂編邵子閱且竟拍案而起曰嗟乎有志之士不當如是哉文人自任文事固無用武然文人之文能盡當於經綸天下乎冬夏讀書春秋講武謂古人分言之於是操觚染翰而爲文投戈躍馬而爲武是皆不知文武之意者也陽明之用兵也詭幻奇變權謀不測或鬪擬於術數之末不知皆先生致良知之學也故臨難制變全身以之成敗利鈍弗以動中斯神明出焉卽如交城君陰謀勝筭入險乘危幾以身殉然觀其文告多篇周詳完密其脩辭之誠有泣鬼神而動天聽者



宜乎剛毅不撓上下桴應藉令藏身與人稍稍欺誕鮮弗敗矣然攷陽明先生任事於滁陽講學以後人情既孚而又握符開府以晉谿爲之主猶云揮斥不易乃交城君僅一令長且又當武臣崇貴之時內無所援外無所恃堅忍深智除箐攀崖鼓鄉農之力勇靖百年之蔓孽寧徼倖得之卽事有不同其心一也方諸古人亦奚慝焉顧文士之弗豎久矣文士之弗豎繇於才氣不逮而立志卑也才不逮則肩荷難猶曰天限之立志卑卽見小利苟且依回無敢果以自奮爲僞而已故曰志不立則心不誠心不誠則氣不勇兜牟而巾幗矣况啣喁咕嗶之士乎故予摘牧愛堂編之事關平寇者別爲一

書評論而刊之俾知渤海朝歌未爲負績而儒生志趨有合於聖賢之學安危治亂少有賴焉庶幾文武之道未墜於地云

於越鬘士邵以發撰並書於秦淮水榭時屠維協洽日在鶉首之次





交山平寇詳文

姚江邵以發得愚評

弟靖士安侯訂

移汛地換營兵以嚴防守事

牒呈太原協轉詳總督巡撫兩院批

布政司議復具咨兵部允行

竊交城西北兩山從古萑苻嘯聚之所故明天啓間

原建營房於孔河都岔口等村防兵二百餘人特立

守備統之嗣因流寇渡河兩山為賊眾盤踞岔口營

房燒毀防兵暫退文水之開柵鎮遂屯駐焉崇禎十

一年本縣復擇中西都寨子村建營房名曰靜安堡

離縣一百四十里增兵三百名坐鎮交山盜風稍戢

至我朝順治五年姜瓖倡亂全晉騷動事平止設



移汛換兵  
滅賊要謀  
始于此

交山平定言之二  
把總統兵百餘復駐開柵相沿至今靜安堡毀而營  
伍不入山鄉矣夫以交城守禦之兵寄營文水所駐  
非扼要地緩急何濟此防守之汛地不可不急移者  
也且交城營半以本縣山民而充官兵當年遺孽多  
其族類鄉火情淡無復顧忌未免藏奸豢寇矣夫藉  
土兵以招徠羣賊固當用於變亂之時而設官兵以  
彈壓山頑尤當更於太平之日此防守之營兵又不  
可不急換者也縣官既有守土之責縣官自淡未雨  
之防但事屬貴協尚掌理應據實具聞乞轉詳督撫  
兩院將交城營馬步移汛靜安古堡乘高列哨永駐  
山寨則東西兩葫蘆可控制也土軍既編入伍籍給

月餉而領口糧豈與官軍有別調彼換此不但均營  
兵之勞逸亦以肅山民之耳目敢復有跳梁者乎至  
於再建營房重築堡堞此地方官之事俟詳允日另  
有處置不敢以興造瑣事瀆及列憲也康熙九年十  
二月十六日牒協鎮山西節制太原等處署都督僉  
事管副將事劉轉詳兩院蒙巡撫達批仰候督  
院詳行繳蒙總督山陝部院莫批仰山西布政司  
從長確議通詳報本司移查太原協照會到縣該本  
縣覆看得交山古穢地從不知王化者也雖近來  
萑苻稍靖魑魅潛形然防兵自當駐扼要之地而戍  
卒不宜用土著之人此本縣移汛換兵之請前看已



丙外相倚  
兵民一心  
八字今古  
壯猷實政  
盡于此

○悉所謂處安思危一勞永逸實非無確見而建是議也○抑更有請者○本縣守城城總六十四名○每夜城夫一百二十名○民自爲守○可保無虞○本營因城守關係撥有兵丁二十餘人○散處四城○城內軍民兩相疑而不相安○合擇附近城關處所○另立營房○守城兵丁應駐城外○內外相倚○兵民一心○斯又永固城守之良圖也○康熙十年二月十二日○移覆本協轉司詳院蒙總督山陝部院莫批據該司呈詳交城營兵移汛更兵緣由到部院據此○查得詳稱上著之兵○既與昔年遺孽鄉火情深○今遽行盡換○是否永無後患○既一年一更換○兵駐居日久○保無仍然交接匪類之虞○再查

靜安堡係原防故址○因毀廢移駐於開柵鎮○不知當日移駐之時○曾否報部○今次移汛○應否再行咨明○均未詳晰○難以酌奪○合行駁議○爲此仰司查照駁牌事理○文到卽同太原副將確行查議○明白具詳○以憑酌奪施行○本司移查太原協○照會到縣○該本縣三看得靜安堡係崇禎三年創建○我朝順治五年姜瓖倡亂○官兵退駐開柵○非移駐開柵也○旣非移駐○安得達部兵丁一年一換○實可經久通行○永免交接匪類之虞○議無有確於此者矣○移覆本協去後○准署太原營參將署中軍守備祖關○移前據交城營把總蘇成甫○回本協蒙批○前奉督憲行查○意非不欲換兵○止因



確右所見  
四字須著  
眼

原駐靜安堡後移駐開柵曾否報部該營豈無案卷  
可查况一年一換揆情度理自無可虞此事交城縣  
備悉情形該營即日會同該縣從長酌議妥報本協  
票行太原營移關到縣該本縣四查得移汛換兵之  
條議實為地方綢繆未雨以圖經久無弊也非確有  
所見其可以牧民者談兵耶查季報等冊俱造駐劄  
靜安堡是靜安堡實係原防故址彼時兵寡賊衆因  
而移營開柵為退駐地以為權宜計非移駐也卷雖  
無考必不便於咨部至於一年一換兵丁之精力既  
崑山民之耳目俱肅交城土著之兵既給月餉寧復  
與官軍有別昨蒙協鎮移會本縣已如前議具覆至

於遂家嶺適中之地可堡可營蘇把總職掌所關自  
非無見然不若駐劄靜安堡而分兵巡緝遂家嶺彼  
此犄角更為妥便也四月二十日移覆太原協轉司  
詳院蒙山陝總督羅咨兵部九月十五日准兵部咨  
職方清吏司案呈奉本部送准山陝總督羅咨前  
事到部送司准山陝總督羅咨稱山西交城縣營官  
兵舊駐靜安堡後因姜逆變亂將防兵移駐文水縣  
地方開柵鎮今交山一帶乃從古綠林嘯聚之地該  
營兵丁半係土著山民與昔年餘孽鄉火情深惟恐  
藏奸將營汛仍移靜安堡至交城經制之兵更換太  
原營經制之兵一年一換營伍不動照舊設官管理



等因查係咨明更調營兵防守事理應無容議仍咨該督知照可也

守險分治永靖交山以安晉省事

竊照治民猶治田也治田者不去其蝨賊則雖終歲勤劬而其田必荒去盜猶去癰也去癰者不消之未形則雖有萬金良藥而其癰必潰晉省全疆環亘恒霍太行之麓地少山多而交城靜樂壹帶叢峰邃谷尤為盜賊嘯聚數自古至今久踞橫行而未能絕其根株者亦必有故矣職令交四載招撫者二踏荒者一曾深入窮山數百里相其險阻察其情形又時召民之老於山中者細心訪問繪成圖勢後屢據各處關提親拿計緝擒康如江四名於關頭寺擒楊芳青楊芳林於惠家庄擒李宗盛於刁窩擒趙應龍於史



家谷擒闖六於靜樂之青簡皮擒袁世虎於中西都  
之左演溝石崖窰皆誘以酒食按圖勢指示究問其  
出入乃知此山實天生賊窟此山之安與亂非特一  
郡一邑之利與害也今夫神京以晉省爲右臂晉省  
以太原爲腹心而交靜諸山逼處太原右腋南起交  
城文水汾陽西極黃河北踰偏老寧朔盤亘千餘里  
其中若神師羊腸孝文呂梁劉王崢管涔蘆芽離石  
石峽鹿徑兩嶺周洪諸山皆前古所稱名區天險是  
趙武靈王闢之以爲強劉淵都之以定伯者也歷考  
前代交境西北常列爲雄鎮宿以重兵唐於岢嵐置  
岢嵐軍於盧峪口立盧川縣宋於靜樂置靜樂軍於

樓煩鎮立金縣於嵐縣立節度使金亦於嵐縣立節  
度使元於靜樂置河北都元帥府又於交城西治村  
置大通鐵冶監設都提舉司鐵冶所巡檢明初靜樂  
兩嶺關婆婆嶺隘皆以太原左衛兵分屯守險崇禎  
三年特建營房於靜安堡設一守備屯兵五百以鎮  
西北兩山夫唐至明往往加意於此數百里之內者  
豈非以偏雁之險尙在門庭而此地之險近在堂戶  
耶今日環境旣無往者建軍置帥立縣設檢之逼內  
之靜安堡又無重兵彈壓其間僅一把總防兵百數  
復退而駐於隔縣之文水開柵除分戍擺站傳報外  
實在官兵與弁相依爲命者二十餘人而已夫險固



全晉山川  
險易了了  
胸中交山  
賊自在掌  
上非留心  
講求之至  
豈能倉猝  
道得倉猝  
做得

之地雖數十里猶足容賊況列嶂連雲莫知紀極而以五里孤城僻處東南一隅遙制此數百里天險不毛之地竊恐龔遂有所難言撫而虞詡有所難言勦者也蓋交山之盜與他境異他境之盜非起於荒亂必迫於罪死非發於土著必聚於流移獨交山之盜無所不有時而放羊牧馬民也時而揭竿制挺盜也時而散處峒窟民也時而千百成羣又盜也言撫則陽順而陰逆言勦則此散而彼聚且村民土戍非其親戚卽其交知官府動靜朝發夕聞兵少則不敢深入兵多則不能久駐其匿也無跡其合也不測旋滅旋興旋衰旋盛是豈生而好亂人盡賊哉地勢使然

也且非獨於此也小寇不萌大盜不興交靜諸山旣雄峻四越其民又生長崖谷勇捷輕生自米家溝惠家庄上下橫嶺東西葫蘆數之習鳥鎗打鳥獸爲生活者約二千七百有奇推之全境可知又靜樂石峽南北產良馬卽左傳所載晉屈地也當國家一統海內垂三十載復屢值年豐而負嶠伏莽終未革面設一旦饑荒或四方小警切恐羣山響應出山陽則蹂躪及於平汾越兩嶺則太原震驚而西北之道不通據管涔鹿徑則宣太河保隔而爲二而偏頭寧武直拊其背而扼其吭卽如往者大同姜瓖之變相去尚八百餘里而山盜萬餘首破交城招引僞劉都督



兵備太少  
人易知立  
治太偏非  
明于扼據  
者不知

聚米畫籌  
不過如是

等○遂○統○領○步○騎○踰○南○山○下○越○忻○州○經○靜○樂○連○破○汾○州  
文○水○清○源○徐○溝○太○谷○數○城○後○端○重○親○王○督○大○兵○至  
晉○祠○羣○賊○始○散○歸○匿○故○巢○然○則○賊○氛○之○不○靖○實○因○於  
交○靜○諸○山○之○險○而○諸○山○之○險○顧○不○為○朝○廷○有○而○為○盜  
賊○有○者○實○因○於○兵○備○之○太○少○而○立○治○之○太○偏○也○職○深  
求○其○故○為○弊○有○二○一○曰○盜○扼○險○而○我○備○之○疎○交○東○南  
境○近○縣○治○與○平○原○接○無○足○憂○其○西○北○與○臨○縣○永○寧○界  
其○山○若○孝○文○呂○梁○劉○王○暉○皆○絕○險○凡○臨○嵐○永○寧○等○盜  
皆○由○此○出○沒○而○東○西○兩○葫○蘆○承○其○冲○右○西○峪○左○文○峪  
二○水○夾○之○此○守○險○者○必○據○之○地○也○東○北○與○靜○樂○陽○曲  
界○其○山○若○神○師○羊○腸○交○山○皆○絕○險○凡○忻○州○靜○樂○陽○曲

盜○皆○由○此○出○入○而○河○北○都○古○交○村○當○其○與○左○汾○右○孔  
二○河○夾○之○此○亦○守○險○者○必○據○之○地○也○至○於○外○接○縣○治  
內○接○兩○葫○蘆○則○靜○安○堡○實○居○中○適○應○之○地○國○初○廢○棄  
職○具○文○詳○請○捐○資○修○築○已○於○本○年○七○月○初○四○日○起○工  
建○成○之○日○另○文○申○報○今○縱○未○能○如○明○時○屯○兵○伍○百○終  
當○益○兵○二○百○合○見○屯○開○柵○百○名○共○成○三○百○進○駐○靜○安  
堡○而○分○兵○巡○守○於○河○北○古○交○惠○家○庄○鍾○家○溝○橫○嶺○遂  
家○嶺○等○處○於○以○鎮○土○著○而○靜○流○移○可○無○意○外○之○慮○矣  
然○而○兵○數○換○則○勞○且○與○地○利○不○相○諧○久○駐○則○兵○與○民  
狎○兵○之○黠○者○既○不○難○養○盜○以○殃○民○而○民○之○黠○者○又○且  
將○勾○兵○而○為○盜○職○移○汎○換○兵○一○詳○業○荷○憲○允○咨○部○一



年一換誠未雨綢繆至計也。一曰地遼濶而官難為治。隋開皇中始建縣治於汾孔二河之交。因名交城。即今古交村也。去今治直北百里。較之四履頗為得中。自唐時移治於山南却波驛。去舊治太遠。復於古交之盧峪口。分立盧川縣。旋立復廢。今統計本縣四境之所及。自縣城而南不過十里。東不過二十里。而東北則二百里。西北則二百二十里。且綿延連接極河踰塞而不知所盡。無論鞭長不及。盜賊易生。即使太平無事。納糧聽理。民亦苦之。切計交邑地雖巖險。然民寡賦薄。一令一尉亦足以就理。況古交舊治實形勝不可棄。莫若分移縣丞立署於古交廢址。凡山

中詞訟稅糧使皆得就近聽斷。徵比山民既無踰越之苦。而縣令亦無耳目難周之患。汛兵往來其地亦不敢恣肆以虐民。而民亦且積漸馴擾。因消其桀驁喜亂之心。境內之盜不生。他境之盜亦無由而入。所謂不用勦不用撫。實則兼勦與撫而持之於無窮。計無善於此者矣。然猶有慮者。兵以衛民。而山中之民實不利於有兵。兵以除盜。而民在山中實無惡於有盜。民既不惡盜。而又無利於有兵。少有犂犢激而生亂。是所憂又不在賊。而且在兵也。把總職微。權小。既不能節制官兵。又何以制服山賊。非復設守備一員。不足以資彈壓也。誠如職所請。良民無騷擾之憂。奸



完無挺走之慮。戎兵調換之日。正在山寒水落。遁跡無所。之候。乘機掩緝。凡屢叛屢服。有名賊首。不過十數人。何難束縛。請梟懸首。兩山使歷年負固。山頑皆知。朝廷之法。制從此根株永絕矣。職所請者。長治久安之計。若此。日山中年稱大有。山民各安耕鑿。且巨魁就擒。後餘克喪。氣歛跡。可保目前無竊發之憂。正不煩憲臺顧慮也。十年八月二十八日。通詳蒙太原府周 批。言終言始。而不窮。且俱得之身。歷非留心軍國大計者。安能周詳如此。仰候轉達軍門。以爲久安長治之計。繳蒙提督通省學政董 批。險要形勢。燦若指掌。足見良吏苦心。仰候院司詳示。繳蒙整

飭分守雁平道張 批。覽詳及圖。具見該縣留心地方。其中山谷夷險。兵民維繫。燎如指掌。言言石畫。果如此。未雨綢繆。何患不久安長治哉。除本道虛心採擇。仍候院司詳行。繳蒙整飭山西通省驛傳道謝 批。該詳於地勢形勝。言之鑿鑿。洞若觀火。至於增兵置官於要道。尤爲扼隘披吭之至計。綢繆未雨之深思。計畫地方。巨細畢周。可謂無遺算矣。仍候布按二司詳行。繳蒙山西等處承宣布政使司帶管按察司事穆 批。仰候兩院批示。行繳蒙巡撫達 批。仰布政司查議妥確。通詳報蒙總督山陝部院羅 批。仰山西布政司會同大原副將查議。通詳報司轉府行



縣確議申覆該本縣覆看得本府屬縣二十令尉而外仍設丞以為佐者陽太交文四邑耳三邑丁糧陪於交而交之不毛山地且數陪於二邑古以汾孔二水交流因名交城即今河北古交村與中西靜安堡相去一百八十里西北兩山遙相控制而今之縣治實處東南平地以鎖萬山之口山民來縣近亦百里遠或二三百里算其本身差徭大約以分錢計者為多今俱自封上納奔走殊苦且往回途費竟有過於所納者夫設丞以佐縣官之不及陽太文三丞各有職掌惟交丞一無所司誠移糧署於古交適中之地山中錢糧聽其就近徵催關解本縣不特恤山民之

勞抑且省山民之費是更冗官為要員也至新築之靜安堡逼近兩葫蘆盜窟扼要守險控禦最捷然非戍兵三百山民又何恃以無恐夫防兵可恃不但良民是民民亦可兵雖硬化積賊亦盡化而為民矣防兵不可恃不但積盜是盜兵亦黨盜雖耕鑿良民亦盡脅之為盜矣然使靜安堡無戍兵三百即令移丞古交亦無以制盜之命若屯駐如數而不統以守備又何以振兵之威是添馬步以備勦緝夥盜先絕不煩勦緝而盜風自息也設守備以資彈壓土兵既換有所彈壓而兵律愈嚴也移縣丞以主調協民情大悅無容調協而民心已安也三者相須為用其杜之



當今守令  
誰肯作如  
此想

者微而待之者預矣。伏乞上臺轉請列憲俯從末議。所用者經制之官。所調者經制之兵。一轉移間而盜且日就銷亡。而至於盡。又何憂竊發哉。交山古稱天險。雖數百里亦屬朝廷疆土。豈可置之化外。列憲身任重寄。則凡所以首久遠防未形者。自罔不周。又不俟下吏之呼籲者也。九月初一日。蒙總督山陝部院羅憲牌。據該縣申詳。并呈交山圖勢到部院。除詳批仰山西布政司會同太原副將查議通詳外。至該縣所稱圖內計有七處。俱稱賊巢等語。合行密查。爲此仰該縣官吏照牌事理。卽將賊巢渠魁若干。羽黨若干。確查姓名。曾否

辦納徭糧。及此七村之內。或俱係賊黨盤踞。或尙有良民襍處。又此賊起自何年。逐一查明。限文到三日。內據實密報。毋得遲延。到縣該本縣查看得交山盤亘千餘里。轄交城者十之三。轄靜樂者十之三。轄寧寧。守嵐二州者十之二。轄臨嵐二縣者十之一。轄寧武者十之一。統名交山。非交城一縣之山也。其中複嶺重巖。從古大盜淵藪。而賊巢多在諸州縣分界之間。明天啟丙寅。山盜王宏才。哨聚亡命。焚劫村堡。崇禎初年。賊首短毛子王剛等。盤踞本縣西北兩山。防兵不能制。嗣後特建營房於靜安堡。駐兵五百。守備薛敏忠。張有名。李紳等。相繼鎮守。羣盜解散。民賴以



安○本朝鼎定○裁去守備○止設把總一員○防兵百名○  
弁○徵兵少○兩山復為山賊霸踞○順治五年十二月二  
十三日○突至本縣東關○焚燬一空○明年三月十四日  
山賊大至○兵盡為盜○縣官周邦翰被殺○連破汾文清  
徐數城○設有偽官○五月王師西來○山盜竄匿○故巢未  
經誅勦○從此負隅伏莽○終未革面○歷來上憲○俱以化  
外置之○然亦不聞地方官敢拿交山之賊○者是以盜  
風愈熾○遠邇播聞○無不知有交山之賊○康熙七年秦  
晉督撫諸憲俱蒙特簡而職亦於是年四月新任誰  
非王土豈容化外職即於是冬單騎入山開誠勸諭  
山民向化則惡黨自孤續據各處關提撫院嚴諭職

計擒親緝共獲有名盜首十六人有已經疏請梟示  
者有見在律擬具題者渠魁既擒則羽黨自遁不但  
數年交城無憂竊發且喜近來隣邑亦俱安眠今蒙  
行查賊起何年雖遠年者不可考而自有明至今數  
十年忽起忽散之故旋興旋滅之由尚可據實具報  
也至憲查據詳七處俱稱賊巢亦但就交城西山  
言之耳夫東西兩葫蘆為羣盜嘯聚之統名而橫嶺  
鍾家溝惠家庄小麥溝俱在兩葫蘆中其最險一寨  
名曰三座崖賊若分守葫蘆口而官兵不得進賊若  
合駐三座崖而官兵不能登或大兵圍勦必圖撲滅  
崖後又有一小徑可由刁窩劉王嶧西走呂梁而遁



指設情形  
明白透快  
近代名臣  
奏疏間或  
有之實不  
多得摠是  
實實留心  
者少

於○黃○河○之○畔○從○來○交○山○之○賊○未○經○誅○勦○而○官○兵○往○往  
受○其○害○者○以○賊○聚○實○有○險○可○恃○賊○散○則○無○踪○可○尋○非  
是○賊○巢○七○處○屬○之○七○村○而○為○賊○黨○霸○踞○也○至○奉○憲○查  
渠○魁○若○干○羽○黨○若○干○曾○否○辦○納○徭○糧○或○尙○有○良○民○襍  
處○職○又○不○敢○不○據○實○詳○報○矣○夫○交○山○渠○魁○以○李○宗○盛  
卽○小○黃○毛○者○為○首○其○霸○踞○靜○樂○周○洪○山○也○已○非○一○日  
羣○山○之○盜○皆○其○羽○黨○如○任○國○鉉○任○國○海○兄○弟○任○橫○嶺  
是○橫○嶺○一○賊○巢○也○鍾○斗○鍾○名○節○父○子○及○流○來○迓○軍○傅  
青○山○俱○任○鍾○家○溝○是○鍾○家○溝○一○賊○巢○也○惠○首○富○惠○岐  
山○惠○艾○安○惠○孝○文○任○惠○家○庄○是○惠○家○庄○一○賊○巢○也○申  
友○任○小○麥○溝○是○小○麥○溝○一○賊○巢○也○其○奔○走○臨○嵐○永○寧

界○上○聯○絡○西○山○之○賊○線○者○有○劉○正○王○汝○諫○兩○人○其○奔  
走○靜○樂○陽○曲○寧○武○界○上○而○聯○絡○北○山○之○盜○線○者○有○殷  
景○閣○溫○國○輔○兩○人○是○皆○交○山○有○名○賊○首○而○稱○李○宗○盛  
之○羽○黨○者○今○雖○斂○跡○終○難○逋○誅○職○初○詳○乘○機○掩○緝○不  
難○束○縛○請○梟○以○儆○山○頑○者○卽○此○十○數○賊○也○其○餘○山○民  
無○知○實○屬○脅○從○兵○威○可○恃○民○亦○可○兵○何○有○於○盜○賊○風  
一○熾○兵○且○是○賊○何○況○於○民○山○地○多○屬○不○毛○山○民○相○習  
打○鳥○獸○為○生○未○可○全○責○之○以○輸○納○糧○徭○卽○雖○與○羣○寇  
雜○處○然○化○頑○歸○良○者○多○又○未○可○槩○棄○之○為○賊○也○職○入  
山○三○次○周○歷○賊○穴○備○悉○地○形○是○以○繪○圖○上○請○無○非○為  
地○方○圖○久○安○之○計○中○西○靜○安○堡○設○一○守○備○防○禦○則○臨



擒賊之後  
尙查縱盜  
職名此先  
說破亦洞  
見時事之  
難耳

嵐永寧山盜不相聯絡而西山盜源絕矣河北古交  
村移一縣丞協理則靜陽寧武山盜不相聯絡而北  
山盜源絕矣兩山一靖交盜永除交盜除而晉省安  
是數十年不平之遺寇憲臺聲教所及無煩勞師動  
旅而已平之也蒙憲臺諭令密報職不敢欺隱其實  
交山逋誅賊首盡此有名十數人憲臺允詳之日職  
乘便用間當即其黨計獲之以盡職分之所當為不  
敢言功若以職所報羣盜姓名勒令職全緝萬一  
賊漏網且增職過是職地方本無事而招此盜案也  
非藉憲臺恩覆末吏下情又安敢上達哉十月初三  
日申詳十一月初三日蒙總督山陝部院羅批該

縣前後敷陳殊見留心地方現經太原協撥發官兵  
暫任靜安堡會同該縣相機行事仰設法盡獲真賊  
不得妄拿良善致擾民生至該縣所稱功過之言本  
部院已悉之矣此繳十月初四日本府蒙總督山陝  
部院羅憲牌照得本年九月二十一日准兵部咨  
文題覆本部院題參汾陽縣劉應熊家於三月  
十九日被八十餘賊劫財殺人一案議行酌差官兵  
勦殺盡淨奉旨依議欽遵備咨前來隨經轉行太  
原協速行酌量作何勦殺去後查得交山住賊地方  
係該府所屬合將部咨抄發為此牌仰該府官吏速  
遵部覆奉旨事理即便會同該協并交城縣將勦



殺情事作何調度進勦確議飛詳本部院以憑定奪  
等因備行到縣該本縣看得交山環州帶邑踰塞極  
河本縣以孤城處東南而緊鎖山口靜樂北峙永寧  
西繞此中俱多盜窟職熟悉賊情山勢用撫用緝務  
絕根株尚幸任內從無盜案今年春山盜披猖不意  
清源教官李開秀被殺於三月十四而汾陽監生劉  
應熊又被劫於三月十九兩邑失事隔五日耳探得  
交山逋寇橫行四出實靜樂渠魁李宗盛卽小黃毛  
者爲坐主職密稟撫院蒙諭管副將帶兵三百屯駐  
樓煩鎮顯示圍勦職算此賊必棄其所踞周洪山而  
糾連兩葫蘆料定葫蘆羣賊不敢應必由劉王嶂西

經定料定  
字  
總自繪確  
有所見

走永寧呂梁而奔黃河畔是以職四月二十二日密  
關本縣防弁蘇成甫設伏要徑果於二十四日早束  
縛李宗盛及文水大盜弓進于劉王嶂之刁窩儿羽  
黨之在靜樂者彼時亦被擒獲矣蒙臬司審明李宗  
盛係清源殺官案內大窩弓進自認爲打劫劉應熊  
案內劇盜卽將兩賊分入二案題報職又拿本縣大  
盜趙應龍閻祿張朝怵嵐縣大盜袁世虎關送清源  
入殺李教官一案又拿寧鄉大盜武之龍劉天正劉  
成庫三名關送汾陽入劫劉應熊一案至部咨查武  
之龍所供東村失事未報夫東村卽汾陽劉仁德失  
盜之處所也此案疏請梟示者十五名內有永寧大



此處洗發  
正是不得  
已總見任  
事之難

盜楊芳林楊芳清兄弟及惠文通王朝友蔚化鳳五  
人又俱係職入山親拿關送者所緝諸盜既屬各縣  
有名諸盜所任地方豈屬交城一縣地方哉竊幸渠  
魁擒而羣賊獲職可無故縱之愆矣惟是交山羽黨  
十數人赦無可赦又念交山脅從皆百姓誅不勝誅  
是以舊冬有移汛換兵之詳今秋復呈守險分治之  
議俱蒙列憲採擇職亦可免不行預報之咎矣茲蒙  
督憲抄發部咨備行本府會同本協與職酌量且有  
勦殺事情作何調度之憲票職未奉之先早已上陳  
伏乞上臺轉覆俯從末議速行本協調兵三百統以  
守備職即同兵弁刻日入山屯駐職新築靜安堡山

大主意大  
見識不可  
及也李卓  
吾藏書入  
范文正于  
大將傳不  
知者議之  
吾以為此  
處極堪著  
想書生眼  
如豆豈易  
語此

民安心不疑羽黨自難漏網再報獲盜緣由斯為妥  
確若候上臺詳請調兵往返羈延山中一聞勦殺淨  
盡之部文不但羽黨多人亡命作賊竊恐全山向化  
頑民亦且懼勦畏誅而甘為之助雖大兵一到不難  
玉石俱焚而官民為此受累有不忍言者職不申說  
在先真無所逃罪矣十月初五日申詳蒙太原府周  
批據詳如隆申數語可以起而見諸行諸君真名  
士哉即轉達之制府拭目聽凱音矣十月初八日據  
交城縣牒呈該太原協劉看得交山屯賊多人該  
縣歷任年久勦撫情形熟悉在胸故于未奉之前具  
有條議轉報今蒙憲牌本協即會同太原府并交城



縣具相商酌。茲據縣文竟請守備一員統兵三百同入交山。借設官添兵移駐靜安堡爲名。就中或勦或撫。相機行事。山民相安。真賊可以盡擒。策甚善也。且有兵貴神速。不敢候詳定奪等語。因此本協于本月初七日先差守備姚順卽同該縣統兵三百進山。訖俟作何勦撫。獲賊多寡。另文呈報。蒙總督羅批據詳撥發官兵會同交城縣令相機行事。務期真賊全獲。須嚴束兵丁不得妄拿良民。仍將獲過賊數不時馳報。繳同日又據交城縣申覆該太原府周看得交山在太汾二府之間。有分轄于太原之交。靜嵐武崑嵐諸地方者。有分轄于汾州之永寧臨縣諸地方。

者原不止交城一縣也。爲大盜淵藪。匪朝伊夕。茲奉部文勦殺盡淨。卑府安敢養癰。今與協縣密議。若止執勦殺之說。又恐玉石俱焚。莫如卽借添兵移駐之名。發兵三百以守備領之。刻期隨趙知縣入山。使百姓不驚。大盜自可就擒。卑府已于本月初七日面諭趙知縣偕守備姚順領兵起行。其必殺不赦之鉅寇任國鉉。任國海。鍾斗。鍾名。節。傅。青山。惠。守。富。惠。岐。山。惠。艾。安。惠。孝。文。申。友。等。賊。線。劉。正。王。汝。諫。殷。景。閣。溫。國。輔。等。卑府已與該縣密議擒拿。俟有情形另報。兵不厭詐。非敢於先發後聞也。至於部文山寨多賊。聚集年月。備在該縣初詳。曾經預報。並無故縱之情。



前是擒賊  
之說此下  
是擒賊之  
事專與說  
無二確有  
所見方信  
之矣

所謂東村即劉仁德失盜之所理合一併詳明蒙總  
督羅批前據太原協交城縣詳報已經批示矣該  
府仍移行該協該縣務期真賊全獲不得妄拿良民  
滋擾地方并將獲過賊數不時報繳

具報入山日期事

竊職於初九夜三更同姚守備帶領防兵聲言靜安  
堡防守行四十里過文水峪口至本縣水泉灘山岔  
口即分兵三路出其不意竟進兩葫蘆晝夜兼程一  
百六十里屯駐東坡底以此地係東西兩葫蘆要道  
也我兵屯駐此地而賊先失其所恃矣盜魁惠岐山  
劉正見我兵突至假來投首即時擒獲諸賊散走山

崖誠恐逃躲他山非本縣所轄之地兵役不便搜尋  
伏乞上臺行票永寧靜樂二州縣永寧發兵役至王  
葫塔候緝靜樂調樓煩兩巡檢帶兵并捕役至柴長  
村窰溝村兩處候緝仍諭永寧靜樂諸州邑大張聲  
勢有交山逸賊經過即便協拿而數州縣中又以靜  
樂為主以靜交兩山之賊原屬相聯者也其黃河畔  
必由之路職已遣兵暗伏矣十月十一日申府轉報  
十七日奉巡撫達憲牌仰靜樂縣官吏照牌事理  
速調樓煩兩巡檢帶兵并捕役至柴長村窰溝村兩  
處遇交山逸賊協力擒拿毋致兔脫漏網如獲真賊  
飛報本府立等轉報牌行靜樂縣據故鎮巡檢王三



錫申稱賊徑甚多弓兵已裁止留十數人何濟於事  
憲牌諭令巡檢帶兵所帶何兵應請批示據此該縣  
詳府移撥防兵蒙太原府周看得交城請兵協拿  
賊犯事關緊急卑府已經批行靜樂縣徑移該管防  
汛各兵協同巡檢入山伏乞憲批庶弁兵不敢推諉  
也蒙巡撫達批據太原協呈報已批令密會寧武  
協拿矣此繳

申報擒盜情狀事

竊照職於本月初九日夜三更同姚守備蘇把總督  
領防兵三百聲言赴任靜安堡出其不意直入葫蘆  
屯駐東坡底以破賊之所恃已於十一日申報在案

不但指畫  
可觀且文  
亦生動靈  
活閱者心  
躍真是奇  
構

大窩惠岐山同賊首劉正見我兵突至投戈叩首立  
刻拿下即於初十晚分兵三路至惠家庄橫嶺鍾家  
溝三賊巢撲緝業已竄冷窰空不但賊首揣其必死  
齊踞山崖而山民懼難並生皆為守險職密傳弁兵  
解鞍歇伍以示不用是夜大雪山峰盡白木葉俱脫  
勢難露立職示諭山民寧家母從賊凍死兩日本縣  
編審人丁不在家者便以賊論初報山寇滿山不能  
計數兵欲退駐職曰是吾民也而非賊再報山寇千  
餘職曰仍是吾民也而非賊以次漸減報至二百有  
餘職曰賊矣然係賊之眷屬而非真正賊首也所云  
真正賊首者不過報明此十數名耳設此十數名盡



無眷屬以繫其心而累其身吾又何以制其命是可擒也十二夜着百總王國振統百兵守黃土溝而賊不敢過靜樂之白刁嶺一過白刁嶺而走細磨川愈難獲矣着把總蘇成甫統百兵守韓九嶺而賊不敢入靜樂之獨石河一人獨石河而走和龍山更難獲矣又諭中西約保率鄉夫二百守永寧之王葫嶺而賊不敢渡呂梁一渡呂梁而走黃河畔必不獲矣又諭原瓶約保率鄉夫二百守黑烟山洞而賊不敢踰臨嵐一踰臨嵐諸山便是陝地必不獲矣職同姚守備卽於是晚統官兵家丁百餘人進駐橫嶺賊巢示諭兩葫蘆歸民許其拿賊贖罪強盜拿盜立功亦

勦殺淨盡四字此處洗發方妙

准投首無不鼓舞踴躍願效死力十三日盜首傅青山爲鄉夫馬奧惠崇生等擒矣盜守任國鉉棄其家屬帶數騎走白刁伏兵突起擒盜任國海惟國鉉走山如飛追拿無影今見在探緝未獲也惠首富自來投首願拿鍾斗惠孝文等立功以免其死許之數日之前河北鄉夫殷耀龍又獲大盜殷景恪來報除投首一名外生擒大盜共五名今俱押解到縣監禁訖至獲賊之家屬馬騾器械每日眼同姚守備註明俟全獲日另册呈驗是交山頭目漸次全拿山頑知戒永無叛心亦可以免於勦之殺之矣且交山盤亘千里古稱盜藪原非勦殺所能淨盡若必事勦殺正恐



耕鑿山民不免有無辜受害之家而真正為賊者藏身山穴反多漏網非朝廷好生之大德也伏乞上臺為職通報以慰憲懷十月十四日申詳太原府飛報兩院

再報擒盜情狀事

竊查交山盤據數州邑歷稱盜藪而勦殺未加者以交靜轄太原而永寧又轄汾府此兩府文教之不相統攝者也交城屬南協而靜樂又屬北協此兩協武威之不相統攝者也其間若三座崖爛團山穀積嶺哀延環廻六七百里山徑崎嶇石穴數千賊藏其身莫可踪跡屬交城者為三座崖崖畔賊巢統名兩胡

先正有云  
做過守令  
者方堪作  
宰相可見  
坐論與身  
歷不同讀

此是令所  
登深省

蘆如上橫嶺惠家庄鍾家溝小麦溝等處是也屬靜樂者為和龍山卽爛團山山畔賊巢半在細磨川此外若周洪山窰溝裏潘家庄圖圪村康家溝池東溝光塔村等處是也屬永寧者為呂梁卽穀積嶺嶺底賊巢半在穀積溝此外若狐突廟馬槽馮家庄羊圪台薛家溝等處是也其接臨縣者為紫金山所有臨縣賊巢如插家會神溝裏周家溝温家庄是也職若不跋涉而根極之諸山皆鳥道惟虎狼行走悉兵馬未到之地原着把總蘇成甫守韓九嶺防賊走入獨石河十六日盜首鍾斗鍾明節等盡棄眷屬果奔獨石官兵鄉夫圍捉獲其眷屬及賊温國輔任國疆二



名是夜將半突有靜樂數十賊騎接應鍾斗等逃入  
爛團山十七早職同守備姚順進駐獨石河四面圍  
搜爛團山不意又有永寧數十賊騎接應而走穀積  
嶺卽於是午官兵鄉夫追上賊盡棄所乘之馬與所  
執之械分竄深巖鄉夫打死一虎時天已黑不敢搜  
山獲馬十三疋騾二頭鳥鎗六杆弓二張箭袋二付  
無鞘刀一把捉賊二名一係靜樂賊首郭三法一係  
臨縣賊首張二審供汾陽劉仁德失事原係永寧大  
盜馮養成糾連交靜臨嵐五州縣之賊而行劫者劫  
後各散各地並無山寨今接應鍾斗鍾明節等走入  
穀積嶺卽大盜馮養成也職以地係汾府不便統兵

緩急操縱  
定見確然  
先後一絲  
不紊

久駐卽於十八早收兵退駐獨石河當移關永寧州  
協拿訖職此行原係領兵駐防靜安堡意主於生擒  
而不敢擅殺意主於撫緩而無所用勦初懼山頑據  
險負隅不得不急襲以散羣兇之勢今見盜首獸奔  
鳥散又當用緩緝以安衆姓之心職見在山內編審  
人丁除逸賊任國鉉王汝諫鍾斗鍾明節惠艾安惠  
孝文申友七名一面設法查緝務獲另報外仍祈上  
臺行文靜永臨嵐協緝諸賊以免漏網今將大盜郭  
三法任國疆溫國輔張二四名發縣監禁先行具聞  
以憑轉報十月十八日申詳太原府轉報兩院仍檄  
行各州縣



三報擒盜情狀事

竊職同姚守備十八日收兵屯駐獨石河着落賊之族屬各帶鄉夫細緝有惠艾安同手卒二人帶娼婦程二寧子走至臨縣君德溝一鄉夫追擒被發烏鎗傷臂伏路兵丁急救又被艾安刀傷其額練總楊時中連射二矢中之艾安自刎身死拿其手卒及馬疋眷屬又於爛團山石穴搜出大盜惠灰葫蘆卽惠天德是夜三更投首惠首富同其族屬多人亦於穀積溝生擒盜魁鍾斗惠孝文到案共獲賊馬一十五疋烏鎗五杆刀二把查鍾斗之父鍾明節下落據鍾斗供三日前伊父縊死爛團山巖隙將二死賊捍回驗

明是實懸屍示衆外卽將大盜鍾斗惠孝文惠灰葫蘆及死賊惠艾安手卒孫貴高自福伍名押縣監禁訖所不卽獲者止王汝諫申友任國鉉三盜耳謹聞上憲以憑轉報十月十九日申詳太原府轉報兩院

交山渠魁旣擒永靜大盜宜緝事

竊職所報交山有名盜首漸次全擒逸盜王汝諫又爲其家屬王登先等二十二夜初更窺溝穴內搜拿到案其未卽獲者止申友任國鉉二名耳夫盜聚當用兵圍拿盜散宜用役密緝交山數百里巉巖深穴何隙不可藏賊之身若不用賊拿賊得其內應預爲指示雖萬兵徒滋擾耳盜何能獲查得靜樂有名大



盜以尹三盛李繼實李繼福李六斤周時花五名爲首而李惠明是窩主從之者小賊數十不足計也永寧有名大盜以郝成章馮養成范一虎曹豹子四名爲首而李旺是窩主從之者小賊數十不足計也職確探尹三盛躲在靜樂龍門嶺卽遣兵役密拿家丁董友崑傷矢追至細磨川而大窩李惠明大盜李六斤等執械放鎗擁接上堡僅獲空馬二匹弓箭二付而歸又確探任國鉉手卒歡虎兒寄馬于永寧段家皮郭三知家內密遣捕役暗緝而大盜馮養成等同歡虎兒騎馬踞巖役不敢近及還獨石職增兵進勦又藏山穴矣使此等大盜不就今日擒到兵役一退

將見散者不難復聚異時別案事發害及隣邑又歸其咎於交山誰爲之分別也茲將兩州縣盜窩姓名住址確查明白另冊開呈伏乞上臺密報撫憲密諭各汛弁兵協拿仍行文永靜兩州縣按名躡緝照數盡獲從此根株永絕矣十月廿三日申詳太原府密報撫院仍通報督院批行二十七日蒙巡撫達批據該府驗報前事仰按察司密移協營併行兩府轉飭各照冊內姓名住址作速協拿務期盡獲以靜地方繳冊併發蒙此合亟密行爲此牌仰該府官吏照牌事理文到卽便密差能幹謹慎員役查照單開姓名住址會同協營官兵相機密擒務期盡獲星夜押



解赴司轉報勿致疎虞此係密擒渠黨事理靖盜安民諒該府自有同心慎切慎切

賊首已擒山頑就撫特報旋師日期事

竊職兵屯惠家庄前月二十四日蘇把總於背坡山溝內搜出靜樂大盜李雅秋二十八日本山鄉夫于鍾家溝石穴中搜出靜樂大盜劉三即劉湖二十九日投首惠首富率鄉夫至靜樂圪鬚溝陣擒臨縣大盜杜名字各獲器械馬匹此三名者皆積案候緝之大盜也除未獲逸賊任國鉉申友現在分路緝拿外俱經押縣監禁訖查此山兵分二協地轄兩府歷世相傳從無疆限數州縣愚民長子孫于其地但畏賊

既以賊攻賊此又以良民化良民也無此一番撫綏焉為善後之策

令而不知官法職親歷窮山馬足所至始立坊以定其界計此不毛之地屬交城者約三百里交之界定而靜樂永寧各無混土矣計此三百里中穴居者一百二十五處其從無糧徭不編赤歷崙以打鳥獸為生者除婦女老幼不計外共壯丁一千四百三十七名訪其耆舊自順治六年變亂以至今日終其身不作賊且不為賊首所脅者止三十七家耳職賞羊酒給扁額宣布憲諭以旌良善俾山頑知所效法即舉此三十七人或十里或十數里或數里就地遠近立為約正家諭戶曉取土穴百餘處山民具連名甘結各自畫押存案嗣後一人為賊情願勦殺淨盡可必



其無越志矣。按其戶口有係別州縣流來者，有係山中生長者。俟職回縣，另開花名清冊呈報編審。在即自當為之分都定甲造入新丁，再設社學四處，教以禮法，不難盡化。山頑為良善也。今將擒獲大盜姓名，并盜之贓物器械馬疋粟米眷屬，每日眼同姚守備及兵役等查明彙冊造呈于民，固秋毫無犯于物，亦絲忽不漏。懇祈上臺轉報，以憑憲奪。職同姚守備于本月初二日移駐靜安堡，仍諭蘇把總暫帶防兵百名分守山界，念諸兵役此行殊苦。初五日還縣。初六日職犒軍一日。初七日可以唱凱旋省矣。十一月初三日申詳太原府轉報兩院。

續報擒賊事

竊職差縣快石大法胡德同鄉夫搜山於本月初三夜又拿大盜二名于中圈溝內，一係溫連雲，即溫良榮，交城縣人，一係張法文，水縣人。皆汾陽案內候緝有名之盜也。又獲溫連雲青騾馬一疋，鳥鎗一杆，即將二賊押縣監禁。訖前後節拿大盜共二十二名，理應續報伏乞上臺入職。初三日詳內統行申報。初四日申詳太原府續報。

申覆勦撫山寇事

案查于月初三日職詳報後，嗣奉太原府帖文為執結文狀事，蒙憲臺抄發部咨，行文本府會同太原協



并交城縣勦殺情事作何調度。飛報定奪。等因到縣。時職以公事赴省。初五日詳覆府協。轉報兩院在案。即於初七日同太原左營守備姚順統馬步官兵三百進駐交城東關。休息一日。初九夜照會交城營把總蔣成甫帶彼所領防兵百名。共兵四百直擣賊穴。票諭各處鄉夫分頭圍繞。除前後訪實申詳協緝各案大盜不另叙外。統計入山二十六日。節擒賊首二十二名。除自刎自縊二名。現在押解太原者共二十名。其擒賊情狀。又投首賊夥三十六名。及新撫山民從不編徭入厝者共一千四百三十七家。并節經申府轉報訖。獲賊之馬疋器械贓物眷屬與賊所遺之

惟不費公帑所以事後益易措詞然亦大難矣三十餘年中肯如此任事者有第二人否

騾驢牛羊粟荳確查明白並無遺漏。俱經各另分別造冊申府轉報在案。仍諭蘇把總暫帶防兵分守山界。已於十一月初三日。職同姚守備旋師矣。前此申報者係真正盜首諸姓名。雖脅從山頑罪應同勦者。職尚准投首。冀欲保全其生。何敢妄拿良善。至于行間鄉夫需用日食。兵役犒賞等費。悉職捐資備辦。山民雞犬未驚。豈復致擾民生。是故無煩慮慮者。惟是新撫山民土流不一。今應作何安插。所獲賊馬。職暫行喂養。今應作何歸着。所獲賊屬。俱令賊之親族保領在山。惟任國鉉申友二名未獲。夫大盜既逸。家屬豈容寬縱。職暫行羈倉。今應作何發落。所獲賊之器



械贓物俱貯縣庫而已經查報之牲口粟荳與未經查報之山地土窑皆盜產也今應作何追給懇祈憲臺批示以便遵行所幸者渠魁李小黃毛被拿之後羽黨遁誅多人今兵未血刃而應擒者擒就撫者撫千里窮山變為樂土何一非憲臺威靈所播故能不戰而屈也下吏適逢其會惟與晉民同其歡忭耳十一月月初六日申覆蒙巡撫達批仰按察司速查通詳報初七日太原府周據交城縣申驗看得交山積寇盤踞多年仰借憲威先將李小黃毛拿獲各賊皆其羽黨次第就擒兵不血刃而得賊首二十二名雖有未獲之二盜終難兔脫也即太原所屬之靜樂

又拿積寇五名從此交山一帶可必太平其馬匹器械自應入官新撫山民一千四百三十七家自應安插得所編為保甲互相稽察所獲贓屬並牲口粟荳山地土窑查盜案與叛案不同仍宜查例確議逸賊家屬自應羈禁其有功文武官弁鄉夫官兵作何獎勵伏候憲裁蒙巡撫達批仰按察司一併確議通詳報十一年二月初八日蒙總督羅批據詳縣備兵不血刃而得賊首二十二名足見調度有方其有功官弁夫兵應候本部院酌行至所獲各賊家屬以及牲口粟荳等項既稱盜案與叛案不同例應作何發落其新撫山民作何安插得所再查劉應熊失盜



事前事後  
總如一線  
只是籌畫  
明主見定  
到底搖惑  
不得

一案原報強賊八十人今獲二十二名未獲二名此  
賊是否打劫應熊之賊如係此案之賊則餘黨向往  
何處仰山西按察司一併查議妥確通詳報仍候撫  
院詳行繳司仰府行縣該本縣看得擒賊方略本皆  
定算於事前而靜盜機宜尤當永杜於事後向賊所  
恃者叢山邃谷若形勢既悉不難奪險據險以散其  
羣又賊所恃者聚黨脅眾使間諜得行不難用賊攻  
賊以折其首業經遞報詳册在案蒙查劉應熊失盜  
原報強賊八十人今獲二十二名餘黨向往何處查  
職九年移訊換兵咨部詳文實在清源教官未殺嵐  
縣決雞村未搶汾陽張家庄未劫之先十年春夏之

如此分晰  
明官尚旨  
行查職名  
之舉意可  
危也

交賊勢方熾職蒙撫臺面諭設謀用間願以身先渠  
魁羽黨大半就擒於是復有守險分治請以山寒木  
落乘機掩緝之條議查條議時又在執結文狀內勦  
殺淨盡部文未下兩月之前幸而一如條議所算永  
絕伏莽在職任內本無盜案則是歷年經畫身入不  
測實欲為太汾兩府南北二協去害而擒賊非為清  
嵐汾陽三縣結案而擒賊也然雖不為三縣結案擒  
賊而汾陽執結文狀案內報部強賊原數實盡於職  
前後所擒之中初張家庄三月上盜時汾陽官兵追  
拿今查被殺者係惠天成現獲者止一馮開耳職四  
月內首捕賊線武之龍等三名繼緝趙應龍袁世虎



等十四名又弓進一名十月入山擒傅青山鍾斗等  
二十二名續拿鍾名節安二申友三名據職冊報發  
靜樂縣拿解李惠明等七名又段南強李七兒三元  
兒三名據職冊報發永寧州拿解郝成章等三名決  
雞村案內攀出大窩王武一名入山投首夥盜惠首  
富等三十六名黃河畔大盜來太原府城投首被拿  
杜廷禎一名通共九十六名除審係無辜而釋者高  
自福李雅秋范一虎三人因係賊屬懼罪而投首者  
王汝全等七人通計打劫張家庄強賊共八十三名  
大窩三名以應熊案內計之已無餘黨逋誅矣所云  
擒賊方略本皆定算於事前者此也又奉查議牲口

粟豆等項及新撫山民安插緣由除粟豆應俟變抵  
失主外查所獲器械應請貯本縣以備賊守所獲山  
馬六十二疋與賊之產屬不同皆職自備草料喂養  
候詳發落自應遵例分發各驛行差至新撫山民王  
登先等一千四百三十七家正值編審職已為分入  
山鄉十都散處每都各甲之後願納下下則丁差以  
增戶口俱已得所樂業矣夫築堡屯兵乃為交靜弭  
已成之釁而移丞分治實為太汾消未萌之憂以古  
交之形勝必不可棄而數百里遼濶未可以一隅遙  
制也且以本縣自有之丞處本縣舊治之地理鞭長  
不及之民不增一官不添一役因人情之便而轉移



之非同勉疆難行者比今交山一帶自劉王暉直通  
黃河○畔○商○賈○往○來○如○織○已○成○秦○晉○孔○道○靜○安○古○堡  
捐○建○一○新○設○一○守○備○駐○防○萬○不○可○緩○但○靜○樂○向○屬○北  
協○如○爛○團○周○洪○兩○山○細○磨○一○川○古○今○大○盜○嘯○聚○亦○須  
責○成○靜○安○守○備○分○汛○庶○無○彼○此○牽○制○之○憂○幸○逢○兩○院  
安○內○攘○外○房○謀○杜○斷○兼○而○有○之  
職處此要害之區欲  
有所建立以興利除害若不就是時堅請莫此嚴疆  
不惟失此有爲之地且失此有爲之時矣所云靜盜  
機宜尤當永杜於事後者此也伏惟上臺轉報務俾  
採擇允行

活賊方擒死賊乃顯事

此等智慧  
自來學古  
中來不可  
草草看過

案查十月十八夜三更投首賊犯惠首富等生擒盜  
魁鍾斗惠孝支於永寧之穀積嶺綁解來營究問鍾  
斗之父大盜鍾名節下落據鍾斗供三日前伊父縊  
死靜樂爛團山立遣典史郭景明馳至彼山查看果  
有縊死一屍十九日辰刻將屍擗至營內驗明卽時  
具報職將屍懸掛樹間示衆着本山土人認識有云  
小的認得者有云小的不識面者夫鍾名節出身交  
城營馬兵父于大盜豈有名節自縊山民不復識面  
之理因喚其妻李氏認屍堅供實是故夫然聽其哭  
而不哀職早已心知其僞矣因稟諭鄉夫惠重生等  
四山密緝聲言名節旣報縊死雖出山來不妨本月



十六日假死鍾名節汲水入穴山民看破踪跡因被  
惠重生等搜獲方知縊死之屍原是案緝大盜任國  
輔懼殺自死而鍾斗乃冑之爲父也已取任國輔親  
屬甘結存案本日又據蘇把總關報在山兵丁於後  
嶺底緝到任國鉉貼身手卒一名安二除卽押兩賊  
犯解府聽審外理合先申以憑轉報其強盜惠首富  
等自來投首拿賊贖罪作何發落亦祈憲示申府詳  
司轉報蒙巡撫達 此仰按察司審明確議通詳報司  
行到府帖仰本縣查照前經駁查事理卽將自首之  
惠首富等開明某某姓名及獲鍾名節等原係何案  
有名夥盜與縊死之任國輔果是本屍確係何案所

緝立速分晰訊明妥招報府到縣蒙此除將鍾名節  
安二兩賊犯于本月初一日解府另取口供一併叙  
詳定招外案查投首惠首富原係交城營逃兵職確  
探其爲山賊頭目不敢以各案無名而聽其漏網已  
經申報在案十月十四日職統兵屯駐橫嶺惠首富  
惠運通鍾名俊鍾名鼎各領其脅從者共三十六名  
跪赴軍營投首具有首詞在卷職許其拿賊立功贖  
罪卽用賊黨以拿賊因此盜魁全擒且與本年強盜  
自首之例相符謹將姓名逐一開報伏候上裁至於  
任國輔一犯乃大盜任國海任國疆嫡親兄弟同行  
上盜係張家庄案內候緝有名之盜見其兄弟被拿



交山平... 七...  
懼殺于十四日自縊爛團山十八夜三更投首惠首  
富等生擒鍾斗在案。職細訊伊父鍾名節下落據鍾  
斗供伊父三日前縊死爛團山時兵屯獨石離爛團  
山二十餘里。卽諭典史查勘明白據報果有一屍掛  
在巉巖一面諭鄉夫拊回驗實。一面具文申府轉報  
皆十九日巳刻事也。聞言可信見欺以方。職又豈料  
其偽哉。及屍懸於樹人有異詞妻哭其夫聲無哀慟  
職曉其故而不卽明言者。誠慮鍾名節遠逃他屬一  
被別處擒解。職罔上之罪。百口難分也。今假死之鍾  
名節以緩而獲。卽真縊之任國輔不查自明。任國輔  
幸保首領而死。遺妻馬氏子大娃子仍當變價給償

失主。正。不。僅。據。其。族。屬。任。旺。等。一。結。爲。憑。耳。職。此。翻  
勦。撫。但。有。明。首。得。生。之。真。賊。確。無。暗。抵。屈。死。之。良。民  
又不煩。職之申辨者矣。十二月初二日覆府中司轉  
詳兩院。蒙巡撫達。批。賊首惠首富率黨投誠緝賊  
贖罪與自首之例相符。自應宥免。予以自新。但某人  
係某案之賊。當日分得何贓。俱未審明。仰司逐一親  
訊。并獲盜鍾名節安二。速卽確審。併招歸結。仍候督  
院示行。繳。十一年二月初四日蒙總督羅。批。據太  
原府呈。投首賊犯惠首富等。應作何發落。仰山西按  
察司查例妥議。通詳報。獲賊鍾名節等。審明速報。三  
月十六日。又蒙總督羅。批。據按察司呈。鍾名節等



前據太原府申報已批該司確審矣仰速審明通報  
惠首富等悔過向化率黨來投既經該司查與例符  
自應安頓得所仍於此案審定之日查明先今定例  
妥議通報以憑酌奪具題仍候撫院詳行繳

執結文狀事

十年十月初一日蒙總督羅案驗行司到府仰本  
縣官吏查照原文內事理即將交靜住賊情形並地  
方各官職名一併查敘明白妥詳卽刻報府立等轉  
報毋得刻遲該本縣看得執結文狀一案大部覆核  
夥賊確數若干於是有聚集何年月日之查卽以住  
賊地方不行預報擒勦於是有各官職名之取又因  
賊竄山寨各有住址於是有勦殺淨盡之咨此十年  
十月初四日奉督憲行府發縣之部文也職卽于初  
五日具詳本府本協轉報兩院業蒙督憲批府協覆  
詳及職前後條議在案今蒙臬司票行太汾兩府坐



幾個小奉  
此案之先  
剔出苦心  
劇任不如  
此不但無  
功且蒙過  
矣

取各官職名到縣立候轉報。題參。職不敢不細釋。部文以申前說。切思部咨聚集何年月日。一查蓋欲覆核夥賊確數若干也。職未奉此案之先。已查渠魁羽黨姓名。一一具報。且將山賊忽起忽散。旋興旋滅。之由。數十年來。誅勦難加之故。業已詳覆列憲矣。部咨查取各官職名。蓋為住賊地方。不行預報擒勦也。職未奉此案之先。九年冬。移汛換兵條議。業蒙督憲咨部。允行。十年秋。守險分治詳文。復荷兩院發司。確覆不徒虛。以預報塞責。而且實具擒勦机宜。故縱之罪。可以幸免。查此山直通黃河之畔。地轄兩府。文教難以兼施。兵分二協。武威不相統攝。豈但遠逾關塞。

抑且近逼延綏。賊非一縣之賊。山非一府之山。其得以住賊地方專責之。交靜兩縣。耶。部文有勦殺淨盡之咨。蓋為賊窟山寨。各有住址也。夫賊夥一聚。無險不可恃。賊黨一分。有踪亦難尋。散處千里。窮山又何曾踞有寨子哉。職未奉此案之先。已將擒賊方略呈報。入山兩旬。渠魁盡縛。除投首以外。山民無不悉心向化。此固仰體督憲檄行確議之仁。未敢拘牽部議。必盡行勦殺。而後為快也。查督憲來文。止將部咨抄發。未曾另有查取職名字樣。即督憲批。職原詳亦有該縣功過之言。本部院已悉等語。職兩番條議。實為地方圖謀久安。原不因劉應熊執結文狀一案。而後



有擒賊之舉。且失事屬汾陽。與交城全無干涉。在汾陽失盜。例有處分。今反因交城拿賊。而全銷汾陽失盜之案。交城拿賊。本出急公。今反因汾陽失盜。而波及交城。拿賊之官。部咨懸揣。遙度不得不嚴。列憲灼見親知。自當有別。伏乞上臺轉文臬司。據實回詳。以憑督憲題覆。庶下吏得免无妄之愆矣。詳覆太原府。蒙本府看得。交山擒賊全案。皆交城縣知縣趙吉士功也。披閱該令前後條陳。慨然以擒賊爲已任。原不徒以預報二字塞地方之責。本無故縱安用隱諱。且移汛換兵之呈。先經達部守險分治之議。復經詳院初不因奉有大部執結文狀之查。然後奮而爲擒賊。

之謀也。今幸不煩勦殺諸賊。就擒而執結文狀一案之夥盜亦盡。以此案全獲。其在事有功文武。本府現在詳明督憲請敘在案。其在汾陽失盜一案。各官久已處分。茲旣將賊全擒。卽從前督緝接緝各官。尚欲邀恩以消案。豈有山賊盡平。盜案全結。反可追取地方拿賊各官職名轉報。題參乎部文在諸賊未擒之先。督憲止抄部咨。併無查取職名字樣。本府不敢混開。以灰有功文武之心。據實詳報。伏候憲裁。呈詳按察司。檄駁到府。行縣該本縣謹按憲駁三段備錄。原詳復申前說。若必待今日行查而始奉覆。下吏誠無所逃罪矣。奉憲駁細繹部文行查者。謂山寨夥賊。



於何年月日聚集確有若干今該府不將夥賊聚集年月盜賊數目逐一分晰明白混云旋興旋滅數十年來等語大與部文有悖一段查原詳看得交山盤亘千餘里轄交城者十之三云云尚可據實具報也是夥賊聚集年月以及盜賊數目早已逐一分晰明白矣奉憲駁任賊地方在汾府以賊烏合交靜等山無憑開報在該府與交令又稱賊非一縣之賊山非一府之山互相推諉究竟任賊之山既非一府一縣亦應查明的係某府某縣其各賊地方官為何不行報勦果否有無故縱一段查原詳看得交山盤據數州邑歷稱盜藪而勦殺未加者以交靜轄太原而永

寧又轄汾府云云悉兵馬未到之地也是任賊之山職但將身歷者具報業已查明在案矣奉駁部咨明明顯列任賊地方官職名該督均未查明指參十五字載在原行均可覆按今該府不行查明開報反云院無職名字樣恐難葫蘆混轉一段查兵部咨文蒙總督于十年十月初四日釘封行府而職開報夥賊姓名查明聚集年月以至任賊地方既詳且悉俱在督憲未奉部文之先是以部文顯列勦殺淨盡四字督憲批評但令職相機行事盡獲真賊不得妄拿良善部文顯列任賊地方官職名該督均未查明據參十五字督憲票行到府查得交山任賊地方係該府

交山平寇詳文

七



所屬合將部咨抄發亦未嘗復載開報職名等語是  
夥賊住賊報賊擒賊始末情形職既詳言之列憲亦  
無不心悉之矣不幸職所屬名曰交城而各州縣夥  
賊聚散無常難以防捕均嫁其禍於交山職繪圖上  
獻形勢備悉一若預知有今日之事者今賊黨既擒  
地方寧謐交山兩葫蘆如惠家莊鍾家溝等處已為  
山陝通衢商賈經由之地至如就撫山民悉安畊鑿  
保無越志萬一鄰封防禦不嚴別有鼠竊交城之山  
止不獨任咎也百年萑苻未平不聞一矢加賊今日  
根株盡絕反蒙屢檄叅官責地方以往賊歷世傳至  
於今職誠無所逃責地方官不行預報而罪以故縱

職實不任咎至職與捕官職名應否開報統惟上裁  
而擒賊有功即註原職名之下亦惟憲奪皆非職所  
敢擅者也緣係駁查事理合應摘錄原詳申覆伏候  
轉報詳府蒙本府批該縣身冒不測之賊穴生擒積  
賊數十人本府現在具詳督院特請題敘在案茲奉  
臬司遵照未擒賊之先部文查取職名本府一面開  
報職名仍將職名之下註明功次此本府奉督院面  
諭之事安肯掩該縣淨盡山寇之奇功耶候轉詳繳



遵例具呈懇題議敘事

本府奉司蒙巡撫達 案驗准吏部咨呈該本部題  
 為投誠復逃等事議得先經刑部衙門題覆直隸巡  
 撫金 疏稱知縣梁舟把總梁永鎮拿獲別屬窩隱  
 之賊或酌量獎敘應交吏兵二部議臣部覆臺臣顧  
 豹文條議疏稱文職因獲別處之賊若行加級不論  
 俸滿卽陞恐有不肖之徒希圖功績拿遊行良民捏  
 為盜賊拷逼訊問濫充賊數亦未可知其文職不便  
 與武職一體定例奉 旨依議欽遵在案相應將知  
 縣梁舟等無庸議具題奉 旨據奏前顧豹文條陳  
 文職因獲別處之賊若行議敘恐有不肖之徒希圖



功績拿獲良民捏爲盜賊等語誣良爲盜自有重處定例若獲別處之賊不准議敘則人皆推諉盜賊愈多這議敘之例着再定議具奏梁舟等仍着議敘餘依議欽此欽遵查兵部移咨內稱武職查緝拿獲別屬盜賊一二名審出夥賊十五名者耑管官紀錄一次拿獲三十名者兼轄官紀錄一次查緝拿獲十五名盜賊者耑管官加一級查緝拿獲三十名者兼轄官加一級查緝拿獲三十名者耑管官不論俸滿卽陞查緝拿獲五十名者兼轄官不論俸滿卽陞等語以後文職官員除自己承緝盜賊外查緝拿獲別屬盜賊一二名審出夥賊十五名者將耑管官紀錄一

次查緝拿獲十五名者加一級查緝拿獲三十名者不論俸滿卽陞其兼轄官員查緝拿獲一二名者審出三十名者紀錄一次查緝拿獲三十名者加一級查緝拿獲五十名者不論俸滿卽陞以後拿獲賊犯與定數克及者京內官員具呈刑部在外官員具呈督撫具題到日俱俟刑部審明是實於此例相符者題送臣部議叙俟命下之日通行直隸各省載添入例冊內遵行據兵部稱把總梁永鎮止拿獲侯昌嗣等五名未及議叙之數無庸議叙等語具題奉旨依議今知縣梁舟等拿獲侯昌嗣等五名未及議叙之數亦無庸議五月初三日奉旨依議欽此欽



遵抄部送司案呈到部備咨撫院行司到府帖仰到縣查照粘抄事理一體欽遵施行該交城縣知縣趙吉士看得文職緝獲別屬盜賊一例向來未載令典新奉特旨添入例冊遵行在京具呈刑部在外具呈督撫題核照數議叙無非嚴盜賊以安民生錄勞苦而勵官吏也職仰遵功令不敢不據實具呈切職於康熙七年四月初二日到任交城迄今四載有餘自已屬內從無承緝盜賊之案而查緝拿獲別屬各案盜賊有已經疏請梟示者有見在律擬具疏者有因其投誠拿賊免死者皆經兩院題准而核實於刑部者也案查七年八月初一日擒獲大盜康如江康

如海康四王有志等四名乃直隸順德府邢臺縣李世珍家失事案內盜也已經遞解邢臺審實具題正法蒙總督白各覆前院阿在案八年十二月十三日擒獲大盜惠文通蔚化鳳王朝友三名九年二月初四日擒獲大盜楊芳清楊芳林二名乃汾州府汾陽縣東村失事案內盜也已經開解汾陽審實具題在案十年四月十二日擒獲大盜趙應龍一名審出夥盜十五名備開住址申文分緝後四月二十四日又擒獲大盜李宗盛一名四月二十八日又擒獲夥盜閻六張朝怵二名七月二十八日又擒獲夥盜袁世虎一名其夥賊蘇正明蘇萬遇曹伏虎強三劉福劉



遇祥張五董三李少林李三虎十名蒙憲檄行靜樂照册拿解審實招擬皆清源縣殺死教官李開秀案內盜也已經憲臺具題到部四月初十日擒獲線盜武之龍劉天正劉成庫三名四月二十四日擒獲夥盜弓進一名又照會靜樂巡檢擒獲夥盜段南強李七兒三元兒三名十月初九日同守備姚順統兵入山擒獲各州縣夥盜傅青山鍾斗惠孝文王汝諫郭三法杜名宇劉正惠天德任國海任國疆溫國輔溫連雲陰景格孫貴惠岐山張二惠艾安張法任國輔劉三李雅秋高自福二十二名又據職册報靜樂夥賊居址蒙憲檄該縣擒解周時花李六斤李惠明小黃

由李繼福李繼實尹三盛七名又據職册報永寧夥賊居址蒙憲檄該州擒解郝成章李旺范一虎三名十月十三日軍前投首山陝各州縣夥賊願擒賊贖罪惠首富鍾名俊鍾名鼎惠運通張一龍張一寧李二小子馬登成惠珍吾孫鬧哥子任二反城兒王汝全王萬祿胡仲福任反城任國禎惠重德張謀小子王汝昌尚德李天福李正五惠巴和尚申任國元鍾名世王萬仲劉應虎惠珍黃韓三八九惠景洪胡三奇耿應宿任國選任國玉覃奉云三十六名十一月二十二日赴太原省投首賊犯杜廷禎一名又搜鍾明節於鍾家溝之石穴關王武於靜樂之樓煩獲



讀至此真  
堪下淚

安二於臨縣之嶺後底擒申友於嵐縣之閣部村共四名又皆汾州府汾陽縣張家庄案內盜也亦經撫臺具題到部以上共拿獲一百四名除李雅秋高自福范一虎三名審釋外其為職計緝陣擒投首者計二十七十八名其為職審出夥盜密行申憲檄拿者計二十三名通共真盜一百一名又拿獲賊馬陸十一匹器械數十件俱經冊報兩院咨部訖職一介書生當茲巖邑受事至今強半與山盜相為終始若使誣拿一賊豈止不保功名設或深入受傷亦止空送性命今職拿獲者不但盡係別屬之案抑且多係別處之盜在別屬案緝者且因職拿賊而消案矣即兼轄

降級者亦且因職拿賊而復級矣屢蒙撫臺諭以供職大義方媿致身無日何敢告瘁言功今值新例許其在外自呈恰與拿賊相符又安可避嫌違令所當據實呈明以憑核奪者也五月二十四日通詳蒙本府清軍廳楊批擒賊靜盜寧謐地方具見良吏苦心其功實不可泯既符新例優叙可期仰候撫憲具題并司道及本府批示行繳蒙太原府周批仰候各憲批示到府以便加看轉詳繳蒙鴈平道張批該縣廣施方畧屢擒逋寇晉盜奔秦遜茲經緯朝歌渤海不得獨擅美矣遵例議叙允符功令仰候院司示行繳蒙驛傳道謝批查拿獲賊犯與定數充及



許其自呈。今詳內檄拿真盜一百一名。恰與拿賊之例相符。仍候兩司轉詳批示行繳。蒙按察司賽批。仰候撫院批示。繳蒙布政司穆批。仰候撫院詳行。繳蒙巡撫達。仰按察司查報。司行到府。該本府議看得緝獲別屬盜賊一事。向無成例。今奉部文載入例冊。凡在外官員許具呈督撫具題到日。俱俟刑部審明是實。於例相符。題送議叙在案。今據交城縣知縣趙吉士詳稱緝獲別屬盜賊一百一名。委與管官不論俸滿卽陞之例相符。理合據實回覆。至於兼轄官拿獲五十名者。亦有議叙之例。今除邢臺縣四名。汾陽縣東村案內五名。在本府未任之先。不計外。

本府兼轄拿獲別屬盜賊。似亦與例無違。伏乞本司核明轉詳。以信功令可也。六月初七日。蒙按察司牌據該府呈報。交城縣拿獲別屬盜賊詳由到司。除詳批仰照另牌確議報奪外。查得交城縣緝獲別屬賊犯七十八名。又該縣審出夥盜密行申拿者二十三名。通共緝獲真賊一百一名。厥功自是難泯。但查擒獲傅青山等。並投首惠首富等。係奉部酌差汛兵勦殺。該縣方同守備姚順統兵入山擒獲。並致投首多盜。是否與該縣自獲者相同。且凡奉部文俱以准到之日爲始。遵行已久。今閱查緝拿獲別屬盜犯照數紀錄。加級卽陞部文。係康熙十一年五月初三日奉



旨本月十九日准到部咨內開以後文職官員查緝  
拿獲別案盜犯在外官員具呈督撫具題等語是部  
文明開以後二字歷查交城縣所拿各盜俱在康熙  
七八九十年係未奉部文以前拿獲者今稱與例相  
符果否妥確事關具題重案不便率轉合駁確議爲  
此仰本府官吏卽將交城縣同兵入山拿獲盜犯是  
否與部文脗合應否照例呈報逐加確議明晰妥詳  
報司以憑核轉萬勿朦混率覆致干違例駁誥干係  
匪細慎之速速行府仰縣確覆該本縣遵查得緝獲  
別屬盜賊之例向無令典新因直撫金題安肅知縣  
梁舟等擒緝侯昌嗣一案致奉 特旨議叙載例通

行則雖符例尚未有一人在題而比例實有梁舟等  
可據職遵例懇題一呈蒙憲駁傳青山等係該縣同  
守備姚順入山擒獲是否與自獲相同切梁舟之獲  
侯昌嗣實同保定營汛把總梁永鎮緝獲而兵部自  
叙梁永鎮之功吏部自叙梁舟之功止以不及數不  
叙梁永鎮未嘗因梁舟見格而梁舟亦未嘗因梁永  
鎮見格也兄姚守備雖隨職入山然設間運謀俱由  
縣令殲渠獲醜盡出鄉夫營無血刃之兵陣無折矢  
之卒業將擒盜情狀節次申報兩院可查是與例無  
不符者也又憲駁議叙新例部文明開以後二字今  
所拿各盜俱在未奉部文之先職細繹以後云者謂



以後督撫題叙當核其與新例相合非謂止叙以後之功也如謂止叙以後之功則梁舟等拿賊在十年八九月實新例未定之前今查部覆但稱今知縣梁舟等拿獲五名未及議叙之數亦無庸議夫梁舟等止因獲盜之數不及定例之數故不議叙未嘗因獲盜之期不在定例之後故不議叙也然則使梁舟等獲盜之數與例克及必首膺仍着議叙之典矣今職所擒之盜既與例克及而擒賊之期在去年十月更在梁舟擒賊數月之後又與例無不符者也且直隸所拿侯昌嗣等不過五名而具題及于兩縣令一把總當時無一例可比尚邀特疏上聞今職一身所獲

之盜且過百數兼復有例可援況清源汾陽兩案見在刑部審明確與部文脗合自應具呈請叙初十日申府蒙本府看得拿獲別處盜賊新奉特旨議叙交城縣知縣趙吉士拿獲別案別屬盜賊一百零一名遵例呈請轉院具題蒙本司駁府行縣確查去後今據該縣援比安肅知縣梁舟緝獲侯昌嗣等原案情由前來按文武二職共事立功從來吏兵二部各自議叙初不必功出一人安肅知縣之擒侯昌嗣亦同把總梁永鎮緝獲部覆止以不及數不叙未嘗問及安肅縣之果否自獲也况該縣于未奉勦殺淨盡部文之前業已密謀用計具有成筭及姚守備隨後入



山坐縛渠魁兵不血刃。即使自獲者。方行議叙。亦功與例符。况功令原不必自獲乎。又部文以後二字。原謂定例之後。各官合遵此例。具呈督撫。合照此例。具題大部。合用此例。核叙。非謂止叙定例以後之功也。如止叙定例以後之功。則安肅一案。原在未定例之前。不當僅以不及數無容議矣。以不及數而不叙。則及數者。必當議叙。可知。揆此。則該縣拿獲別處多盜之功。委與新例。脗合。而本府到任之後。兼轄拿獲別處盜賊及數。似亦與例無違。伏懇憲臺仍賜轉詳。以沛新恩。以獎下吏。可也。二十日。申按察司。該本司。賽。看得交城縣趙令。申報拿獲別屬盜賊一案。蒙

憲批司確查。遵行太原府確查去後。前據該府呈稱。交令緝獲陣殺投首別屬盜犯七十八名。審出夥盜密行申憲檄拿。又二十三名。通共真盜一百一名。委與端管官。不論俸滿卽陞之例相符。卽該府任後。兼轄拿獲別屬盜賊。亦與定數克及等情。呈詳到司。本司再四思維。該令拿獲別屬盜犯如此之多。膚功克奏。固稱一時經緯之吏。第細繹部文。內開以後文職官員查緝拿獲別屬盜賊。與定數克及者。在外官員具呈督撫。具題之語。駁府確議。今據該府詳稱。部文以後二字。原令各官合遵此例。具呈。非謂止叙以後之功也。復行詳請議叙前來。然應否特疏。題叙。用



勸賢能恩出憲裁本司未可擅便。二十二日申院蒙  
巡撫達批據詳交令獲盜數合定例呈請題叙第  
詳繹部議別屬字樣乃兼言別屬盜犯與失事之地  
方也該縣所獲各盜雖失事在於別縣而各賊實住  
交山查住賊地方原有協緝之責今所獲者果否盡  
係別屬之人再查地方失事名列參處者方為兼轄  
該府並無參處責成何亦稱兼轄邀功也仰再確查  
獲過盜犯某某係交山賊犯某某係別境竄來某某係  
該縣設法自擒某某係同兵入山搜捕查對前招分晰  
明白妥議詳奪牌行本司發府備仰到縣該本縣覆  
看得交山非一縣之山所獲各盜亦非一縣之盜今

蒙憲查某某係交山賊犯某某係別境竄來似將交  
山統歸交城一縣管矣切交山形勢蔓連太汾兩  
郡已經繪圖條陳在案各賊勾結錯綜秦晉兩省已  
經歷審口供在案即係一縣管地方而職為管  
之官亦當詳明具呈非因今日批查始委之別屬以  
邀題叙者也今即統以交山言之查職獲過交山  
賊犯則有康如江等四十四名獲過別境竄來賊犯  
則有王有志等三十四名此七十八名者盡係別屬  
案內失事之賊而大半皆別屬之人又大半拿獲於  
別屬之地此七十八名之數內為職自行設法擒獲  
者六十二名為職同兵入山搜捕者十六名此外又



奇功已成  
尚須如此  
分割猶不  
得飲養勝  
善藏之徒  
不為無見

有靜樂永寧兩州縣照職審實冊報擒獲賊犯蘇正  
明等二十三名不在自行擒獲同兵搜捕之中此前  
報所獲一百一名之數俱經分晰清楚者也以言乎  
失事地方則殺官劫財皆係汾陽清嵐三縣案可  
據與職實無需緝之責以言乎別屬盜犯則藏賊山  
穴擒賊處所多係臨嵐永靜汾文各州縣報冊可查  
與職更無協緝之責事閱駁查理合備細申覆伏乞  
上裁酌轉十月十六日申府該本府看得交城縣知  
縣趙吉士獲盜請題一案本府奉憲批查分晰交山  
別境與該縣自獲同兵搜捕確數去後茲據該縣申  
覆並據冊報所獲各盜數目籍貫月日前來本府覆

查該令深入不毛窮山者數百里確獲各屬大盜者  
百餘名原其捐軀不顧非因協緝而畏題叅核其引  
例不虛委宜邀恩題叙以彰功令相應照轉俟候憲  
臺俯賜轉詳議叙以鼓勞吏至蒙憲駁名列叅處者  
方為兼轄此指承緝盜賊兼轄之地方而言也本府  
原無承緝之責與兼轄拿獲別處盜賊之例實符非  
敢邀功理合一併申覆十一月初四日申詳蒙按察  
司賽批據詳查康如江康如海康四王有志四名  
該縣詳稱於康熙七年遞解直隸邢臺縣審實具  
題正法本司衙門查無卷案可考且係遠年之事似  
應刪去其餘諸盜有與原案拿獲地方日期不符者



有係別屬拿獲者且有冊詳互異者難以脩述仰府  
行縣逐一查確更正另造清冊具詳報奪本月十一  
日行府備仰到縣該本縣覆查康如江康如海康四  
王有志四名乃直隸邢臺縣失事案內之大盜也職  
於康熙七年七月二十六日准順德府邢台縣開文  
即行密緝於康熙七年八月初一日拿獲隨經數次  
研審確係邢台案內大盜於本年八月十二日具文  
為失盜事申詳院司府廳此本縣獲賊申詳之案卷  
歷歷可考也康熙七年十一月初七日三省總督白  
移咨山西巡撫覺羅阿院行司司行府府行本縣  
縣復申詳各憲此又直隸移覆已經獲有康如江等

之案卷歷歷可考也雖事在康熙七年俱係職自行  
緝拿之巨盜正合部文內所謂拿獲別屬盜賊之例  
所當遵例據實具呈者也至與原案拿獲地方日期  
不符及冊詳互異如蔚化鳳王朝友等俱經改正至  
有別屬拿獲者則係職審出各賊姓名住址隨即備  
細開例具呈撫憲移關別屬別屬照職所開姓名住  
址循拿果無差誤是拿獲雖在別屬而審出姓名住  
址是職正合部文內所謂查緝拿獲之例所當遵例  
據實具呈者也至若楊芳清楊芳林係職於康熙九  
年二月初四日親自入山至惠家庄拿獲即於本月  
二十日遞解汾陽縣轉解永寧州因此招內遂載永



寧州拿解而不知爲交城拿獲。通解永寧也。當日職雖未經申報各憲。但現有移解州縣牒呈閱文。并覆牒覆閱可據。是又正合部文內所謂查緝拿獲別屬盜賊所當遵例具呈者也。至各屬照職所開賊犯姓名住址拿獲者。在各屬自有拿獲之地方申詳在案。既經憲駁逐一查明。另造清冊呈覽。伏乞照冊轉詳。十一月十八日申府。本府加看詳司。蒙按察司賽批據詳查康如海等四盜。前因係移送直隸。遠年之案。楊芳林楊芳清二盜。原招係永寧州拿解而不題交城。故行駁刪。今該縣必欲以大盜入冊。一同請叙。覆查該縣緝過盜犯較定例業已倍之。若去此六名。

無碍於叙功。若入此六盜。惟恐以遠年及冒功駁查反爲不便。如照該縣詳稱。謂拿獲清林二盜。關送汾陽轉解永寧。故前招止言永寧而不題交城轉詳。則是該縣前之不申與前之承問者均屬失詳。是又一一不便也。本司之駁原令從安。非抑之也。仰府仍查明行縣刪去大盜另冊詳報。行府到縣該本縣覆查康如江康如海康四王有志等四盜。係職未奉憲行。首先緝拿移送直隸。前蒙撫憲於薦舉必不可停等事。疏內將拿獲康如江等開列事實。欽奉俞旨。亦以微勞當勵。創舉難泯。業蒙睿鑒。且職於康熙七年到任以後。節年俱有緝獲。各盜雖隔年分。實係接續。



擒拿。况康如江等實為首先拿獲各屬之盜。似難刪  
除。其楊芳清、楊芳林二盜。亦係職拿獲移解。前冊未  
蒙開列。職名今應遵駁刪去。伏候照轉。十二月初五  
日申詳。蒙太原府督糧廳署府事蔡 覆查康如海  
等四盜原係趙令於康熙七年拿獲。曾經開列薦贖。  
雖非本年之事。但接續緝拿。節年未經斷絕。似非竟  
屬遠年者比。又據稱首先擒獲之盜。似應仍為開列。  
其楊芳清、楊芳林二盜。則已遵駁刪去。相應轉呈。於  
本年十二月初五日申覆按察司。本司加看。照轉具  
詳本院。十二年正月十六日蒙巡撫達 批。仰候具  
題。繳本月二十四日蒙晉撫達 題為遵例具呈。懇

題議叙事。據按察司呈。該臣看得吏部題定文職查  
緝拿獲別屬盜賊及數議叙之例。交城縣知縣趙吉  
士遵照部行將緝獲別屬盜賊九十九名申請議叙。  
到臣隨批按察司確查去後。茲據詳稱本官獲過別  
屬失事本縣之賊。並別境竄來與自行投首及審實  
招拿之盜。姓名數目獲賊日月備造清冊呈詳前來。  
查部行新例原以鼓勵勞員。今知縣趙吉士設法查  
緝冒險擒拿。獲盜溢於定數。但例係創行。作何議叙。  
聽候部覆。除原冊送部查核外。相應具題。伏乞 勅  
部議覆施行。奉

旨。該部議奏。初八日發刻抄。二月二十四日蒙吏部



題爲遵例具呈懇題議叙事。吏科抄出晉撫達題前事奉旨該部議奏。欽此。該臣等議得山西巡撫達疏稱交城縣知縣趙吉士將緝獲別屬盜賊九十九名申請議叙。查知縣趙吉士設法查緝冒險擒拿獲盜溢於定數。但係創行作何議叙。備造清冊聽候部覆等因。前來查康熙十一年十二月內兵部等衙門覆科臣田六善條奏會議定例。嗣後二年之內不論是否同夥將別汛盜賊查緝拏獲十五名者將專管官加一級。拿獲三十名者兼轄官加一級。專管官查獲三十名者不論俸滿卽陞兼轄官查獲五十名者不論俸滿卽陞。如借緝賊之端妄拏良民者照

誣拿良民例處分。所緝賊數與此例相符者令該督撫提鎮以文到之日算起。二年終查明具題到部之日照例議叙等語。查交城縣知縣趙吉士所獲盜賊俱在未定此例以前之事。係康熙七八十年內拿獲者與例不合。應無可議奉

旨。趙吉士拿獲別屬盜賊甚多。着照新例議叙。具奏後不爲例。三月初四日發抄。初六日吏部咨刑部查得先經山西巡撫達疏稱交城縣知縣趙吉士將緝獲別屬盜賊九十九名作何議叙。備造清冊聽候部覆。本部查康熙十一年十二月內兵部等衙門會議定例將別汛盜賊查緝拿獲與例相符者令該



督撫提鎮以文到之日筭起二年終查明具題到部之日照例議叙等語。交城縣知縣趙吉士所獲盜賊俱在未定此例以前之事。係康熙七八十年內拿獲者。與例不合。應無可議。具題奉旨。趙吉士拿獲別屬盜賊甚多。着照新例議叙。具奏後不為例。欽此。案查康熙十一年五月內刑部題為投誠復迹等事。一案本部議覆文職官員拿獲別屬盜賊與定數克及者京內官員具呈刑部在外官員具呈督撫具題到日俱俟刑部審明是實於此例相符者題送臣部議叙。奉有依議之旨。通行在案。今將知縣趙吉士獲盜九十九名原冊一本相應一併移咨刑部逐一

查明各案盜賊名數是否相符。速開過部以憑議叙。本月十六日刑部咨覆吏部蒙吏部題為遵例具呈懇題議叙事。該臣等再議得先經山西巡撫達疏稱交城縣知縣趙吉士將緝獲別屬盜賊九十九名作何議叙。備造清冊聽候部覆。臣部查康熙十一年十一月內兵部等衙門會議定例將別汎盜賊查獲與例相符者令該督撫提鎮以文到之日筭起二年終查明具題到日照例議叙等語。知縣趙吉士所獲盜賊俱在未定例以前拿獲者與例不合。應無庸議。具題奉旨。趙吉士拿獲別屬盜賊甚多。着照新例議叙。具奏後不為例。欽此。案查康熙十一年五月內



刑部題爲投誠復逃等事一案。臣部議覆文職官員。拏獲別屬盜賊與定數充足。及在京官員具呈刑部。在外官員具呈督撫具題。到日俱候刑部審明。是實於此例相符者。題送臣部議叙。通行在案。今將知縣趙吉士獲盜九十九名。原冊一本。應咨刑部查明各案盜賊名數。是否相符。速開過部。以憑議叙。咨行去后。隨准刑部咨稱。交城縣知縣趙吉士所獲盜賊蘇正明等殺死清源縣教官案內。冊上有名共一十四名。傅青山等行劫劉應熊家案內。冊上有名共七十八名。又王朝友等行劫劉仁德家案內。冊上有名共三名。又康如江等行劫直隸順德府邢台縣。

李世珍家案內。冊上有名共四名。以上共九十九名。與原冊查對名數相符等因。咨覆前來。定例內專管查獲別汛盜賊三十名者。不論俸滿卽陞等語。今交城縣知縣趙吉士拏獲別屬盜賊九十九名。旣經刑部查明各案盜數相符。准其不論俸滿卽陞。恭候命下。臣部遵奉施行。奉旨依議。

吏部題爲補授主事事。戶部山西司主事于肖龍已經休致。所遺員缺。應補主事。擬趙吉士浙江舉人。見任山西交城縣知縣。康熙七年四月內任。連閏歷俸五年二個月十八日。康熙十二年四月內。拿獲別屬盜賊。照新例。准其不論俸滿卽陞。薦一次。紀錄四



次今陞戶部山西司主事照定例仍准帶薦一次紀  
錄四次於新任奉  
旨趙吉士依擬用

交山平寇書牘

一姚江邵以發得愚評

上覺羅阿巡撫書

弟俊士章侯訂

切照交城僻處萬山夙稱盜藪兼以頻年水旱流離  
相屬良民化爲盜賊久矣某未任之先徧行訪問已  
知有康如海康如江康四者兄弟三人爲交山渠盜  
構黨劫掠遠近受害及某到任探緝則如海等並無  
升合之糧且踪跡無定忽于七月二十七日接到直  
隸邢臺縣拿盜關文而康如海兄弟姓名果鑿鑿開  
列于邢臺之盜供矣某卽晚督捕快密緝幸而拿獲  
于陽曲縣界之關頭寺中并一夥同行之劉馭張旺



一從功名  
身家起見  
則識智昏  
此等正主  
意亦不定

交山平寇書卷之七  
俱拘到縣發其騾背包裹皆邢臺贓物也其時理當  
申解念交城小邑既獲巨盜不無意外之防况隣邑  
亦有邢臺關文又恐播露則同關之盜難以拘緝展  
轉深思獲盜不申請上臺竟解旁省罪也待申不解  
而虞及本邑并虞及隣邑亦罪也均之罪也毋寧辭  
其重者况憲臺舉賢斥不肖無非期進斯民于衽席  
苟屬吏果能靖盜以安民即行事稍不循規矩其必  
有喜而無怒可知也因此即將關內有名之康如海  
三人并所獲贓物連夜解赴邢臺而職所轄地方籍  
此以首除三大害矣其劉厥張旺暫行羈倉職細鞫  
張旺則自供大同邊上人原是有志小名金瓶子

昔年打劫縣邑事發前官曾經懲責至今捕快有識  
其面者續據邢臺關提盜供人犯又有王有志小名  
金瓶子之名則張旺與如海等實係同夥無疑矣劉  
厥與大盜同獲盜雖未扳似難輕釋應發靜樂縣取  
保統候憲奪曷勝惶悚之至

與文水傅拱辰同寅關會請兵書

前以諛切同舟偶爾聞警是以具商交山遠跨數州  
邑諸賊搶此匿彼故敢肆其披猖而文汾一帶居民  
苦累尤甚我輩既蒞此地自應深憂遠計絕此根株  
若任其滋蔓難圖順治六年之患可為殷鑒某即晚  
具文撫司及協鎮請兵三百守敵治老寅臺亦須詳



聯絡安頓  
種種實著  
都從至誠  
中來無或  
言草閱過

文請兵三百至峪口坐鎮遙為聲勢暫固吾圉某親  
身進山撫諭亦惟以至誠感動羣盜令解散為苟安  
目前計耳百年逋寇豢養至今勢必燎原我輩將來  
定以身家徇之功名顯晦又屬二義惟高明急圖焉  
請兵朱協臺書

邇者交山遺孽復為秦中汰卒本省開墾迯兵所播  
惑北則靜樂康家溝西則永寧狐突廟而本縣之兩  
嶺三座崖實為蜂屯蟻聚之處公然肆橫于汾文陽  
太間而莫為之禁昨據交城營蘇防守關來意欲通  
詳各憲又慮發而難收是以密請老鎮臺即諭將官  
一員調兵三百聲言進勦其實借駐關外或屯山口

以為援俾鼠輩稍知忌憚然後親入深山開誠勸諭  
庶可潛消默化以苟安于目前不然撫不成撫勦不  
能勦縣官其如之何列憲詢及不妨以實情上陳也

復朱協臺書

交城劉王暉與呂梁接界過嵐縣峻嶺為黃河畔便  
屬秦中從來兩省鼠竊輩恃此天險嘯聚不常某撫  
輯三載歷來王化不及處無不親行勸諭即恃頑梗  
化者某未嘗不得其歡心也近日四隣亢旱幸而交  
山麥苗甚好乃有秦中汰弁黃姓率迯來開墾閩兵  
及永靜兩地饑民蜂屯蟻合於山中蓋兩省不能拘  
押而三州縣所難查緝者也渠魁鍾斗任國鉉等借

不誠木石  
能動者



勢煽惑山民半爲搖動大有揭竿而起之勢交城營蘇成甫久爲羣賊輕視食糧士兵鍾明節公然作賊而不敢問又安懼有王法蘇防守延至今日始行具報不知山中早已釀成燎原之勢矣今幸祖守備督兵駐邑某大張先聲謂係協臺前站卽日太兵入山撲殺是以特來招撫爾等蓋山賊左右業已有人陰爲我用始得以行吾之離間其秦中汰弁黃姓相顧謂鍾斗等曰爾來騙我到交山殺我獻功幾乎白送了命立時退走黃河畔而逃來開墾閩卒亦奔永靜各處饑民俱鳥獸散兩葫蘆渠魁已避入深菁絕壁中山民持貳心者二千餘人俱到縣投遞清白結狀

辨其不從盜爲亂此亦不過苟安目前之計耳鍾任等不誅終不敢保交山永無竊發也誠使縣官力量可爲又何必請兵請兵而未奉制臺之命又不敢竟行勦殺若不如是設施縣官方且束手待斃其又安能謀賊乎再留祖守備駐防三日便可旋師矣

上高陽李相國書

自戊冬具候迄今三載寸楮無達堦墀者誠以相國方操天下進退之權而不肯復辱與門牆之末頻通問候天下有以諒大賢之無私而不肯或不免干進營求之誚故每沉吟輒爾中止而茲復有啓者民情地勢念慮所及誠不自識其言之可採與否以進之



縣今作百  
年計者誰  
呼

左右惟相國不惜留神及之。某自蒞任以來。開渠築城。諸廢漸興。鋤奸懲蠹。諸害漸息。去年四月。謬膺薦舉。乃僅循例註冊。未獲與歷俸。三年無錢糧盜案者。同考選。不意今春。交山一帶。流民嘯聚。大肆披猖。汾大河東。所在震動。簿書下吏。過蒙撫臺。委以蕩緝之任。且夕皇皇。天誘其衷。渠魁李宗盛。就縛。餘黨四散。然而總總過計。不無隱憂者。除一時之寇。易保百年之無寇。難也。切念交山。亘延千里。而交城所屬。居十之三。西達汾州。平陽。北通興嵐。忻州。其中層峰幽谷。雖生長斯土者。莫知其所紀極。時平則為連糧匿罪之區。稍警即為狼突蜂屯之所。即如順治五年。大同

姜逆之變。交賊乘機倡亂。勾連偽黨。直破縣城。清文汾介諸邑。皆被蹂躪。由此觀之。交賊之不靜。不獨交邑一縣之憂。實全晉腹心之患也。切交城縣治。立自隋初。其地當汾孔二河之交。較之四境所轄。頗為得中。自唐天授時。長史王及善。移置山南。却波驛。即今之交城縣治也。去舊治百二十里。先天二年。分置盧川縣於盧峪口。開元二年。復併入焉。於是西北交山一境。五六百里有至。死不見長吏之面者。縣令即有才能。往往鞭長不及。宐乎自故。明以迄今。茲終無寧定之日也。某兩次深入險阻。相其形勢。每嘆此地實天生賊窟。非區區勦撫之議所能靖也。蓋勦者止可

交山

空



勦撫二字  
疏得明快  
總是確有  
所見非一  
時浮議徒  
取虛聲也  
當于古人  
中求之

多○山○平○完○事○片  
施○於○揭○竿○負○隅○之○時○而○不○可○施○於○革○面○伏○莽○之○日○撫  
者○止○可○行○於○悔○過○投○誠○之○輩○而○不○可○行○於○旋○招○復○叛  
之○徒○惟○有○分○司○扼○要○潛○消○逆○萌○為○百○年○之○計○耳○量○度  
縣○城○西○北○二○百○餘○里○有○地○名○東○西○葫○蘆○者○乃○永○寧○臨  
嵐○諸○山○奸○人○出○入○必○經○之○所○縣○治○東○北○百○二○十○里○古  
交○城○舊○治○乃○陽○曲○靜○樂○諸○山○奸○人○出○入○必○經○之○所○又  
其○地○頗○有○村○落○可○以○依○據○誠○設○管○兵○於○中○西○靜○安○古  
堡○以○控○制○兩○葫○蘆○而○移○本○縣○縣○丞○於○古○交○舊○治○犄○角  
縣○城○三○方○鼎○足○以○巡○以○撫○小○有○不○靜○卽○時○搜○緝○庶○幾  
彼○此○相○應○奸○人○屏○跡○日○漸○月○靡○馴○至○革○心○某○一○小○令  
耳○設○官○建○置○極○知○位○卑○而○言○高○無○所○逃○罪○然○聞○之○封

疆○之○事○當○其○任○而○不○熟○計○其○利○與○害○者○愚○也○知○之○而  
畏○其○難○不○敢○言○且○為○者○不○忠○也○某○旣○已○熟○計○之○矣○敢  
畏○其○難○而○不○言○且○為○與○茲○已○額○詳○各○憲○具○題○上○請○未  
知○其○果○克○如○議○否○耳○伏○惟○相○國○恕○其○狂○瞽○而○鑒○其○曲  
突○徙○薪○之○意○以○定○三○晉○腹○心○之○至○計○焉

與清源張夏鍾同寅書

前○擾○貴○署○卽○以○山○賊○披猖○必○欲○甘○心○我○輩○為○慮○老○寅  
翁○謂○賊○且○擲○掄○貧○官○何○慮○之○有○某○正○色○云○守○土○有○責  
及○今○防○之○已○晚○況○不○為○防○乎○別○未○兩○日○卽○傳○貴○治○殺  
官○某○已○密○遣○練○總○帶○鄉○勇○二○百○餘○名○阻○賊○入○山○之○路  
料○此○時○已○為○吾○困○貴○縣○立○發○捕○賊○關○文○一○紙○照○會○某



好拿賊關解前來藉此一舉使山中頭目俱畢命于是案此全晉之幸不僅為李廣文報仇也竚望

關文不至使羣賊逸去未五日復有汾陽劫殺之事

致劉副將書

交山餘孽近有解機靜樂積窩漸成孤立前具詳撫臺蒙調管公帶兵三百屯駐樓煩去積窩何家庄止二十五里屈指此日兵至其地窩主李宗盛必走交山糾餘黨倡亂如不相從再投黃河畔以圖後舉某密諭蘇防弁統交營之兵馳入兩葫蘆密駐鵬窠待其至而擒之此賊一擒之後交山頭目數十勦捕甚易離則易圖合則難治此最難得之機也不意蘇防

弁為伍卒所控老協臺令箭提解來省蘇防弁回兵對簿新來王百總交代前功從此盡棄某將何以報撫公之命耶夫兵機貴速而勝筭難逢蘇防弁赴省質審王百總新到未諳地利未悉人情惟坐文水開柵鎮諸兵丁止以送舊迎新為事山中消息不相聞問必為靜樂積窩糾聯將來勦之撫之權不在我特為蘇防弁請命伏冀立賜飛票令蘇防弁待罪行間拿賊立功即隨新來王百總入山屯劄俟靜賊逃至交城西山即便擒拿功成之日寬蘇防弁之罪委補王百總以守交城營蘇既全職王復超陞二弁不遺餘力可必馬到功成即列憲亦以某所料不謬而老



此中機宜  
間不容髮  
惟可與知  
者道耳

協臺所委為得人矣倘不就羣盜解散之日調兵入  
兩葫蘆此後竟不敢問津也四月二十一日劉協

守聽勘密書保留次晚促蘇防守帶  
兵入山果於二十四日擒獲李宗盛

附劉協鎮回札

伍卒任全勝控其本弁必山賊有以使之謹如台  
命仍令蘇成甫照舊管事王百總可助一臂之力  
亦令其協同入山若果有功再行定奪可耳此復

復劉副將書

暫留蘇成甫非為成甫也以今日山賊驚疑解散正  
當借彼巢穴為吾營壘時此機萬不可失是以囑成  
甫將防守兵丁盡數撥進竟屯駐於惠家庄也老協

三日內奇  
甚

臺不以某言為謬慨允所請又加兩旗牌協同入山  
可謂周匝之至此間弁兵奮力前驅大異向時古人  
往往使過以成功某料三日內必能致宗盛于麾下  
撫公前即道此意以慰懸切

三致劉副將書 辛亥六月二十二日

自五月初旬渠魁擒解後與老協臺密喚王希照定  
計以來未嘗傾刻忘也近撫臺亦屢屢詢及但此事  
必乘其間得其間即一舉撲滅無難否則雖有大兵  
無所用之今幸雨暘時若稱大有年群賊見撫憲綏  
輯之示又見某絕無緝拿之心亦漸漸解去就農獨  
傳青山等心腹黨羽百餘猶然屯駐鍾家溝而未散



此○時○倘○明○徵○兵○馬○入○山○進○勦○彼○一○呼○嘯○聚○反○有○不○可○  
測○者○某○數○年○籌○畫○至○今○日○始○可○見○諸○施○行○如○移○營○換○  
兵○之○詳○賊○輩○早○已○知○之○但○于○是○詳○留○意○而○擒○賊○之○機○  
盡○在○是○矣○今○某○乘○此○時○和○賊○解○之○日○調○點○近○村○民○夫○  
修○緝○靜○安○古○堡○堡○與○賊○巢○相○隔○不○及○五○十○里○明○調○蘇○  
防○守○徵○聚○在○縣○在○汛○各○處○營○兵○暫○同○督○工○使○兵○集○而○  
兵○不○知○兵○既○不○知○賊○亦○無○疑○却○暗○諭○王○希○照○為○內○導○  
乘○間○統○兵○直○入○盜○穴○所○謂○迅○雷○不○及○掩○耳○盡○縛○群○醜○  
無○難○也○今○某○已○面○授○蘇○防○守○以○此○意○又○密○諭○王○希○照○  
伺○間○立○功○一○弁○一○兵○情○願○立○功○折○罪○効○死○無○二○此○外○  
不○聞○于○一○人○某○料○功○成○之○日○當○在○初○冬○山○寒○木○落○時○

耳○某○具○詳○上○請○伏○祈○俯○察○微○機○悉○從○擬○批○發○下○交○城○  
營○使○賊○不○疑○并○各○兵○亦○不○疑○若○形○露○而○賊○知○此○機○一○  
失○山○中○斷○無○可○靜○之○日○西○成○甫○畢○遠○近○餘○黨○煽○結○害○  
及○太○汾○兩○府○而○某○又○何○以○報○督○撫○兩○憲○之○命○賊○首○姓○  
名○附○覽○幸○密○之○

復周太守書

二○十○八○日○接○鈞○示○傳○院○憲○面○諭○云○交○山○鉅○寇○交○令○竟○  
置○不○問○職○讀○之○不○勝○惶○悚○切○職○經○營○慘○淡○每○飯○不○忘○  
置○之○不○問○者○正○所○以○深○問○之○也○此○山○盜○氛○嘯○聚○既○非○  
一○朝○蔓○延○亦○非○一○縣○未○可○以○旦○夕○必○其○勦○除○者○必○定○  
其○謀○深○其○間○密○其○機○伺○時○而○後○動○乃○可○幾○於○有○成○功○



近者沿山一帶四出彼猖一自李宗盛就縛餘黨解散數十賊首竄伏鍾家溝似不難卽行撲滅然勦山寇者秋冬易而春夏難秋冬之際欲匿則山枯木落一望蕭然欲逃則風寒雪沍寢食無所方今盛夏草木蓊蒙在處可以藏身又天氣炎熱夜行露宿無所復顧況今交營之兵未換民脅於寇兵卽是賊吾一舉動而彼立知機立泄機一泄則交山遠近寇黨皆知必死不西走黃河必嘯集守險以自固若復請兵誅勦民心愈惶寇勢愈張矣故近者寂然無聞正欲使之懈而自安漸離巢穴脅從者日散而從事於耕耘兵自兵民自民賊自賊三者各不相謀然後得以

用吾之間而掩其不脩前謁院憲時亦云稍寬時日不難次第就擒未嘗卽敢屈指於目下此間深意尚有不可以言盡者前致劉協一書頗具擒賊方畧詳列諸盜首姓名先行錄覽

#### 四致劉副將書

前以修堡方畧具陳左右籌之數月止擒袁世虎一盜其餘巨魁幾就縛而復失甚可惜也總因兵與盜相通將與兵相格不換兵則賊必不可得往者換兵文書已露其機今則群卒洶洶沙中之誅殊爲可慮聞前日合營復控蘇防守於臺下爲將者身之不保安能擒賊深維今日之勢換兵一着必不可已然兵

兵與盜相通將與兵相格致亂靖亂根源盡于此



機貴速兵事貴密伏乞老協臺因告發一事顯提蘇  
弁續傳令箭盡提合營各兵對質俟悉到轅門即委  
能員挑選練卒星夜赴汛將以智而有胆者為上兵  
以愚而敢勇者為宜萬乞勿參以新補晉兵庶幾山  
中耳目從此判然不難收桑榆之效耳

五致劉副將書

制臺批詳意實不主勦而主撫是以某條議即詳內  
意也候督院批守險分治詳語再覆老協臺轉報庶  
為妥確近日盜首鍾明節劉正等俱已赴縣投首某  
開誠仍令其入山招緝群兇山中事某不煩協臺顧  
慮俟月盡靜安堡築成某詳報各憲後即請調兵三

不煩鎮將  
顧慮豈惟  
文臣不敢  
言即武臣  
亦不敢言

然亦大難  
為鎮將

百某同入山中名為增換俾山民不疑我兵既駐要  
地不難直搗其巢斯時開誠者盡令投首抗拘者即  
時成擒此一勞永逸之策某實胸有成筭幸勿先聞  
左右也

報周太守擒盜劄子

初九夜統領官兵直入葫蘆賊巢據東坡底兩嶺廟  
屯駐諸賊東西不相聯絡山頑盡為我用矣若至靜  
安堡然後調遣恐諸兇一聞部議勦殺淨盡之旨勢  
必塞葫蘆之口盡脅山頑而為賊雖萬兵不能進也  
今諸兇數百各攜眷屬踞三座崖崖巉險可望而不  
可登我兵西離惠家庄賊巢三十里東離橫嶺賊巢



此所講從知吾  
功者作  
取罔罔  
百步驟抑  
大為之耶

二十里中離此崖亦止三十五里夫殺賊固所以安  
民而不知撫民實所以拿賊某此行意主于撫民使  
山民皆吾民諸兇所踞之險其能長恃耶惠岐山劉  
正業已就擒惜防兵稍洩機關不能一鼓而獲又費  
籌畫也交城營防兵不可用調來太原標兵亦不可  
用久不講武即荷戈過嶺先已告疲明明有賊山行  
追之莫及况實踞險乎某三日前密調向時練就鄉  
勇行吾之法用賊拿賊務使有名諸兇無一漏網然  
後申報兩院題覆庶山民保有其身命耳

復交城諸鄉紳書

山賊橫行傳播京師致奉勦殺淨盡之文幸而某條

議在先兩院不拘下吏以文法得以一身肩荷其事  
今則首惡俱擒脅從罔治山頑不但得全首領而室  
廬依然雞犬無恙總出列憲之賜也在某不過盡職  
分之當為以求免於戾耳何敢言功諸先生越山度  
嶺遠來犒軍軍氣為振從此草昧之地盡變而為文  
明紳士夫身之所歷關係正自不小但山川崎嶇過  
煩車騎為不安耳

復陽曲宋蒸菴同寅書

鄉兵擒捕倍勝營兵然不若編山民為兵其擒捕更  
捷也山民懷畏遠過鄉民又不若准投首為民其懷  
畏更深也三舍弟靖士謁選司馬見勦殺邸報自都



酌的老泉  
之文然一  
片苦心溢

中七日而馳荒署昨至屯駐處全軍踴躍此間局陣  
既定無煩顧慮但諸兇聚于縣監拌却一死何不可  
為某所憂不在山而在城矣凡靜交接壤已有鄉兵  
伏路料山賊無是謀也果能謀安肯為我縛乎但不  
得不深為意外之防耳

王子夏獄成諸盜反陽曲獄連撫臺單騎出閉城  
諸軍圍獄數匝不敢入撫臺曰交城令從深山中  
縛至今在獄乃無如何耶各兵弁爭入盡縛反者  
惟傳青山棹如舊笑曰若等深山不能活欲此  
前盡真法

與鄭淡菴樞部書

古有受千金之賜而等於浮雲有膺一言之知而感  
於沒齒非一言之重於千金也其言之誠於中而發

於楮墨讀  
之興慨

於外者蓋實深愛夫斯人而思有以濟其身及惟力  
是視而力有所不能則又不能自已而出之為言庶  
幾吾力不及濟或因吾言之所及而終有以濟夫斯  
人也是故其言而行則濟其身其言而未行則感其  
心彼千金之賜吾何有焉西山擒寇之舉本非萬全  
捐軀一決不捷罪也戮也幸而捷列憲之威令之職  
也某何功之有豈意公始揚之於朝繼稱之大中丞  
且欲與全晉輦下諸公列疏而達之九重嗟乎此何  
心哉此何心哉某與公訂交未浚非有左右為之先  
容高門咫尺又無有違道干譽之一及於其鄉即直  
道自在人心然稱道之已耳從而揚之朝復從而及



之於大中丞更復從而思及達之於九重嗟乎此何心哉此何心哉言之行與未行固無論而出於心之誠然以冀夫人之有濟者豈復遺力耶行取挨次纍纍在前近遵部覆安肅獲賊題敘之例具有詳案但其素性疎誕本非吏才誠恐因卽陞而再轉外員則息肩之望杳無期日故復徘徊未決亦不樂以此事上聞也夫狂病之夫方其盛氣之時踴躍超距而不知止迨其性定則坐立喘息且顛仆而思臥某今者殆有類於是故復述其區區之懷以誌私感云耳

上賽臬司書

汾陽勦殺一案某同守備姚順入山官兵三百防兵

一百鄉勇二千在山月餘一切犒賚飲食所費不貲悉係捐彙並未派擾民間粒米寸薪及奉發審勘各盜獄中衣食俱某措置不缺直至正法後某之苦累始釋至變贓一項盜至八十不為不多復逐變其家屬林總老幼盡係山中赤子生離死別情實可矜又當歲旱謀生無計焉有多金承買盜屬某親至交山勸令親族具領官為出值令其撫養至投首惠首富等三十六人各贓毫無所措各犯出萬死而得一生尚何愛惜但候審年餘狼狽不堪斷難完納按駐酌價亦係官補某因百年逋寇殲滅一朝肅殺之後即當繼以陽春庶幾撫茲子遺使之改過遷善所全於



兩府者甚大。不僮爲交城。莫此三百里之土而已。若  
搜獲馬匹。每日僮筭豆草銀八厘。數合之。豆盈掬之。  
草豈足供飼秣。在某俸入有限。何能爲別屬。喂養盜  
賊之馬匹耶。某竭一年奔馳之勞。窮百端無藝之費。  
祇求寧謐地方。原不曾當爲劉應熊家拿賊。何失主  
竟無人心。尚有兢兢不已之視耶。伏乞垂照。早結欽  
案。幸甚。

上巡撫達公書

某聞之天下。有處萬不得已之勢。而適未遇夫有求  
必應之人。達者安之。愚者號焉。處其勢矣。而幸遇其  
人。則雖仁聖賢人。如所稱樂天俟命者。亦將竭盡無

真痛哭流  
涕之書也  
以深謀密  
斷始以踴  
躍鼓舞用  
以痛哭流  
涕終焉設  
無達撫軍  
又將何如  
隱亦險矣

餘以陳之于其前。况下焉者乎。今有墜于萬仞之谷。  
而匍匐于華山之巔者。其號呼而待救也。急矣。雖途  
之人遇之。亦未有不咨嗟而悼之者也。然咨嗟焉而  
已。及其親若友遇之。則未有不俯仰哀傷而不忍去  
焉者也。至于遇之者爲若父與母。則又豈止如是而  
已哉。則必將盡力而不止。冒險而不惜。必出之于谷  
而降之于巔。乃得已焉。有强悍之子。于此恃父母之  
必將救之也。安坐恬然而待之。彼爲之父若母者。亦  
寧遂不盡力蹈險以救之乎。然及其出于谷而降于  
巔。其不怒而詈且責者。幾希矣。某今者處其勢矣。安  
敢不號呼而一陳之于憲臺之前。某不肖。然自垂髫



受書卽慕古人行事及蒞任交邑復蒙憲臺不世之  
遇數載以來風波撼蕩濱于遷謫者數矣卒獲保全  
屬吏百數而獨于某仁至義盡不啻若父母之于子  
夫憲臺之所爲厚于某若此者豈徒如世之所謂私  
其屬者比哉誠見其尚可以黽勉以上不負朝廷  
下不負百姓故耳由此感奮夙夜自勵每惟當今守  
令所重莫若清廉而交城土地荒瘠戶口逃亡其需  
清廉尤甚當今功令所嚴莫如盜賊而交城叢峯邃  
谷極河踰塞其苦盜賊尤甚自庚申四月任事迄今  
凡日用飲食以及親朋酬應無一非老父拮据經營  
以給其用自聽訟徵糧以外凡晝而食夜而寐無一

不○心○在○窮○山○而○勤○且○撫○若○乃○靜○安○古○堡○已○成○荒○山○兀  
然○重○建○入○山○勦○捕○馬○步○官○兵○四○百○餘○名○各○鄉○鄉○夫○不  
下○二○千○往○返○匝○月○一○應○軍○資○犒○賞○咸○取○給○于○縣○官○無  
非○東○西○假○貸○以○累○老○父○家○鄉○兌○償○幸○而○有○名○諸○寇○悉  
已○就○擒○遠○近○生○民○保○無○竊○發○私○心○自○慶○以○爲○庶○幾○可  
藉○手○少○副○憲○臺○特○遇○之○恩○其○次○微○勞○稍○著○或○且○夕○得  
脫○離○此○地○豈○意○歷○年○遭○寇○甫○爾○勦○除○而○縱○盜○職○名○隨  
蒙○部○取○某○稟○奉○功○令○敢○不○遵○報○夫○功○名○得○失○自○有○天  
數○條○列○降○革○亦○有○公○評○某○何○敢○妄○生○怨○尤○第○以○某○數  
年○所○爲○之○事○而○逆○計○今○後○所○居○之○勢○寔○有○萬○不○得○已  
而○不○容○默○默○于○憲○臺○之○前○者○其○故○有○四○某○素○心○懶○放



本非吏才。謬膺百里。寅而作戍。而息蒞任。已及四載。一切上下文移。從未假手于人。年甫壯而鬚髮已有二三白者。日內編審。凡歷年來堅不可破之積弊。矢志清剔。每戶每丁。逐家面訊。舌存已敝。審編未及十之三。而食為之減。夜為之漸。不能寐。過此以往。更不知何如是。某之心力已盡。不得不陳者一。又某遠宦山右。妻子均未之官。恭逢憲臺一塵不染。屬吏莫不潔清自守。某自揣可以無費。然相隨家丁馬匹。晝夜巡緝。所需實繁。少經歷四方。交知頗廣。往來如情。不可忍。服職至今。家計半為官賠。即老父亦難為某繼矣。是某之生業將竭。不得不陳者一。老父今年六十

有五老母六十有六矣。胞兄端遠佐縣於江南之長洲。胞弟靖士近復謁選都門。其下三弟雖列諸生。然皆年幼無知識。某自入都至今六年。去家四千餘里。晨昏不獲奉侍。每思作一清白吏。少轉京階。以歸榮二親。自去冬入山勦盜。家父聞之。為之屢日徬徨。不食。及聞山中蕩平。手書諄囑。僥倖遷移。便當告養。今縱盜之職名既上。倘定例之叅罰。旋加。是歸省終於無期。二親垂老。必且憂而成疾。是某之方寸已亂。不得不陳者一。又交盜自故明迄今百餘年來。縱橫出沒。從未聞當事有敢捕一寇。斃一賊者。屈指某任中著名魁率。陸續擒緝。將及百數。豈獨交城所轄之盜



其為永靜臨嵐之盜實多孰無父子兄弟孰無親知  
姻好其于某為仇痛心切骨某亦聞之熟矣今交邑  
山民開誠勸誡已漸格心至於各邑羣頑寧能保無  
他志誠恐一夫決命卒不及防是某之首領可危不  
得不陳者一夫自古豪傑之士亦每每有居官特立  
一往不顧者然功名可以無營遷謫可以無懼而父  
母之慮必不可一日而忘身命之憂必不能一日而  
不計况去秋蒙憲臺面諭朝廷今方破格用人但  
當努力任職毋以行取係心某凜奉不敢忘今交邑  
之寇幸已全除交邑之民幸已就治交邑諸務幸已  
悉理而某今後方且日入于萬不得已之中以憲臺

之仁至義盡厚于某若此而又處某今日之勢而尚  
有所疑且待隱忍無求是則某之罪也縱盜職名某  
不敢辭倘力為疏白少敘微勞實邀洪恩是盡力不  
惜若父母之於子思出之于谷而降之于巔者非憲  
臺之望而誰望與



交城闔邑鄉紳致謝周太守書

原任刑科給事中轉江南兵備道布政使司叅政	武攀龍	原任福建監察御史調外用候補李之	奇	現任直隸涿州等處叅將呂成名	原任福	建龍巖縣知縣解之麟	原任江蘇南	張奇英	原任浙江仁	和縣知縣今奉	旨終養	丁世淳	現任廣西融	縣知縣張鼎新	現任湖	廣善化縣知縣孫浩	原任陝西寧	夏屯田守備	張錡	原任太原偏	關老營堡訓	導張紹載	癸	卯科舉人候選教諭張冲光	貢生候選縣丞王	拱珽	貢生候選訓導陳于宁	貢生候選縣丞李若湛	貢生	巴西科舉人劉爾	龔武舉李敏	覺閻珽	湛	生武之奭	副榜貢生李若	泌	貢生武之望	中鉉
---------------------	-----	-----------------	---	---------------	-----	-----------	-------	-----	-------	--------	-----	-----	-------	--------	-----	----------	-------	-------	----	-------	-------	------	---	-------------	---------	----	-----------	-----------	----	---------	-------	-----	---	------	--------	---	-------	----

恭惟

老公祖台臺清時重望淇水哲人五馬從容識大才  
 之肆應四郊豐稔卽劇郡之賢聲庶遺風將繼叔虞



而保障何慙尹鐸治生等性成質朴閉戶長年日在覆幬未能趨謁老公祖必怒而亮之也茲所啟者敝邑西山夙稱盜藪緣左連嵐靜右接汾寧千里延袤易爲出沒茂林密樹平居借以潛踪疊嶂層巒竊發因而走險曩者闖姜蹂躪鄉城治生等俱遭荼毒然勢大力強凡爲邑父母者未敢輒興問罪之師至今切齒醜類自趙父母來交卽單車赴賊招撫踏荒數入虎穴諭之以義不減郭令公撫之以恩有如太丘長謂宜多方誥誡必無後舉之狼煙詎意再四叮嚀尙有現存之鷹眼趙父母遂用計擒獲巨魁授首遠近快心顧賊首尙多時猶剽掠前月趙父母以官軍

三百掩至山中賊急不知所措卒獲數人後以賊捕賊俱以次成擒往返匝月而山中鷄犬不驚居民自若從此西山無盜豈特交人受福使太汾兩府得安枕而臥者皆趙父母之賜也治生等深入窮山皆夢想不到之地見馬步四百而外尙有鄉勇二千餘人旣禁兵役秋毫無犯自不得不日爲供給悉趙父母捐囊以應所費不貲不但地方免剿殺之累而各軍亦無庚癸之呼旋師之日汾文交靜數邑父老兒童同至焚香而叩馬首者數萬餘人功德之感人如此治生等以趙父母深仁厚澤無可酬報當歛金以償軍費而趙父母堅執不從分文不受每談及滅寇一



舉輒不自居功云若非老公祖一力擔荷列憲主持  
正恐在賊地方皆遭屠戮縣官救過不暇敢誇功矜  
德乎始知勞于兵者趙父母而主其事者老公祖也  
治生等陰受福庇倉卒未喻謹此公修蕪牘以明同  
邑佩德之意臨楮無任歡忭之至

周太守答鄉紳書

諱令樹字計百壬辰  
進士河南延津人

潢池弄兵平世所不能無但詰姦禁暴之無術遂使  
滋蔓難圖耳貴縣僻處山巖蠢茲小醜負嵎肆惡使  
都人士有剝牀之虞此固當事者之羞也涓涓弗塞  
將為江河萑蒲取人子太叔所以利用猛也貴邑令  
趙君瞻畧過人胸有成筭不難身發難端始則單車

諭賊既乃間道出奇遂使耕者不驚渠魁就縛畏壘  
之尸祝庚桑固其宜矣運籌帷幄樹則焉能不過如  
杜預張華力贊平吳而已是役也誠

國家之靈也諸臺之績也貴邦士民之福也樹何勞  
之有焉瑤札爛然不敢攘善口碑之愛敬心勒之冗  
次裁荅不宣



交山平寇本末序

自古治盜之方除盜之吏前史載之詳矣然而治小盜  
易治大盜難治烏合之盜易治負隅之盜難治境內之  
盜易治蔓延之盜難大盜實繁有徒未可輕言撲滅重  
以守土者情多瞻顧憚言大舉坐令賊勢益張難治者  
一盜據險爲巢出沒登降如猿鳥根株日固多長子孫  
於其中黃口孤雛生而鷹眼何況好手健兒難治者二  
叠嶂蛇蜒延袤千里 朝廷雖有分土而若屬聲勢犄  
角往往刺探官府動靜往來策應蜂聚獸散窟穴無常  
難治者三以故長令苟安一隅救過不給奚暇問鄰封  
哉余往客都門習聞三晉苦交山寇者垂數十年辛亥



初冬由鴈代南遊道徑交城謁趙使君天羽開尊宴客  
酒酣賦詩席未散使君忽起謝客提兵入山去私怪向  
來雜坐轟飲時何絕不聞出師一語也迨嘉平初臘余  
還憇交則使君凱旋已浹月兵不血刃交山告平逆命  
者纍纍就縛而歸誠者紛紛編戶嗟乎又何其神速也  
暨余返都門而都人士則交口使君平寇功暨余歸江  
南而江南士大夫則又交口使君平寇功余輒應之曰  
唯唯是固向者鄙人之所目睹也居無何余友夏子宛  
來以其所著交山平寇本末郵屬余爲評夏子之言曰  
吾與此事相終始故紀之也特詳書凡三卷上溯盜起  
之由誌蓄禍也中述定策之豫誌伐謀也終陳制勝之

略誌成功也其敘事簡而覈贍而有體人地必詳月日  
必確無他務以傳信而已昔之爲兵家言者恒樂侈大  
其文以悅天下好異之目今讀此書卒無能摘一字以  
爲過情者則是夏子之書誠爲實錄而後且將爲信史  
之藉也嗟乎交寇何寇平交寇之功何功歸諸大中丞  
大中丞不居讓善遜庸大臣之度也歸諸郡侯郡侯不  
有左提右挈用底於成汝唯弗矜莫與爭能也歸諸使  
君使君不受曰此

朝廷之慶也羣公之威德而民社之福也小臣何力之  
有焉雖然諸公卽口不言功功亦安可泯哉夏子好奇  
多讀書長於兵事故其著述有古良史風若此



雲間弟陸慶臻集生氏題於瀟照草堂



敘

國史之敝其由野史之雜乎野史者國史之權輿也微  
 野史則國史無所据依雖以司馬子長之才非据撫百  
 家不能成史記况其下乎乃古之書苦少今之書苦多  
 古之作史者難於網羅今之作史者難於裁擇漢魏多  
 纂言之書紀事者蓋寡六朝以降稗官盛行大抵齊諧  
 志怪之流詼笑類俳而已不侵史事宋元人著書始多  
 及朝事後人因採以作史史稱最劣至明而無人不有  
 劄記其見存者無慮千百家專紀時事者尙三四百種  
 可謂多矣然體亦滋雜其中荒誕不根鄙俚舛錯勦說  
 雷同病難枚舉可裨正史供採掇者十不得一二自非



好學深思之君子精擇而慎言焉欲望良史於將來其  
可得乎此其病原於世之學者速求名而好著書不得  
之目見耳聞影響傳說輒著於篇取增卷帙資談論而  
已亂事實而誤正史不暇計也夫所爲作野史者正以  
身不當史官之職懼賢人傑士奇績異能之日就泯滅  
故及時書之以待後之人苟其不足傳信且將以吾書  
之紕漏而反疑所紀之人事爲虛不與立言之旨大  
相刺謬乎哉善著書者則不然必親見其人親預其事  
度非吾莫能紀也而後爲書必覆覈較量審無一言不  
可以傳信也而後成書斯其書可行於今可据於後卽  
與國史相表裏可也交山平寇本末者夏子宛來客晉

陽作也交山阻河竝塞綿絡千里伏莽數十年調發數  
郡不能定趙君一文吏玩之股掌之上不頓一戟不絕  
一弦浹旬之間渠魁坐縛此其事於史當大書特書及  
今無述後將何徵迺其間以賊制賊以間用間情狀萬  
端非洞悉機宜者疇能筆之於書此本末一書所以不  
可不作而作之惟宛來最宜也宛來故閑於詞趙君此  
舉功又最奇宜其鋪張揚厲有侈辭焉乃今讀其書於  
地形事勢曲折變化如指諸掌而其敘功伐也有遺勞  
無溢美始末次第條理秩然核而明詳而有體後之史  
氏有錄交山功而傳趙君者於此取裁焉猶製錦而衣  
之也令野史而盡若是又何病其多而作史者亦何擇



交山平寇本末 七号  
言之難耶。交城故隸太原，是役也。太原守周君力持之。趙君賴以集事，余適客太原，具知其事。有屬余纂記者，余謝未遑。既得宛來之書，爲之擊節稱善。乃述余所以不敢輕作之意，質諸宛來，且告世人，使知此書爲信史也。

松陵潘耒次耕氏題



交山平寇本末卷之上

雲間陸慶臻集生評

夏駟曰：交之山，自古多寇。盛於明季，大烈於國初。然迄五六十載，無有能平之者。何也？其形勢，其風土，其習俗，其渠黨，其出沒居址，一不詳焉。儼然絕域矣。世之能入絕域立功者，幾人？首卷具列其故，以見其平之難。

交山者，山西太原府交城縣之北境山也。距郭九十里。山周圍僅十數里。然自交山而南，若王山、卦山、石壁、自交山而北，若羊腸、神師、狐突、馬鞍，以及靜樂縣之周洪、石峽、爛圍、石樓、蘆芽、晉泮等山，自交山而西。



若三座崖黑烟山洞煉銀孝文劉王暉以及永寧州之呂梁離石臨縣之紫金等山延廣千餘里晉之人統名之為交山因交名故并築以為交城之山云攷隋開皇二年始立交城縣今縣北境河北都古交村是也其地左孔河右汾河二水相交合而東南流以故水曰交水村曰交村山曰交山縣曰交城唐武后天授初長史王及善移縣於山南九十里之却波村先天元年復於舊縣東汾河之左盧峪口分立盧川縣不數十年復廢併入交城元時於西冶村置大通鐵冶監設都提舉司鐵冶所巡檢明時廢不立接境萬山盤錯東起太原省城西至黃河南壓交城汾

州季義北踰三關析代若永寧崑嵐靜樂臨嵐各州縣皆包絡其中歷代為盜賊淵藪而交城所轄諸山尤險峻多盜明末流賊蹂躪山盜王才宏嘯聚亡命劫掠村堡知縣芮浩申請院道創建營房於孔河都此都今併入屯蘭岔口等村駐兵百人久之才宏勢愈張臨縣被陷遠近震恐又益兵二百守禦加嚴崇禎三年庚午流寇西來步騎數十萬山鄉焚劫一空未幾渡河而南雷賊王剛賀地草豹五短毛子等立營三座崖山中賊任亮王董英郭彥李叔孔王全與汾西人巴山虎高某者各聚眾千餘分據羣山為剛等聲援後巴山虎得罪於剛剛欲殺之任亮為之叩頭求免



伏三卷任亮不誠欲走依巴山虎  
以此巴山虎怨剛而深德任亮結爲兄弟各賊盤據  
山中數載。岔山營房悉行燒毀。防兵退駐文水縣之  
開柵。緩急無濟。崇禎十一年。復於中西都寨子村築  
堡曰靜安。建營房官署。守備薛敏忠。統馬步官兵五  
百名守之。招集流亡。彈壓羣寇。剛等稍斂戢。國朝定  
鼎。追勦闖賊餘黨。剛欲挾亮等俱西去。巴山虎不從。  
剛乃自率所部去。順治二年。巡撫馬國柱遣官招撫  
之。任亮巴山虎王全王堇英郭彥等皆出山降。隸籍  
太原營。李叔孔居靜樂。周洪山之河家庄。黨羽尤多。  
見亮等皆降。亦就撫。時嵐縣吳家庄有高九雲者。夙  
爲盜魁。有妖民王某不知所自。來往各縣。以風鑑星

命惑百姓。一日遇九雲。佯大驚。說以天命有歸。九雲  
愕然。王取水一盂。命九雲鑑之。則垂旒袞龍。左右翟  
扇。儼然如王者儀。驚且喜。信之不疑。王復言文武勲  
佐諸人俱不遠。手出一冊。則皆近山居民姓名。九雲  
悉呼至。以次覩水中。大小將相冠服悉現。羣山煽動。  
王說九雲先聚衆破嵐縣。首事請得二千金。往各路  
說諸應運者起兵來會。九雲歛金二千。命二人與俱。  
至澤州。王約黨殺二人。挈金去。九雲遂率衆攻嵐縣。  
圍之數周。日夕苦攻城。幾陷。馬國柱命署副將游擊  
楊某率兵三百馳救之。九雲收衆遁。游擊躡之。至草  
子寨。圍之。兵少不能匝。請濟師。時李叔孔新聽撫國



柱檄其眾往助。孔部落驚悍，素有名，遠近呼之為  
 李黃毛。九雲初聞黃毛兵至，震恐及黃毛至，則不用  
 命。且陰與往來游擊，密白其事。國柱乃愈大發兵往  
 赴，而撤黃毛回。圍困十餘日，夜大雨，九雲乘官兵不  
 備，越圍北遁。官兵追擒之。諸山始靜，靜安備亦弛。屯  
 兵百名而已。然諸餘黨，逋伏山中者甚多。時時為患。  
 交山既巖險，耕種地十不得一二。其民多習鳥鎗打  
 飛走為生技，精甚。童子婦女皆能之。山之饒者，頗富  
 林木，堪販賣。又利畜牧，界北有石峽，屬靜樂境。故左  
 氏所稱屈地也。多產良馬，西境劉王嶺山中，多生藥  
 草，騾馬放秣其中，輒無病壯健，善走，異他產。以故馬

鳥鎗打飛走為生技

精甚童子婦女皆能之

山之饒者頗富

伏後屋川

大蕃息。雖不耕種而富饒。順治五年，禁民間不得畜

起下查馬激變事

順治五年禁民間不得畜

馬。九月，巡寧副史王昌齡遣標下千總路時運入山  
 巡查。路時運者，故貪黷，率五十餘騎至靜安堡，諷把  
 總尤玉入山，歛村民金玉，以路奉差遣而命。已索賂  
 市山民怨，不從路。乃舍其騎於堡，身從數騎入至梁  
 家掌長坂塔村，集村民大言朝廷禁馬，吾奉憲委查  
 若等俱冒禁，死生在我耳。其熟思為計，民恐獻酒肉  
 鷄黍饗之。路解刀脫衣，踞土炕且啖，且議賂。民懇少  
 減，路愈益脅之。民忿甚，有梁四張繼成王顯明齊三  
 夏張成志者，直前罵曰：吾山民貧苦，汝乃欲吾等命  
 耶！即拔路刀砍之。路方持盃飲酒，未及咽，首已斷。遂

學寫事處如

同



盡縛其從騎徑抵靜安堡。是時堡中兵且近百。又路  
從兵留堡者五十騎。而倡亂民僅十二人耳。顧堡兵  
皆山中民妻。子多伏後移汛換兵。山內反。共持尤玉。使不得動。王  
顯明入堡。說玉曰。路千總被殺。若為守汛將官。罪得  
薄耶。不若從吾等同舉大事。稍猶豫。則吾不能活。若  
玉懼從之。解其刀。分其親近家丁。悉撥於各賊隊。負  
行李。悉部署堡中。兵鎖玉項。與之一驢。騎從後。使二  
賊押之。距靜安堡東百里關頭岔口村者。肘逼東西  
兩葫蘆。故有太原千總溫師珩統兵三百駐守。名曰  
貼防。梁四等既殺路時運。劫降尤玉。以貼防兵近駐  
腹心地。連夜率眾襲之。適師珩聞變。悉兵南出。至樹

頭領。岔口南。猝與賊遇。師珩大敗。賊乘勝追至岔口。

死亡者大半。賊遂分路四出。劫掠村邑。是時任亮巴

山虎王全王景英郭彥等既投誠。隸籍太原營。營守

備周自新移鎮山東高唐州。值州賊三帽沿子反。城

空不守。自新率亮等無定州城賊平。凡廢產盡給亮

等為業。亮等安之。三年春。馬巡撫升宣大總督。李黃

毛聽用標下為材官。五年。馬復總督江南。慮黃毛終

為患。挈之去。凡異時交山宿盜魁無在者。而梁四張

成志王明山王國印王顯明張繼成鍾明節任國昌

齊三夏杜養申應發應旺等總束一段承上起下新倡變。特起勢張甚遠。

近諸山盜。一時響應最著名者。為靜樂之河北庄賊。



武安宇永寧之龍王山賊李崇季與裴家馬坊賊裴  
奇芳樹林村賊六豹裴家馬坊者距季文山西北五  
十餘里處交靜臨嵐各界間故為太原左衛裴指揮  
屯田地居民千餘家四圍石墻內有樓曰孟樓高十  
餘丈為層十數可望數十里有裴四者村中巨族與  
其姪武舉人裴奇芳皆勇悍且家富饒裴四投王昌  
齡標下効用奇芳家居聞梁四等起事慮為所掠亦  
聚眾起而武安宇者故與奇芳善遂並發九月巡撫  
祝世昌令箭調寧武副將李吉老營堡參將羅映壇  
汾州營參將審獻功山西都司僉書署偏關參將張  
柱石撫標左營游擊李好賢等會合各部兵三千勦

此段一總提明以下分叙

馬坊龍王山河北庄童子崖樹林村各賊檄巡寧副  
使王昌齡太原營參將賈恩左營游擊高國盛守備  
苗成龍千總陳倫李惠民等統兵二千往勦梁四即  
九日昌齡令國盛部兵五百自靜樂入山昌齡同賈  
恩陳倫李惠民由交城水泉灘入山二十二日昌齡  
兵至岔口并帶溫師珩兵命為導二十三日大戰於  
柴長村官兵敗死者數十退兵岔口溫師珩陳倫俱  
以怯敵不前網打師珩革職其夜梁四張成志王國  
印入煉銀山昌齡等待國盛兵不至進兵攻之時國  
盛兵從臨井溝兩嶺關入靜樂與寧武道金某遇駐  
兵會飲醉相爭國盛拳擊金明日至樓煩鎮前哨兵

勦梁四一事小總一四以下分應



報王顯明鍾明節率眾屯南山頂縛掠去兵民命尤  
 玉砍殺旋去玉項鎖與之弓刀乘馬國盛急督兵進  
 勦顯明率眾拒敵鳥鎗疊發官兵多中傷退兵靜樂  
 二十二日世昌檄國盛回省以前飲酒醉爭事為金  
 所構也是時昌齡等攻煉銀山已數日賊守堅甚一  
 日東南營失火炮發死者百餘人西北圍兵復死於  
 鳥鎗者十數乃收兵退至梁家庄其夜梁四王國印  
 率精勇賊千餘砍營入昌齡恩俱棄營走惟成龍與  
 寧武營丘千總據營拒戰賊不得入明日復退至靜  
 安堡申文世昌請益師遣兵三百運糧於米家庄回  
 至中途為賊圍急命李惠民率騎兵五十救之賊始

退糧得入堡乃大犒兵眾愈操練三日進兵出堡十  
 餘里遇賊下令日殺一賊賞銀五兩生擒者倍之眾  
 踴躍競進殺賊百餘人有驍賊九條龍者據嶺殿矢  
 盡持巨挺突擊眾兵披靡退走九條龍追下嶺失足  
 仆為成龍部兵韓喜文所擒收兵行賞其日世昌調  
 滿洲大人艾松游擊高國盛左營千總關進福中營  
 千總張勇常道明率滿漢兵二千助勦亦至軍聲大  
 振梁四等復退守煉銀山遣人乞降艾松不許令進  
 兵攻之攻數日丘千總者死於炮乃緩攻乞糧於省  
 時右營守備李進忠率兵五百方運糧千石入山王  
 顯明國元張繼成齊三夏等聞之伏眾數千於米家



庄之西十里。孔子河山下石鎖關側。進忠兵至。賊斷其前後。集烏鎗乘高夾打。自辰至午。進忠死。五百兵無得脫者。報至。舉軍喪氣。諸將議退軍。王昌齡曰。賊破在旦夕。兵如韭割之復生。多殺何害。乃築長圍以困之。初。各路將奉世昌令。刻期會兵。十月初二日。李好賢統標兵五百。調利民營五百。李吉統寧武兵五百。東路營兵五百。至樓煩。駐兵十餘日。利民營所調兵不至。而王顯明。尤玉。張繼成等方劫掠羊圪塔等處。殺掠甚衆。二將遂率三營兵往勦。道河北庄。庄有娼奴毛三兒者。素與裴奇芳。繼繼。其日武安。宇適邀奇芳。挾妓縱飲。聞吉等兵過。即跨馬率衆橫擊官兵。

圍其村攻之。日且暮。山險賊衆甚。且將截官兵後。吉乃復回樓煩。次日利民兵至。遂從進牛口至嵐縣。普明堡。遇羅映壇亦率兵六百至。遂合兵踰石天嶺。永寧嵐縣交界。至臨縣。聞顯明方劫永寧中第村。急督兵進。至戴武店峪口鎮。與汾州營甯獻功。張柱石等兵合。各路兵既齊。集諸將會議。以衆賊連衡。恐彼此應援。難成功。謀分路進勦。各巢使各不相顧。二十五日。遂分兵。李吉。李好賢。羅映壇。率中軍守備。王應聘。撫標千總。梁汝貴。利民把總。許秉忠等。攻取裴家馬坊。甯獻功。張柱石等。率兵攻取龍王山。李吉等至馬坊。裴奇芳置其家屬於孟樓。悉力拒戰。而問道遣人求救於



王顯明武安宇等時顯明方攻沒李進忠兵謀救煉  
銀山因馬坊急乃糾合武安宇并樹林賊六豹合眾  
數千於十一月初二日至馬坊南山將劫官兵營吉  
等知之分兵設伏以待賊至伏兵起夾擊大敗之王  
國元張繼成皆中箭死顯明安宇等四散走追殺十  
餘里其夜吉與好賢映壇令兵掣布為小囊貯火藥  
繫箭鏃四面射入至二更堡中火起兵入堡奇芳登  
孟樓盡殺其妻子縱火白刃賊黨擒殺無算馬坊既  
平李吉羅映壇王應聘等復分兵勦殺靜樂鴈門村  
童子崖奇文山東距樓大夫庄等處賊黨李好賢幸  
梁汝貴許秉忠等分兵由永寧境峪口東出往煉銀

山。至。合。山。梁四時裴四方從昌齡在軍中聞馬坊捷報  
即日告假歸至馬坊復聚眾反與王顯明等  
六日甯獻功張柱石等兵至龍王山李崇孝  
乘官兵遠至困疲未安營即率眾迎擊官兵敗崇孝  
乘勝追逐二十餘里適大同總兵姜壤遣游擊李世  
華高之蛟領騎兵六百馳至大敗崇孝追至山頂崇  
孝馳入寨門未及閉追兵入崇孝急閉第二門自守  
山頂僅一泉在二寨門外官兵既據其外門水道絕  
十一月初二日崇孝繼其妻子從後山走寨遂破龍  
王山平高之蛟等由靜樂回大同後汾州道徐養高  
標下兵擒獲崇孝於交山解省世昌命賢斬其二



○於○小○店○鎮○北○門○外○斬○崇○孝○於○道○各○賊○俱○平○獨○煉○銀○  
○無○迹○  
○山○險○峭○攻○久○不○下○艾○松○令○各○營○分○番○遞○攻○滿○營○兵○先○  
○進○傷○砲○石○死○者○十○數○乃○遣○關○進○福○守○其○寨○西○門○常○道○  
○明○守○其○寨○東○門○苗○成○龍○張○勇○絕○其○汲○道○十一月初七  
○日○李○好○賢○等○兵○出○峪○口○自○范○家○庄○穿○嶺○經○煉○銀○山○西○  
○溝○盛○旗○幟○鳴○金○鼓○至○寨○下○賊○皆○登○寨○望○怖○恐○昌○齡○令○  
○材○官○劉○永○忠○至○山○下○傳○諭○賊○等○適○西○來○將○軍○乃○撫○標○  
○左○營○李○將○軍○也○最○善○殺○賊○馬○坊○賊○已○殺○盡○今○來○殺○爾○  
○等○亟○下○山○降○免○一○死○梁○四○張○成○志○乃○遣○密○匠○申○標○者○  
○下○山○求○撫○昌○齡○好○賢○謂○標○汝○能○殺○梁○四○張○成○志○賞○銀○  
○百○兩○標○回○寨○言○新○來○兵○精○勇○狀○乘○左○右○無○人○給○梁○四○

升壁西女牆觀兵推墮寨下死標逸下崖是夜張成志棄寨東走餘黨四逸好賢追至三座崖擒回斬之給還標之妻女子婦賞銀二十兩煉銀山平昌齡命許秉忠率所部由柴長入靜樂回利民堡明日回兵至靜安堡探兵報王顯明尤玉等攻汾州羅城甚急遂拔太原營管隊徐虎山為千總命分率步兵踰山南出騎兵盡從水泉灘出山期日午會兵於羅城夾擊賊其夜至文水二鼓世昌令箭至傳大同總兵姜瓖反盡撤諸軍回省昌齡以王顯明等黨猶盛命賈恩雷統步兵駐開柵防鎮交文各邑五鼓諸軍拔營起一日行百六十里入省姜瓖者故明大同總兵也

○於○小○店○鎮○北○門○外○斬○崇○孝○於○道○各○賊○俱○平○獨○煉○銀○  
○無○迹○  
○山○險○峭○攻○久○不○下○艾○松○令○各○營○分○番○遞○攻○滿○營○兵○先○  
○進○傷○砲○石○死○者○十○數○乃○遣○關○進○福○守○其○寨○西○門○常○道○  
○明○守○其○寨○東○門○苗○成○龍○張○勇○絕○其○汲○道○十一月初七  
○日○李○好○賢○等○兵○出○峪○口○自○范○家○庄○穿○嶺○經○煉○銀○山○西○  
○溝○盛○旗○幟○鳴○金○鼓○至○寨○下○賊○皆○登○寨○望○怖○恐○昌○齡○令○  
○材○官○劉○永○忠○至○山○下○傳○諭○賊○等○適○西○來○將○軍○乃○撫○標○  
○左○營○李○將○軍○也○最○善○殺○賊○馬○坊○賊○已○殺○盡○今○來○殺○爾○  
○等○亟○下○山○降○免○一○死○梁○四○張○成○志○乃○遣○密○匠○申○標○者○  
○下○山○求○撫○昌○齡○好○賢○謂○標○汝○能○殺○梁○四○張○成○志○賞○銀○  
○百○兩○標○回○寨○言○新○來○兵○精○勇○狀○乘○左○右○無○人○給○梁○四○

○於○小○店○鎮○北○門○外○斬○崇○孝○於○道○各○賊○俱○平○獨○煉○銀○  
○無○迹○  
○山○險○峭○攻○久○不○下○艾○松○令○各○營○分○番○遞○攻○滿○營○兵○先○  
○進○傷○砲○石○死○者○十○數○乃○遣○關○進○福○守○其○寨○西○門○常○道○  
○明○守○其○寨○東○門○苗○成○龍○張○勇○絕○其○汲○道○十一月初七  
○日○李○好○賢○等○兵○出○峪○口○自○范○家○庄○穿○嶺○經○煉○銀○山○西○  
○溝○盛○旗○幟○鳴○金○鼓○至○寨○下○賊○皆○登○寨○望○怖○恐○昌○齡○令○  
○材○官○劉○永○忠○至○山○下○傳○諭○賊○等○適○西○來○將○軍○乃○撫○標○  
○左○營○李○將○軍○也○最○善○殺○賊○馬○坊○賊○已○殺○盡○今○來○殺○爾○  
○等○亟○下○山○降○免○一○死○梁○四○張○成○志○乃○遣○密○匠○申○標○者○  
○下○山○求○撫○昌○齡○好○賢○謂○標○汝○能○殺○梁○四○張○成○志○賞○銀○  
○百○兩○標○回○寨○言○新○來○兵○精○勇○狀○乘○左○右○無○人○給○梁○四○



闖賊之犯京城。經大同。瓌不戰迎降。及國朝破。逐闖賊。瓌以城歸。攝政王仍其職授之。部下故多驍勇。久蓄異志。及見交山亂。愈心動。思逞。適聞英王至大同。打圍。十二月初六日。瓌與總督耿焯俱出城迎。去過玉橋。至東塘坡。在東門外十里。遇瓌標下差官王副將者。從京馳馬報瓌言。英王來。且縛總戎。瓌馳還城。一軍盡甲。襲殺牧馬滿兵。率部下襲擊英王。追至陽和。方回。遂遣姜建雄等分陷各屬邑。時李吉方平鴈門等賊。聞變。馳回寧武。嚴兵固守。乃標下材官劉偉、李秀、楊鳳山等已俱陰受姜瓌偽總兵副將等劄。遂於十二月十八日殺吉。并寧武道金某。而與建雄連兵。於時

老營堡參將羅映壇、利民堡參將劉秉鉞、偏關署參將張柱石及水泉河保等營將備。俱望風降附。偏關故明鄉官萬練遂自稱偏關道。全晉震動。初十日。英王自陽和整兵至大同。瓌迎戰。敗入城。王烈營圍之。四面作壕防其奔逸。十五日。世昌命艾大人、高國盛、左營中軍守備楊應麟、千總梁汝貴統滿漢官兵守代州。令王昌齡、率千總張勇、宋國忠統馬兵往大同。王營議兵十八日。又令李好賢、率千總關進福統兵守忻州。又令千總常道明率兵往寧武。協同李吉守寧武。道明至崞縣懸崗村。距寧武五十里。聞寧武兵變。李吉被殺。馳報世昌。世昌遂令道明回守崞縣。二



十八日世昌令好賢署寧武副將事。關進福署寧武中軍守備事。檄太原推官王胤祚署寧武道事。同好賢守忻州。二十九日王昌齡從大同歸。聞東路營參將呂繼盛係姜瓖義子。挾回省。六年正月初六日。世昌復令昌齡解餉銀萬兩。借張勇往大同。并請兵恢復寧武。令賈恩鎮守原平驛。昌齡與恩行至原平。值寧武叛兵與建雄等攻圍崞縣。聞昌齡至。怒曰：是故欲非割吾曹者。遂釋崞縣圍。圍原平。賈恩與張勇出城迎擊。大敗走賊。追至不及入城。盡為賊所擄。恩勇及眾兵皆割髮。齊降昌齡。督標下兵嬰城固守。材官劉永忠、張斗光從城東角繩繫賊上堞。城破。縛昌齡。

於驛庭眾兵罵曰：若昔以吾曹為非。今若且立吾曹。試割若視。若能復生否。遂斷其右腕。原任守寧道中軍張仲奇故為昌齡。因事革職。恨之手殺昌齡。初八日建雄至忻州。知州劉德炎開東門引賊入。好賢進福從胤祚率兵出南門。過七里河。列陣後敵。頃之退守石嶺關。忻州南三十里其日張勇帶兵十數自賊營逃回。見好賢。好賢命勇馳赴省報世昌。世昌急令苗成龍統騎三百援應好賢。好賢以兵少賊眾。復退回黃頭寨。離省六十里時有陝西更代回京固山谷彖打喇領滿兵千餘至省。布政孫茂蘭亦滿洲人。世昌命孫往說固山。借其兵恢復忻州。固山許之。世昌遂令好賢



同中營游擊白璧偕固山兵進。初九日至小店鎮。固山令滿兵四騎。同標兵張名虎。哨至石嶺關。遇賊探馬百餘騎。即與戰。殺其九騎。奪其馬。追至忻州城下。而還。其夜大兵進屯城東之石家庄。次日攻城。城臨河。矢石不能及。轉至曲家庄。過河立營於城南田村。次日姜建雄劉秉鉞率偽總兵姚通高之蛟李世華統兵數千。分十三路至。別令劉永忠率騎三百繞出石嶺關。絕官兵後。固山好賢白璧亦分兵各路迎擊。好賢以失忻州之慙。身先士卒。大敗賊眾。固山督兵追殺至西南城下。賈恩不得入城。歸命固山。固山付白璧解省。十一日夜建雄棄城遁。固山好賢追至上

陽五塔不及。十二日劉德炎自投首解省。定襄知縣暢悅獻印迎賊。賊敗亦逃回省。

朝廷命董謹親王督兵自固關至太原。斬德炎悅恩。釋張勇。先是代州有故明叅將劉遷者。素與姜瓖善。其親郎枋家傳村。代州東四十里有瓖部下持瓖偽劄至遷

所。遂至枋家定議。正月二十五日遷自稱總兵起兵。反。二月破繁峙。五臺人張五桂張五常高鼎靈丘廣昌人薛進臣張新等皆率眾歸之。劉永忠自忻州敗

後逃匿山中。聞遷反亦往投之。於是繁峙五臺靈丘廣昌等縣皆反。與遷應。二月初五日董謹王自省起程至忻州。命陽曲主簿何顯祖為忻州知州。內院辦



事官陳宗義為定襄知縣。次日至崞縣駐兵。初十日，從陽五峪攻寧武。偽總兵劉偉率眾駐長鎮村。離寧武南十五里。北山上據險拒敵。山峻削，兩崖壁立。中石峽僅容一騎上。冰厚數寸。王令敢勇數騎馳上頂。矢石不能過。偉兵退走十餘里。至黃沙梁復擊敗之。偉退入城。王遂四面合圍。偉急呼中西兩路偽參將自救。王分兵擊殺死者數千。前降老營參將羅映壇至營謁見王。初映壇之從襄預縮辮髮一縷。匿辮根際。及襄使命割辮中縷。故在索印作驚印。失及王圍寧武。映壇自老營投謁。王驗其辮印俱存。令復職隨軍攻城。月餘城中危急。三月攝政王以大同久不下。親至大

同督戰。令董謹親王撤寧武圍攻朔州左衛。建雄乘

兵退。遂從寧武靜樂南入交山。與王顯明等合給偽

劄付。以顯明為總兵。齊三夏閻虎為副總兵。杜養王

國獻為參將。鍾明節等皆為守備。選練精勇長驅南

出。是時標營各將俱北征。省中無將。止東路營參將

呂繼盛前被王昌齡挾回在省。世昌遂令繼盛赴鎮

交城。掌印都司張聖德鎮守文水。繼盛至交。潛遣家

丁以探賊為名。夜入西山峪口。與賊盟。三月十四日

顯明三夏圍城。日晏進東關。城兵內應。東門啓。城遂

不守。殺署縣事周邦翰於魁星閣下。建雄秉鉞等遂

入城。以交山人燕化鵬為交城知縣。二十五日命顯



明尤玉等西破文水。以靜樂人蘓國化為文水知縣。四月初二日攻汾州。時徐虎山與汾州把總沈海守汾州。尤玉故與虎山海等善。遂以城降。秉鉞遂自稱冀南道。以陝西三原舉人李昌言為汾州知府。孫某為汾陽知縣。沈海、虎山等皆為參將從軍。置酒高會。半月復東破清源。清源知縣程觀光挈印走省。以交城人陳敏學為清源知縣。分遣其黨南掠徐溝、太谷。五月初六日，徐溝知縣王惟敘亦挈印逃入省。徐溝、太谷以次破。以交城縣丞李某為太谷知縣。交城人曹邦禎為徐溝知縣。太原省南屬縣惟榆次知縣楊三知太原知縣。部煥元督率紳衿固守未失。世昌急遣人赴大同求救。羽書相望。劉偉命其偽副將楊奉山與忻口鎮賊首李茂蘭盤據忻口。扼南北道。攝政王命端重王分兵南下。適劉遷部賊萬餘攻代州。艾松、梁汝貴俱入城自守。鴈平道徐可用督東路中軍。王應聘北路中軍。郭金都、楊應麟、梁汝貴等分門堅守。數日東關破。城垂陷。值端重王兵至百草口。在代北七里。聞之。親率精騎馳至突擊。劉遷大敗。追至平城。代東四十里。斬郎枋於陣。殺死萬計。劉遷逃入黃香寨。繁時東南一百餘里。五臺山華嚴嶺東北五十里。高鼎、劉永忠率餘眾走入五臺山。端重王兵至忻口。忻口城西南即滹沱河。城外河岸為南北往來道。楊奉山、李茂蘭率忻靜賊數千據

岸為南北往來道。楊奉山、李茂蘭率忻靜賊數千據



河東西兩岸山頂阻險拒守。王從解溝舖北渡河分兵一從東山北上山驅殺賊眾下山一從東山南址河岸截殺東山營賊殆盡。西山賊望見皆潰走。李茂蘭等棄忻口越西山走入寧化為寧縣民所擒。王師至忻州遇世昌羽書報建雄顯明等已入晉祠方攻太原縣省城危急。王倍道至省就食於西門演武場。食畢馳至太原縣古城南晉祠北十里與姜建雄等遇。建雄命交山賊眾持鳥鎗伏稻田中。叠擊王師前鋒死者數十。王叠樹蓋以鞭擊鎗督戰愈厲。大燾中鎗仆後。兵挺起移時賊敗退入晉祠。王遂伏千兵於白雲山斃龔山後十餘里下。大兵進圍晉祠數日未克。高山衛守

備梁化鳳方以署察將從征。令道標千總宋國鎮舊營中軍王廷衡率兵五百從晉祠北門外樂樓後穴地百餘步至城墻下。納火藥滿未及封。火猝發。二將并五百兵俱燬。燼城墻亦陷。賊棄城越山西走。至白雲山後伏兵起殺死萬計。谿谷為滿。尤玉王顯明等皆死。明節等逃入山。建雄秉鉞由清源逃入汾州。徐虎山沈海率數人逃至平遙。上東山至南關。糾其黨雷雙羽張魁吾南入沁州。路遇張斗光亦率黨數人自遼州山出。遂同至屯留。時潞澤營察將周某統兵防守屯留。始至斗光等率黨二十餘人。夜至城下大呼。姜撫院劉都督大兵即至。先投順者即授官職。澤



潞營兵遂反。縛周獻城海。即率澤潞兵襲破潞安。道府官俱被害。海自稱大元帥。安設官吏於各屬邑。初王師已破晉祠。盡復清源。交城。祁縣。徐溝。太谷。文水。各縣。王遂進兵攻圍汾州。世昌復慮遺黨南逸。潞澤有失。時高國盛與艾松從代州回省。世昌遂命國盛同滿洲章京率滿漢官兵千餘往鎮潞安。至沁州南。則潞安已陷。先是有故明總兵侯和尚者。明亡後。為僧於介休縣綿山之抱佛巖。及亂作。侯和尚亦聚黨襲破介休。立營於抱佛巖。又有陝西榆林人平四。自稱總兵。率陝西黃河畔賊渡河。合故明閣部李建泰兵攻陷平陽各州邑。進圍府城。平陽道王無黨副將

范承宗督兵民守城。時巴山虎以吉州把總調守平陽。竭力捍禦。困守月餘。六月。天同破。殺姜瓖。攝政王英王俱班師。從居庸回京。命多羅王從朔州。寧武。靜樂。交山。招撫各賊。石固山同八旗固山。從鴈門。代州。忻州。至省城。勦撫潞澤。平西親王從漢中。西安。渡河。勦殺平四。李建泰等。多羅王至汾州。端重王命多羅王從石樓山出。隰州。至平陽。會平西王攻勦平四。七月。平四兵敗。遂請降。建泰走死。平陽各州縣俱平。姜黨牛化麟竊據保德州。平四降。餘黨多逃入化麟黨中。平西王復率兵同固山李適泰進圍保德州。後至七年。始平。多羅王由翼城東西烏嶺出沁水。攻取澤



州張斗光棄澤州逃入濟源山石固山八旗固山兵  
 至潞安沈海戰敗棄城南走入澤州之九仙臺王與  
 固山等合兵攻圍以紅囊炮擊之賊不支沈海單騎  
 走入王營乞招撫王許之海至九仙臺招其黨張魁  
 吾雷雙羽殺偽巡撫劉繼漢首級來獻餘黨皆降徐  
 虎山逃去潞澤俱平端重王時圍汾州分兵攻取抱  
 佛巖侯和尚敗逃七月破汾州建雄秉鉞等俱死汾  
 州平端重王由固關班師世昌具題敘諸將功  
 命下片李好賢為太原察將苗成龍為撫標游擊楊  
 應麟為山西都司僉書張勇為撫標中軍守備關進  
 福為撫標左營守備常道明為鴈平道中軍守備高

國盛部推利民堡察將巴山虎為保德州守備王師  
 既回京高鼎劉永忠據五臺山曹家寨劉遷據黃香  
 寨偽劉總兵據臨縣復為亂  
 朝廷命宣府總兵剛阿泰統兵勦高鼎等世昌命白  
 璧攻臨縣璧至臨縣與賊戰不勝復命好賢往一戰  
 破之偽閣部賈同春總兵劉某皆授首臨縣復定好  
 賢旋師復至五臺隨剛阿泰攻圍曹寨至十年真定  
 府推官胡文學獻策於總督李廕祖巡道陳安國命  
 標弁季佺招高鼎降之於是山西各府已畧定而交  
 山中前時倡亂受姜瓖偽職餘黨若鍾明節鍾印齊  
 三夏惠貞杜虎山申應發惠岐山任國玘劉正楊時



中惠天厲郝成年萬虎馬奧閻祿惠希厚王鵬等尚  
皆窳伏於煉銀劉王輝東西兩葫蘆間時時出沒為  
患而順治二年間馬風柱招撫諸賊惟巴山虎以軍  
功歷守備任亮等居高唐數年俱富裕嗣聞交山亂  
大兵勦殺復思鄉逃歸十一年國柱自江南離任李  
黃毛亦歸靜樂居周洪山內二人既皆隨任標營多  
歷省會經變更遠近諸山盜皆推服而黃毛在國柱  
標下久積貲尤富山中築堡如城廣畜騾馬積芻糧  
又故為材官家藏鎧甲兵器甚備十六年黃毛死其  
子宗盛稱小黃毛群盜奉之如黃毛而任亮之子國  
鉉國禎姪國海國圯國輔國強鍾名節之子鍾斗弟

鍾名俊鍾印之子鍾名鼎惠岐山之子惠孝文姪首  
富弟艾安惠希厚之子惠崇德王鵬之族王汝諫王  
登仙前偽交城知縣燕化鵬之族燕顯清申應發之  
子申友等皆壯大相糾結盜風復萌於是臨縣則杜  
虎山杜召宇李玘張二永寧則李旺郝成章范一虎  
馮養成曹豹子靜樂則王武李惠明李繼實段應李  
六斤尹三盛周時化董三蘇正明皆同時煽應為亂  
正明者即前偽文水知縣蘇國化之姪也為宗盛妹  
夫最勇敢宗盛倚之時汾州石樓縣有曹某者勇力  
絕人能左右射負膽氣初充按察司承差以事革改  
姓婁充都司壯役復以事革投入交城營為兵旋逃



入西葫蘆鍾家溝大皮溝更名傳青山。群盜推服之。為首賊黨日愈盛。山中殺人視為常。凡避罪及逋糧者一入山。官即不敢問。惠岐山鍾斗尤淫惡。岐山居惠家庄。遇群盜他出。即入其家。淫其妻女。斗行劫輒倒裸婦人。油漬牝。火燃之。或刀穿其牝。兩輔鎖鎖之而去。其惡如此。康熙三年。巡撫白某募烏鎗手交城營把總李國威。以鍾明節王希照惠首富等二十餘人名上。希羈縻之。後不用。明節希照首富遂食糧為交營兵。國威待之甚厚。欲陰以探賊情。其年月任國鉉劉正郝成章統眾劫文水縣某村。國威得文水關文率兵追至山口。陣斬一人。生獲郝成章張某王某。

等四人。國威密以其情詳提督。請勦。歲餘。國威被斥。革成章竟得脫。繼國威為交城營把總者蘇成甫愈。○斷○若○連○高○手○不敢言勦捕事。○結○處○若○



交山平寇本末卷之中

雲間陸慶臻集生評

夏駟曰有謀人之心而無謀人之形知兵者也交  
之寇皆土著世相仍互為婚姻其平居為民出入  
郡邑無禁多奸細萬山衛之彼不云乎利則攻不  
利則守更不利則走即萬眾如我何為虺為蛇自  
戊迄辛權之殆無遺策恬然若無事者嗚呼深矣

康熙七年正月十四日錢塘趙吉士以辛丑簡選推

官改授交城縣知縣其月左副都御史莫洛兼兵部

侍郎總督山陝大理寺卿覺羅阿塔進右副都御史

巡撫山西吏部郎中達爾布陞山西布政使刑部郎



中色忒陞山西按察使時晉省督撫藩臬皆新易滿  
 洲交城又夙稱太原巖邑以險聞人皆難之而吉士  
 故豪俠喜功名既受銓按圖籍攷利害遍詢晉中諸  
 縉紳與朝士之故嘗吏於晉者僉曰交邑環境將六  
 七百里平地不得二十之一賦僅踰二萬多逋負其  
 民悍獷健訟而尤苦者交山之寇縣治處東南隅折  
 筮使者二三十里出西北郭數里萬山挺旋自故明  
 迄今百餘年間縱橫出沒縣官尺符無敢入者是則  
 交邑之憂也吉士曰吁果若公等言是豈獨一邑之  
 憂耶吾方慮之吳興諸生夏駟者家貧落魄屢試不  
 第游四方適至燕客吉士所謂吉士曰晉陽險阻故

○即○落○落○數○語○自

○是○非○常○人○識○慮

唐晉興王地今山頑負固不靖為日已久設有雄黠  
 之徒因之以起其為生民憂豈可量耶公負文武材  
 任此地碌碌簿書非公事也吉士曰吾慮之熟矣除  
 盜之策非撫卽勦顧百年逋寇非可以空言撫也以  
 今日之情形度之必勦撫兼用然必先撫而後勦乎  
 不先撫無以携其黨不終勦無以絕其根君謂何如  
 駟曰然昔故明神宗朝楊應龍逆命調川楚貴三省  
 師會計兵興歲餘未定時先大父比部公爨適以執  
 法忤權璫謫黔陽請於黔撫郭子章單騎深入九股  
 苗洞說其渠謝仰牙等降其眾萬三千有餘應龍失  
 援遂一鼓而播州平今交山時勢未甚于此然情形



類是公已見及此相機行之而已。既三月二十八日抵交。從騎甚衆。聲容赫然。交民改觀。四月朔有二日受代。越十日。縣北境河北都山民郝芳名閻武等數十人連名投撫。遂人給一示令入山招集流民。五月重午節大閱於郭南。率丞以下會讌演武堂。吉士曰。器械不利。弓馬不習。以其身予敵也。號令不明。賞罰不信。以其卒予敵也。下令曰。營兵次左。鄉兵次右。五爲隊。先弓矢。砲次之。騎演次之。技精者受上賞。次者中賞。不及者斥。秋閱復不進。軍法從事。自武舉武生以迨胥役。願與者聽。人人踴躍。材勇畢奮。如赴大敵。入賞者百。捐錢萬。觀者蔽野。薄暮歸縣。喜謂坐客曰。

民可用也。一年教訓。與徒皂隸皆可驅而死戰矣。其月大雨。署中垣墻悉傾。初交署自明。萬曆二年一修。至今內堂僅三舍堂。之後卽北城墻。內外殆無限隔。前署事爲布政司都事陳方舟。毫不任事。其廊廡頽廢者。舉毀之。以爲薪。吉士至。居止無所。思葺之。慮勞百姓。躊躇久之。曰。吾得策矣。山中民方苦歲饑。群盜煽之。共爲非。吾姑給以食。而用其力。以息其邪心。且因以探山中情事。可用者。厚待之。使爲內應。計無善於此者矣。卽有以勞民費財上聞者。吾無恤焉。遂傳諭山中各村。藉貧民無食者。得七十餘人。出橐中金。易米爲食。大興作。陰使家人輩與之。襍處。日以山中。



事詢山民故愚憇喜得食言無不詳知山中盜固無  
日不思劫縣署也嘗夜風雨晦冥從數騎自東門登  
周巡見警裨者率衣藍縷憊弱不堪問其故皆以貧  
富不均告明日集諸紳士於明倫堂論以固守城  
隍實爲巨室大家計彼貧民六尺之外何慮焉今富  
貴者擁厚資高枕臥而朝不夕謀者率數夕一擊柝  
於心安乎且非獨於此勞苦不均則怨生怨生則釁  
作而或不顧切恐城垣之內未得高枕而臥也諸紳  
紳士聞之皆矍然請均役惟命遂出示不論紳士吏  
民家出一丁署其名於堞計九百二十堞每鋪五人  
計二十四鋪以次輪及每夜得一百二十人門設有

城總督之城垣外址距五丈許燃一燈以燭奸人昏  
次炮一聲行人絕署內傳一更箭巡一周報初更訖  
易二更箭終五更如之令以下分夕巡勤者勞之酒  
怠臥者責不到及催老弱代者倍其罰并罪城總城  
中肅然城守既均遂嚴行保甲團練之法十家爲牌  
牌遞輪輪牌之家卽爲甲長凡九家出入必訊每戶  
壯丁一人人具器械急相救暇相習十甲爲保保立  
一人爲練總各村堡地聯勢接者或百家數百家擇  
一人爲衆素推服者爲鄉督甲中一人犯約各家隱  
而不申者聯坐俱聽鄉督申飭練總察訪申報凡編  
戶之外皆以奸民論法旣行隣盜無逸入境者七月



二十七日晚鼓方讌談報直隸邢臺役有機密求見  
吉士起如外良久入屏左右以順德守李佳胤邢臺  
令高顯手書并關文示諸幕中則順德府於本月十  
二日三鼓有大盜數十餘踰城入縱劫其魁康如海  
康如江康四王有志等數人交山賊也吉士問曰君  
等之見若何寧波張翻曰急捕之緩且遁矣吉士曰  
吾問近作令凡隣近關捕盜賊槩回稱無是人而已  
既交邑亦以是故本境並未失事得毋不可乎且捕  
而得即已或不得將奈何翻曰不獲盜過小諱盜不  
捕罪大且縱盜不捕是養盜也吾恐各邑盜賊凡行  
劫必且動稱交山以與免異日一盜就縛公何辭受

諱盜之罪且公平日自負何如而顧效庸庸者所爲  
乎吉士笑曰吾聊試君等耳吾方將盡縛郡醜以一  
雪數十年全晉生民之恨顧肯爲若輩作梁山泊耶  
即命閉邢臺來役於內署毋令出喚山民之役內署  
者詢以如江等居址出入處即率家丁捕役數十騎  
親入山時已三鼓啓鑰出城馳百里至梁庄則如江  
等已遁急追之及於陽曲縣界之關頭佛寺盡縛之  
發其裝邢臺物具在不煩訊詢而服遂召邢臺役械  
付之誠曰出吾境非吾事也或曰獲大盜不報府司  
督撫可乎毋乃觸諸上臺怒吉士曰山中盜風方熾  
吾山城淺薄守禦單弱此數盜者又素稱巨孽一報



上臺文移往來動淹五六日保無有破械出押之事。乎今方獲卽解賊黨未知所謂迅雷不及掩耳者此也。駟曰諸上臺新任方以除盜責各屬必不如往者拘率文法時太原同知傅鎮邦署府事恐爲刑臺盜案所累深加憂慮吉士不得已上書巡撫巡撫果大喜不之罪也。乃如江等至刑臺隨口供贓甚多且以悉質交城各質戶對刑臺復關至吉士曰是狡賊挾恨且計累吾民秘其事立坐堂籤提各質戶月計出入簿查與如江等口供日月合者立取驗關送刑臺捏指者決詞復縣中各質戶脫然無累交城賦額載全書者二萬二千有奇而山賦居其大半胥役旣不

敢入山前令亦不敢徵比恒遺人齎名刺敦致順其意或稍納二三或持羊皮羝襪相抵少拂且挺刃起逋負歲積而汾之陽有河北都者其賦倍諸都逋負特甚是年秋旱山中雨雹大損麥豈吉士曰歲荒良民將迫而爲盜盜且愈張不撫無以安民心不身入無以示撫十一月朔從十數騎親入河北都隸役聞命皆戰慄失色然不敢不從行數十里却輿而騎又數十里騎不能行却騎而步懸崖峭削鳥道斷續從者眩悸吉士故驕捷升降如坦途山中民間縣官至其地皆驚愕出不意傳相告語來迎獻餅酒老稚婦女奔走出觀使君吉士開誠勸諭戒以



朝廷威德各上臺仁廉愛百姓非往日比若等慎毋  
 為盜賊所煽脅自取誅滅詞旨慨切聞者怵息日暮  
 山民爭留宿土窰中其婦女執爨炊灑掃服役如家  
 人有爭控者立為訊理曲者即命居民執杖杖之時  
 所居止及左右供應皆賊也吉士故為不知明日復  
 深入所至勸誠安撫而陰縱觀山中出入險易村落  
 遠近多寡與民情之順逆地有名木樂窰者勢尤險  
 惡殆無人跡方按轡覓路忽隔山口有三四十騎持  
 弓矢火器突出從役大驚欲走吉士遣一騎往前傳  
 語曰使君踏荒來此汝輩何為者盜耶可遣為首者  
 前致語既近則把總蘇成甫聞吉士深入山愕甚率

兵尋覓至此也因大笑共出會天大雪數日壑谷皆

滿四望無行跡乃命旋輿出山蓋自明以來

朝廷官吏至此始一歷其地也而是歲山中雖無年

小警動糧無通負初交山之民雖耕獲地少然茂林

深澗便芻牧順治五年禁民間養馬山民始困山中

又產木歲採伐貯山口之南堡村廠場交易歲納布

政司稅六兩隣近府縣販賣者四集連山數百里藉

以給而山口貧民遇貯賣役力拖撐無凍餒者以故

南堡村落烟火頗盛康熙二年文水民爭利構訟前

巡撫楊熙示不許立廠聽山民浴河變賣商販不至

而文水民遂立私廠於文水之峪口去南堡村十有



五里交山水不到峪口。卽不得賣力費利薄。山民愈困。八年正月初七日。吉士語坐客曰。不爲民謀衣食。而責民之爲盜。不可得也。山中衣食。唯畜馬賣木。今馬禁方嚴。無能爲計。獨南堡廠場。採交山自有之木。就交山自有之水。貯交山自有之地。交易相沿至今。尙與於文水。何礙於功令。而廢此以利彼耶。吾將請於上臺。復故利。以稍蘇山中之困。何如。震澤鄒斌曰。詳不明白。無以信於上。身不親歷。無以信於下。吾與宛來願爲公。至彼訪之。宛來夏乃皆微服赴南堡村。駟字也。情、景、慘、淡、儼、然、一、幅。村北鎖山口。東距郭三十餘里。沿山坡高下。往往廢址。居民不滿百。見二人。至競問所自。以買木商人偶。

游告競。邀過家。出鷄酒相款。語次。問其疾苦。皆言吾村往者。山水積貯。商四集。人烟稠密。自文水奸民攬利。構訟。廠場廢。而人民逃散至此。有老人白承志者。年八十餘。其言木廠興廢。及彼此構訟始末。曲直。尤悉。斌曰。果如叟言。盍亦控之本縣。及上司。承志曰。文水民富。且合力。吾村民逃往四散。其存者。又貧。且心不齊。知新縣王風力能主持。若上司不公廉。可奈何。駟曰。今布政達公。公廉甚。叟等不乘此時。控復故利。望且絕矣。老人首肯。聚語者十數。聞言。皆踴躍起。旣歸。以其言復吉士。撫掌曰。文水民卽積金百萬。其能行於今日。晉中之上臺耶。吾志決矣。翼日。村民數十。



人連名呈懇申詳重立廠場救民命吉士復一一面  
 訊委曲既悉為文詳布政司二月吉士赴省謁布政  
 使布政使曰汝木廠詳文固善然前撫批照沿河變  
 賣未嘗禁其不賣必求立廠廠之名其可居耶且每  
 年納稅安知官吏不假此侵漁自肥囊橐吉士曰山  
 水之出必乘水漲水漲不時若無廠場即不能隨到  
 隨貯山木貯積豈無偷盜必須人守無廠場則無地  
 主即不能自往自來且沿河非一定之地沿河變賣  
 又無一定之時是賣者買者嘗兩不可必也賣木之  
 民撐木出山嘗數百里販木之民挈資入境亦嘗  
 數百十里而皆待交易於不可必得之中此所以廠

意○中○語○玲○瓏○透○徹○乃○三○主○此○耶

募○人○意○中○事

場一廢交易兩絕也至稅課六兩於

朝廷不過太倉之粒粟牙行吏役日久弊生分外抽  
 取亦未可知或自今竟免其納稅稅名不立奸牙蠹  
 役諒亦無自而剝民布政司允之既出至公寓或報  
 曰文水民八十餘歃血盟歛金今入省且擊鼓控矣  
 左右皆驚吉士厲聲曰鼠輩安敢無禮吾項白此事  
 上臺盛怒此輩倚豪富魚肉吾交方牌提重懲如律  
 今乃敢送死耶居頃使人偵之則已鳥獸散矣遂復  
 為詳文申府三月布政司如議遂出示於西山谷口  
 之水泉灘復立場交易山民歡呼商販日至不一月  
 自逋逃而復業者數百家山口一帶與賊通者漸寡

此○節○絕○盜○源



其月巡撫阿塔出巡各郡邑。至交城時已薄暮。命巡城自東門登砲一聲。五方旗幟森立。墀有卒伍有長軍容肅然。比昏暮燈火照野。轉歷北門。有群呼而角崩於城下者數百人。巡撫驚問。則皆交山中。新撫盜也。其夕二鼓。旗牌官傳巡撫令。命召標兵入城。索鎖鑰。吉士曰。奉

旨兵馬不得入城。且大中丞得母以新撫盜故乎。令在是。卽啓門達旦。請以身任旗牌官。以其言復。巡撫壯之。五月夏駟歸浙江。臨行餞別。謂吉士曰。邇來百姓元氣漸復。與賊通者漸寡。但賊手足猶衆。腹心未潰。上兵伐謀。方在此時。吉士曰。然比君再至。吾且遲

露布以待君耳。八月山西鄉試。吉士入闈閱卷。甫入簾。而蘇家崖礦盜大集。幾二千人。屯集者二旬。出闈聞報。或請急發兵捕之。吉士曰。人衆難犯。發兵必且激而生變。且此烏合爭利。未有劫掠殺人罪也。吾以計散之。易易耳。立發票數紙。令近村各糶米荳草。若干。賊聞之。以爲官兵大至。悉分散去。隨發役捕得數人。置之法。十一月布政使達爾布進右都御史。巡撫陝西。旣

命下。會巡撫阿塔還旗去任。復奉旨。達爾布改巡撫山西。達公素知交山賊爲害久。稔知吉士才可用。委信責成交山之最險。爲群盜窩者



日東葫蘆西葫蘆兩葫蘆之中有崖曰三坐崖形勢  
陡削橫亘南北約八九十里即故王剛魁毛子等立  
寨處也崖下東溝名東葫蘆川川之中為橫嶺村武  
家庄冶西溝兌九村王家溝黃土溝後嶺底白刁嶺  
柴長村最北即靜樂境之河北庄崖下西溝名西葫  
蘆川川之中為惠家庄杜黎會小麥溝中園村鍾家  
溝大皮溝陽坡再西為韓九嶺刁窩再北為獨石河  
入靜樂境兩葫蘆川之外神師羊腸狐突諸山峙其  
左煉銀劉王暉爛團穀積季文諸山疊其右前有關  
頭岔口與石鎖關之隘後有石峽周洪黑烟山之  
險群盜分處其中居橫嶺者為任亮國鉉等居兌九

者為王登仙居黃家溝者為王汝諫居惠家庄者為  
惠貞岐山艾安等居鍾家溝者為鍾明節鍾斗等居  
大皮溝者為傅青山劉三張二等居刁窩者為劉振  
居李家溝者為申友居中園村者為鍾名開名俊等  
諸賊皆姻婭唇齒相勾結獨惠氏鍾氏尤族繁人眾  
而惠尤甚惠氏籍本陝西即故明兵科給事惠世揚  
族也徙居交山已數世順治十年間世揚以廢紳避  
難至交山寄居惠家庄諸賊以世揚故顯官有名望  
敬之世揚顧不善眾等所為屢勸誠之岐山艾安等  
伴聽受內無悛心唯崇德頗悔過時楊時中以家頗  
裕不欲久處賊中徙居屯蘭都而馬輿者因與惠家

○經○流○示○便  
○伏○波○聚○水○真○神品

○將○三○人○提○明○為○三  
卷擒賊張本



庄有隙於順治七年襲殺惠崇德之父惠希厚及其族三十餘人遂不敢居葫蘆中亦徙居屯蘭與楊時中俱糾衆自保爲良民吉士知之團練法行遂簽時中與爲練總將藉以制賊時永寧州有楊芳林楊芳清楊芳周者兄弟三人稍知書芳林寓惠家庄惠岐山延訓二子芳周充汾陽縣會手專捕賊而芳清爲汾州道陸光旭承差光旭去任命芳清持書幣遺驛糧道繆正心爲別且薦芳清正心用之以書幣復亦命芳清往芳清受命不之汾州而入山至岐山所給諸賊言吾新授石樓守備將之任欲覓馬數騎諸賊信之鍾明節與之驟一約與任所償芳清僞命從者

先往石樓騎驟去既芳清居山中累月又正心行文各州縣捕芳清甚急諸賊漸聞之而芳清又日與諸賊飲博銀罄鑿銀杯用艾安等語侵之若行止乃并吾曹相欺耶有所得急分遺我芳清不得已以一銀壺償明節群賊亦遂與之暱距汾陽西六十里東村有生員劉仁德者富而慳家衆多怨之芳清數以動青山等顧未得聞十月有仁德雇工人蘇海偕其僕王有庫車明高王良貴夜飲酒共訴窮苦恨仁德無御下恩同謀劫之適仁德命海迎其塾師賀生於永寧途遇郝成章具以其謀告青山等亦故因芳清兄弟耳仁德名久遂共糾約十一月二十六日齊集於



紅花溝二更攻寨海等內應遂入戶傷數人方縱掠  
火延屋焚適巡兵游奕至其地協同地方群呼捕賊  
眾盜乃徐整部伍入山去事聞府廳縣嚴督捕役緝  
甚急芳清復與惠岐山謀命其弟芳周率捕役掩獲  
艾安子惠滿洲兒惠標子惠發鎖兒并其媳馬氏於  
永寧之馬槽村汾陽知縣趙其星審二子及馬氏皆  
年幼無與逐之出芳清使人要之謂曰官有意寬汝  
然非重賂不得脫吾且與汝父謀救汝遂入山索惠  
標銀八十兩艾安銀四十兩救二子標等不疑青山  
與艾安善助之滿洲兒得釋惠標貧銀不時付芳清  
故縱鎖兒還而雷馬氏於別所以急標標與銀十兩

驢四馬氏之父馬爵亦與驢二數未足芳清諷其賣  
馬氏以償希以為妾且謂山中諸殷實者曰東村事  
露矣官且捕若能以金與我我為若解村民懼爭以  
金餉芳清兄弟復得利吉士陰偵得其狀曰是二賊  
不擒山中之禍夫有艾也九年正月示諭山中於二  
月朔有九日入山勸農明日至下長斜又明日至戴  
家庄危峯仄嶺鳥道如線溪流奔瀉下臨不測方緩  
騎徐行忽崖凹一人突出跪馬前問之曰某即惠崇  
德也姜襄之亂某父子曾為首領今改行已久舊冬  
汾陽被劫實不與事而各處關緝甚迫故出山投死  
耳吉士曰汝既能束身自首即投生何死之有且汝

○第一次入山兼撫兼捕



名犯年號諱。吾爲汝改名重生。與汝約。後三日。我至惠家庄勸農。汝當來迎。重生叩頭去。十二日至陽坡。次日至鵬窠。又次日至惠家庄。重生果率村民來迎。是夜宿重生家。令明日宰猪四羊十。聚山中。遠近村民大犒之。密喚重生謂曰。汝爲盜首數十年。死不足贖。然吾今宥汝。凡山中事。汝能爲我盡力。汝且不特不死也。重生願効死力。因問曰。楊芳林芳清二人何在。曰。趙家汊。去庄里許耳。曰。聞吾至。得無逃乎。曰。不逃。曰。吾明日大犒。彼來乎。曰。不來。彼恃山中皆其黨。固無如之何。曰。此有徑可別通縣者乎。曰。下庄而左。有嶺曰。途家嶺。踰嶺而南。循西冶川而出。人無知者。

乃密選健役十人。謂曰。楊芳林楊芳清匿居趙家汊。明日大犒。汝十人者。分路伏。二役備鋏鍊以待。聽吾命。擒二賊立擒至。命汝帶回寓。佯諾。卽鎖肘從庄左出。越途嶺而赴西冶。卽日到縣。少疎脫。汝等代死。明晨山盜雲集。受犒約八百餘人。且飲且諭。以各盡力耕種保家室。衆叩首誓不敢爲非。見數童子頗穎秀。因嘆息曰。使汝輩生長城市。良父兄訓之。獨不能博科與甲耶。不幸生此中。所聞見非殺卽劫。稍長卽與俱。一被擒捉。身受非刑。首領不保。痛哉。語次。童子有墮淚者。指謂衆曰。爾曹視此。何爲者。良心人盡有之。惟是生長深山。爲匪人煽誘。漸汨沒。以至身爲人類。



竟與禽獸無異耳。山盜聽者皆感動。吉士見衆心漸服。粹問曰：楊芳林、芳清二人何獨不至？群盜皆驚愕。或言曰：芳林等自知罪大，聞官至山已逃。永寧州去矣。吉士笑曰：彼在是若輩毋諱。叱左右曰：速擒以來。群盜相視不知所爲，刻許擒二賊至，兀立不跪。吉士曰：汝積惡盈貫，誘良民盡爲非，自恃山險莫爾治。吾方爲山民除害，爾尚敢崛強耶？滿握籤鎗，然投地。群盜百餘俱起跪爲二人乞命。吉士厲聲曰：爾等皆吾好百姓，爲此二賊煽惑爲非，及官司捕渠，渠又乘機脅詐汝等。吾今除二賊，正爲汝等身家計耳。反爲彼乞活，叱隸役與大杖隸役，故風受誠。五六十人傳呼。

聲如雷，群盜皆懼，伏不敢動。杖二十而膚無肉矣。杖畢，命押回寓，因復談笑好語，撫慰故數，數命酒賜飲。移時度行者二十里許，乃起歸，整部從行四十里出東坡底，山民追送以爲芳林等故在而所遣十人者已挾二賊穿嶺東出至縣矣。復四十里至滙裏時，已昏方與蘇成甫會飲。營兵鍾明節突至，大言曰：賊首任國鉉聞芳林等被擒，統衆千餘來奪，今至矣。成甫大懼，欲馳避之。村民競請登樓。吉士怒，喚家丁立縛明節，加刃於頸曰：賊至先砍汝。傳集近堡壯丁約三百，點防兵從役六十餘人，統五爲之長，宰猪十，羊二十，犒之。近二鼓，身騎馬先，衆以隊進，一人持刀驅明



節於前爲導約行二十里報者曰賊聞官不走且統  
衆入悉鳥獸散矣吉士曰速追之一人毋縱山民皆  
叩頭言愚民無知死固當第兒童婦女驚惶逃越墮  
崖谷死虎狼可哀願官天恩少憐之成甫亦力勸乃  
命旋旅釋明節既歸縣庭訊芳清以縱指群賊劫東  
庄及據山抗官故不待刑悉吐無諱且曰吾固知公  
且擒我然不謂入吾穴縛吾如是易也芳林擒汾陽  
被劫之盜始得主名而名節竟亡入山中復爲盜顧  
國鉉等既失芳林亦懼服不敢動西山一帶稍寧謐  
其四月期當薦舉巡撫故深知吉士治行遂上疏言  
交城縣知縣趙吉士催科則禁包除耗積逋全完靖

盜則擒渠撫黨四境寧謐申立木場而山民稱便捐  
資建署而派累永除招回逃亡數百戶野無流離修  
築堤岸四百丈城無水患有才有守足當薦舉以備  
陟明之選奉

旨下部吏部覆允註冊五月有陝西流兵姓黃者部  
衆二百餘自黃河畔突至葫蘆中時鍾斗國鉉等方  
失芳林二人無與謀惶惑失勢見黃以衆至則大喜  
賊中有頗涉星緯者且妄言天文有變晉中當首事  
遂四集群盜約二千餘人時汾陽朱翰林家牧羊萬  
餘頭於西山坡黃命衆悉驅之入山日烹羊置酒犒  
衆整弓矢火器皆大舉而國鉉妻弟閻英者故出山



為山鄉收吏伺動靜警聞巡撫憂甚吉士策山賊烏  
合無謀間以計可不煩兵而散乃故為好語時時使  
閻英聞且曰國鉉鍾斗等皆悞為盜不足深罪國鉉  
等聞之猶豫未發卦山有老僧允紳者方以修剎募  
捐至城吉士密令沿山村遍募漸入兩葫蘆中賊不  
疑凡旬日盡得黃與群賊客主情狀密報吉士喜曰  
吾得策矣遂貽書太原副將朱龍請兵三百至交屯  
駐以張聲勢朱龍曰寄語汝官謹守城郭若兩葫蘆  
未可輕問也吉士再致書堅請因調守備祖光顯率  
兵三百至交屯東關吉士密遣山民持一函封命入  
山付國鉉等且誠曰必俟黃某與國鉉斗等大集飲

酒乃付之山民加誠以函授國鉉函上署曰付鍾斗

任國鉉拆重以縣印群賊聞縣官有手扎聚觀國鉉

不知書鍾斗識字欲拆視國鉉不肯曰授黃將軍黃

將軍者啓視大驚起袖書罵曰汝交山夥險狠無賴

乃欲以吾為奇貨耶立率部眾馳馬往劉王嶂西去

群盜不知所為而祖守備且率兵入山縣中縉紳故

為劉雷請身入山撫有劉季廉父劉必颺同城總鄉

耆申為第任道遠等三十人先至葫蘆告以大兵將

入山故國鉉輩皆叩頭哭誓不復反必颺等撫慰再

三群盜悉散賊之親屬千餘人悉入城就撫祖守備

整旅歸竟不入山也交城營兵所屯開柵鎮者去葫



蘆口約百里。戍兵百名屯駐。歲久其中十之二三。故  
交山百姓投營食糧。或別邑充募。因取交山婦女為  
妻室者。名為戍兵。皆賊心腹。官府動靜。朝發夕聞。蘇  
成甫雖為把總。顧反畏憚。稍束以法。卽嗾山民控黜  
之。如往年李國威稍任事。圖勦賊。旋反為賊。陷鍾明  
節之子鍾斗弟鍾明俊。鍾明鼎等。皆山中有名盜魁。  
而明節身充汛兵。為應庇方。楊芳清等被擒時。賊猶  
惶惑。明節陰趣賊集眾。而身張皇賊勢。以脅官弁。與  
吉士稍懼退走。則賊勢愈熾。而山中良民且盡。脅以  
為盜。是年秋吉士赴省。白巡撫曰。山中盜故多。然能  
發縱號召者。止十數人而已。除此十數人。其餘脅從。

伏○後○蘇○成○甫○被○控○追○應○前○李○國○威○被○示○是○奴○事○  
中○血○脈○處○

可不煩兵而服。第開柵戍兵。久與賊通。戍兵一日不  
易。則此十數人者。一日不可除。巡撫曰。此總督事也。  
汝可具詳。吉士曰。汛兵屯駐久。婚姻土業。相顧戀。必  
不肯移。卽副將以下各武職衙門。類有賊腹心。文書  
上下稍不密。彼且激而生變。若得請竟行。秘其事。別  
調赴省。因而易之。方可無意外慮。巡撫曰。汝第詳。吾  
當為汝致書總督。吉士遂以移汛換兵事。詳總督。總  
督准咨部。已而文。在在。政司。同行。府。府。行。交。城。  
營。營。兵。聞。之。洵。洵。陰。語。群。盜。曰。官。今。且。易。吾。曹。吾。曹。  
去。後。來。者。且。盡。勦。殺。汝。等。矣。群。盜。曰。為。之。奈。何。營。兵。  
王。希。照。者。故。大。盜。王。顯。明。親。弟。投。入。營。食。糧。家。故。饒。



妻妾六七畜善馬十數素勇悍與賊通爲賊倚信爲之謀曰吾等久據山中數十年歷官四五無敢謀吾曹今忽爲此舉皆縣官一人謀也除縣官一人山中安枕無事矣群盜以爲然遂陰定計伺便初交城有田福者曾爲巡撫舍人恃勢暴橫行於遠近道府皆厚待之縣官與之抗坐生子彌月署官具金麒麟爲賀鄉紳以下無敢忤視者吉士出都門卽聞其狀至首欲除之福知之廣求長安巨公書爲先容不効乃陰使土豪共爲流言萋菲希播聞上臺以動搖吉士顧上臺知吉士深廉得其故重懲之俾禁交城城中不得出福旣深怨吉士且素與賊往來遂於九年正

月十三日舍盜於其家伺吉士省回乘上元夕將甘心焉而吉士適爲巡撫畱訊別案不果發十九日返署山中誅者密以聞心識之二十四日赴家居給事中武攀龍宴三更歸秉燭坐治文書聞城上柝聲忽止負楚聲殷然卽出戶呵家丁數人起馳馬疾上城遙見北門隱隱攀堞下者數人北門距山口不一里夜瞑慮有他虞命母逐顧巡城規每舖五人夾門樓東西舖十夫被挺擊仆者一人而餘寂然卽執巡堞者訊一人色動知爲賊黨入內署鞫之盡得其前後謀刺狀顧無跡可按置之私計曰吾向第謂汎兵皆賊乃城郭內亦皆賊耶城郭賊未除而顧謀山中賊



吾過矣翼午蘇成甫至飲之酒將闌悉屏左右獨召  
王希照謂曰若通盜刺吾吾不殺汝第能為吾盡縛  
諸賊且保汝為把總希照驚跪曰某誠無狀罪萬死  
公今不殺願以身報吉士秘之空處最是筋節處然逆揣賊勢且愈猖  
獗城守加嚴廣布間諜備不虞三月以希照赴省謁  
副將劉朝輔具陳其事朝輔謂希照曰若果能擒賊  
自贖且題汝為千總何把總為希照叩頭受命初十  
日自省旋過清源執邑令張汝瑚手曰山賊大起矣  
吾輩左右皆賊吾備之無刻忘顧君屬民情太懈不  
能無憂汝瑚曰吾邑貧甚吾庫無分文即有警不在  
城其村落乎吉士曰吾言有自來謹備之既歸縣數

日嵐永臨汾時聞警交城城中每晚飛石男婦夜驚  
城外近山鄉村每夜聞炮聲不絕三月十三日方出  
示期望日補行鄉飲酒禮十四日午諜者報靜樂境  
賊部眾將百人自周洪山南出不知所向吉士憂甚  
復貽書汝瑚為備清源縣南社村有溫姓者家頗裕  
群盜謀劫之聚議於李宗盛家交城原瓶都賊首趙  
應龍者壯健力敵十夫諸賊俱兄事焉家居懸崗嶺  
宗盛慕之厚幣結交舍於其家十四日議既定遂集  
眾應龍為率蘓正明與劉遇祥閻祿蘓萬遇四人先  
至縣具糗糧應龍統黨段應等隨後期西山半嶺取  
齊是日清源令張汝瑚以事同訓導李開秀禮生其



等伍人偕至西山無樑殿飲酒將暮天大風塵沙漲  
 天宗盛等方至半嶺候四人回而劉遇祥以訛聞逸  
 至日彼三人者悉為官兵獲矣群盜惶遽喧亂而汝  
 瑚等適回城聞譁聲振野或奔傳狼至但四散走汝  
 瑚易與人服得免而開秀以馬逸且風沙不辨反衝  
 入賊隊賊方聞信驚恐見匹馬突至以為官兵捕我  
 爭格戰袁世虎者手持刀砍之墮馬群賊紛擊立死  
 應龍遂乘開秀馬偕眾賊入山去其夜三鼓諜者密  
 報狀吉士得信立傳密令命屯蘭都練總馬奧楊時  
 中急率鄉兵扼山中要道絕其歸路戒左右毋敢泄  
 晨出公庭選快役四人解餉銀五千赴省且誠曰與

汝期今晚必至省即途有異聞母反反且死遵吾命  
 即意外虞吾無爾責銀已出郭隨偕縣丞典史訓導  
 等請賓介舉鄉飲禮畢復邀訓導登卦山五禮生與  
 俱酒數行縣中報清源教官被殺坐中大驚吉士笑  
 曰無恐吾固已知之諸君姑少飲賊且就縛顧歸生  
 輩俱戰色欲走堅懇吉士乃顧笑升輿起其日解餉  
 者出郭三十里聞清源事股栗不敢前既念吉士臨  
 行誠驚且異卒赴省無他虞其夜五鼓馬奧等馳報  
 應龍等眾已被困馬鞍山馬鞍山即谷中吉士喜曰  
 此山扼隘第堅守不出三日賊饑且死矣復貽書汝  
 瑚言狀急索捕賊關顧汝瑚關文不至且清源縣中



俱言開秀墮馬死非賊不得已命與等第退守村落。無迫殺應龍等遂得逸去。吉士恨曰賊風從此熾矣。時群盜漸聞殺者為教官心甚悔。宗盛曰殺朝廷命官事滋大。畱此馬必且生釁。謂群盜曰能送此馬出山者以弓矢酬。袁世虎應命遂夜乘馬出山。放蒿泊鎮坡田中。蓋賊能先登有膽氣者。方束弓矢乘馬為上盜也。乃賊既不得志於清源而往年所劫汾陽之劉仁德族弟劉應熊者居張家庄富與仁德埒。石樓縣有弄猴者武之龍素出入其村。三月中入山因青山故其里人過訪語及應熊共謀劫之。樓煩鎮有王武或稱王五武五土音莫辨者靜樂巨窩也家殷富圍墻

四周內建迷天樓危簷飛甍屋脊瓦獸俱飾龍形家藏匠製造鳥鎗弓矢以給群賊劫回則數倍其價償之。四山盜黨凡集議非宗盛即武家於是青山等遂群議於武家定約於十六日齊集大西溝時段應之子南強來迎其父同往適應龍等亦回至山梁上相遇聞之心動即日馳至大西溝與青山等合於是靜樂則趙應龍尹三盛李繼實李惠明李六斤周時化寧鄉縣則劉成庫劉天正汾陽縣則武之龍永寧則郝成章曹豹子馮開嵐縣則袁世虎臨縣則張二文水縣則弓進劉振交城縣則任國海傅青山鍾斗鍾名鼎鍾名俊惠艾安惠孝文惠天成等統眾八十餘



名於十七日至克不嶺溝十八日至黑嶺山十九夜  
至張家庄青山令弓進二十一人伏寨門外把風令  
惠首富等十七人伏寨側山上堵水把風者謂斷往  
來堵水者謂絕救應皆賊中號也青山與鍾斗任國  
海趙應龍等三十二人執器械布雲梯直上寨垣應  
熊家驚起奔逃青山箭斃一人鍾斗惠孝文等繼入  
殺傷數人地方聞警飛報汾州守備陳國柱急統兵  
追之二十一日官兵至黑虎塔北大山扼其歸路賊  
至各兵圍之數重青山國海艾安等以數騎先登突  
圍衆賊繼進死戰官兵爲所傷者數人箭盡取官兵  
箭返射馮開酒醉馬蹶被擒惠天成死於陣官兵取

其首級青山身中三矢仆鞍上艾安國海左右翼之  
衝入山口官兵追之艾安與國海殿穀弓反向追兵  
莫敢迫時相距五日清源教官被殺汾陽被劫兩縣  
俱失事遠近振恐吉士密督捕役等入兩葫蘆踪跡  
之四月初五日鄉民王貴於惠家庄偵知武之龍劉  
成庫劉天正三人同劫汾陽狀給出山縛以獻訊問  
得趙應龍首謀往劫事乃密召惠重生謂之曰吾欲  
得趙應龍非汝不可重生曰若明日入山謂任國鉉  
等曰殺清源教官者皆靜樂賊也今皆歸罪交山若  
省城發兵會勦是吾交山代靜樂受敵也今縣間第  
得趙應龍一人申解省城則吾交山永無事矣國鉉



等謀之皆曰殺

朝廷命官道府且得罪必盡力勦吾不如縛獻以紓

吾山中憂於是同惠孝文等作信給宗盛曰嵐縣有

巨室堪供給吾曹若趙將軍來吾等當與同往趙將軍者

謂應龍也初九日宗盛遣應龍率黨百餘赴約而任國鉉

惠艾安惠孝文鍾斗等數人亦率眾乘馬逆至中途

史家谷邀應龍飲酒應龍下馬坐山頂共席地飲方

食鷄應龍拔刀割鷄孝文曰吾代兄用手遽奪其刀

國鉉自後抱持之艾安即持鐵尺打折其兩臂群盜

驚散應龍不能動曰吾與汝相約結素無隙奈何至

此國鉉曰縣間索汝急汝不出吾等代汝死無益不

得已耳應龍罵曰吾死矣若等行且就縛同汝俱死

遂縛以付重生等獻出應龍至吉士訊之應龍恨為

宗盛國鉉等所賣慨慷指畫悉供群賊且曰群賊之

往來連絡皆李宗盛一人主之也擒宗盛則各山賊

易易耳且宗盛家富甚積糧數千石鎧甲弓矢馬匹

無筭是不除且圖大逆吉士曰宗盛事若急彼將安

往應龍曰交城兵自南入彼必北走蘆芽管涔等山

靜樂兵自北入彼必南走兩葫蘆合夥若交靜南北

並進則必西走劉王蟬刀窩約劉振同入黃河畔大

夥合勢矣其言餘盜擒緝方畧甚悉遂械應龍赴省

應龍沿途據鞍高唱洋洋去無怖容數日吉士至省

第○四○次○用○戒○捕○賊

詳○細○處○却○極

簡○案

亦○一○偉○賊 宗盛○之○然○應○龍○實○負○宗○盛



將謁巡撫先謁按察使色忒密白見巡撫且請兵擒宗盛按察使曰兵易言而難行民易動而難靜果萬全則可否則且止功過不兩立吾滿洲言無戲也吉士曰某揣之熟矣當不致貽公憂既入巡撫曰賊披猖愈甚皆汝等縣官不能撫循所致吾今且給示傳諭山中吉士曰不可巡撫正色曰尚未見示言不可何也吉士曰公將勦之耶固無所用示用示必撫之也切賊之所以狼突無忌徒以往者用兵失利近任事諸人遂絕口不敢言勦故耳今某方播言撫憲已密具疏且發兵會勦以振脅其餘黨而顧出示撫之則機敗矣故曰不可巡撫色霽曰汝言是吾示果撫

當畱異時擒賊後用之耳明日靜樂署印都司經歷馬思才報盜勢甚急巡撫傳按察司及吉士入內問擒賊方畧吉士曰賊無多寡心合則難擒心散則易制某探知各縣之賊皆以靜樂周洪山李宗盛爲窩主擒宗盛則各山不相連絡而賊之勢散公誠能假便宜發寧武協兵自北入太原協兵自東入宗盛見勢大靜樂羽黨不能支必南引兩葫蘆賊以自救某密用間使兩葫蘆賊不與之合則勢孤望絕惟有踰劉王嶂以入黃河畔伏兵待之不出十日擒宗盛必矣巡撫曰汝籌畧似鑿鑿然得無爲趙括乎吉士曰賊中情形知之稍未悉敢易言耶今已得要領實



可見之行非徒言也。巡撫曰：汝能任，卽傳吾諭檄諸路移兵屯駐，聽汝調度。然事之濟否，吾亦悉責之汝。吉士旣出，隨入府。時署府事者爲偏關同知趙蕙芽，與吉士同世系相善，因共定計夜草檄關寧武協，請兵三百期於二十二日屯駐樓煩鎮，檄汾州叅將集兵戒嚴，示發兵狀，而密請太原協日詣演武場挑點精壯，整器械秣馬，聲言大舉。十九日夜歸縣，遣惠重生等先入山，謂諸賊任國鉉等曰：都院今已奉旨會勦，大兵分三路入山，擒靜樂賊李宗盛等，汝等一動，族滅矣。第各安居家中，有靜樂賊逃至者，卽擒以獻。官當力保全汝等。賊聞之果懼，不敢應。隨召蘇

成甫趣其入山，先安撫交山賊，悉如諭。重生者，成甫初猶豫，已知山中業有內應，乃敢統兵入。二十日吉士方宴鄉紳於二堂，私屈指計捷期，忽報蘇成甫被山民控，協鎮兩旗牌奉令箭卽營中縛成甫赴省。代者爲百總王國振，擇二十四日宰牲赴任。今已至東關，吉士大驚曰：此舉敗矣。立命請兩旗牌并成甫國振入署慶，且饒國振等甫入內門，扃吉士謂旗牌速釋成甫，縛曰：此封疆大事，軍機一失，罪且莫追。雖協鎮有令，然王百總必不得入山。蘇把總必不得赴省。俟明日別定行止。旗牌無如之何，其夕作書貽劉朝輔，令蘇防弁待罪行間，拿賊立功，卽隨新來王百總



入山屯劄侯靜賊逃過即便擒拿功成之日寬蘇防  
弁之罪委補王百總以守交城營蘇既全職王復超  
陞二將不遺餘力可必馬到功成二十一日未刻方  
與成甫等飲而朝輔書至悉如命行仍令蘇成甫照  
舊管事王百總亦令其協同入山相機行事吉士大  
喜隨示兩旗牌并王百總立趣成甫即晚入山且曰  
山中知君被提赴省其心必變宜速入惠家庄而分  
兵以伏鵬窠若念三日宗盛不獲必走劉王嶂矣君  
宜星夜走鵬窠合兵捕之行必成功捷聞之日吾將  
出郭十里以迎君成甫感激踴躍去隨選家丁快役  
并鄉兵等百餘人付尉郭景明率之命自雙溝入為

成甫繼二十二日寧武協副將管良璧統兵三百至  
樓煩山中競傳汾陽兵出永寧西至太原協復調兵  
入山賊黨振懼宗盛欲集眾慮勢不敵將走葫蘆關  
交營兵已至惠家庄勿遽無措乃與心腹十數騎西  
南走二十四日午刻至鵬窠就食於劉振家食已方  
備鞍伏兵起成甫統兵亦至愈集鄉民圍之數十匝  
其手下驍賊弓進者率羽黨乘馬出戰射官兵一人  
踏之兵民爭奮齊進銳矢並發宗盛知勢不得脫出  
門呼曰吾李宗盛也任縛台去眾兵縛之弓進等皆  
就執宗盛久據周洪山恃險負固謂官兵必不敢入  
築墻垣如城郭聚糧千餘石驟馬盛甲器械不可勝

第五卷 兵剿賊

故是



數凡永寧嵐臨石樓各縣賊有所謀皆徒手至宗盛  
所謀定宗盛分給馬匹器械切歸每一馬一械皆以  
人數諭坐而得利嘗謂群賊曰官不急吾則已少急  
合各山騷不下萬餘踰山四出誰能禦吾事成則為  
趙武靈不成就招撫亦不失總兵職故橫甚不意群  
山賊聞大兵三路入各惶懼自保又聞購者止宗盛  
一黨兩葫蘆賊復觀望無與合勢因孤立西走卒就  
擒宗盛擒而山中盜或謂吉士有異術能前知轉相  
傳布驚恐而宗盛之黨若蘇正明張朝忭閣祿等散  
逸靜樂各山者亦同時被獲吉士聞成甫已獲宗盛  
等歸縣喜曰宗盛擒吾事集矣具威儀金鼓出郊迎

之笑謂成甫曰吾不負前言也宗盛狀貌魁偉久為

盜魁即被擒氣勃勃遠近士民素耳其名未及郭數

里觀者萬計坡野為滿已入城雖婦女亦上垣簷縱

目指顧笑語至庭設筵二吉士與成甫東西列南向

坐慶宴下設一席賜宗盛飲謂曰聞若名久矣今乃

得一識面宗盛滿飲大嚼初不對吉士笑曰大丈夫

成則王敗則寇若亦山中好男子一死耳何諱為宗

盛輟箸笑曰公言是吾豈畏一死耶吾第恨生不讀

書故至此然吾有二子將以丐公吉士許之賜帽衣

服復問以滅盜計將安出宗盛開陳指示凡山谷險

夷與群盜出沒居址及用兵寄正分合處燦若圖畫

予在晉陽聞宗盛

盛實亦盜中奇人得如此輩力為之傳寫死可不以不

恨盜魁即被擒氣勃勃遠近士民素耳其名未及郭數

里觀者萬計坡野為滿已入城雖婦女亦上垣簷縱

目指顧笑語至庭設筵二吉士與成甫東西列南向

坐慶宴下設一席賜宗盛飲謂曰聞若名久矣今乃

得一識面宗盛滿飲大嚼初不對吉士笑曰大丈夫

成則王敗則寇若亦山中好男子一死耳何諱為宗

盛輟箸笑曰公言是吾豈畏一死耶吾第恨生不讀

書故至此然吾有二子將以丐公吉士許之賜帽衣

服復問以滅盜計將安出宗盛開陳指示凡山谷險

夷與群盜出沒居址及用兵寄正分合處燦若圖畫

真

真



且曰吾輩據山中久今遇公吾固死公必且盡擒諸賊吾亦不惜盡言之為公助也初巡撫卽從吉士計調兵以山深恐易匿既數日交城申報杳然謂司府各官曰趙令計兵一發李黃毛可立擒今發兵久得無逃乎司府不敢對項之報至方肩輿有所過聞之大笑靴按輿板聲閣然巡撫素嚴毅寡言笑為地方喜不覺至是吉士既深知賊中情狀遂謀蕩平然終慮山深徑雜賊中間諜多或有逃逸謀遣人入賊中為內應恐賊疑聞王登仙者雖久處賊中近不與賊共事且謹密能任頗有悔心可與謀山中適有逃人被緝遂命役以窩逃事召登仙至庭詰甚嚴曰若窩

逃罪且流徙矣登先哀乞甚至叱之退其夜屏左右召入休以利害授以計翌日備文解京差縣役一名尉役二名押解復陰以旨授尉役將出山西界曉發行數里尉役驚曰解文悞遺邸中奈何縣役遽反邸取文比至途則二役與登仙俱遁無踪跡縣役惶恐欲走慮妻子受刑越數日歸縣自首時吉士赴省丞汪潤斯大驚備文申吉士吉士佯大怒立命役入山收登仙妻子下獄重責押解役併收尉役妻子皆禁之倉縣中喧傳登仙同解役畏罪逃也乃二役與登仙連夜走入葫蘆亡命青山國鉉等夥中青山等故與同黨復聞其事深信之不疑



交山平寇本末卷之下

雲間陸慶臻集生評

夏駟曰歲戊子官兵常一入山矣。岔口之役石鎖關之役煉銀山之役前者亡卒以千數勞師半載終漏天誅是行將不過守備兵不過三百不踰月不血刃渠魁盡縛何難易爾殊耶掩其不備則童子○數○語○可以殺賁育披其腹心則手足雖具而無川語有之謀事非難成功難是舉也吾服其能成○上○下○足○該○下○卷○

康熙十年二月二十五日大同府同知周令樹陞太

原府知府時令樹方以巡撫卓異舉又向署篆太原

保舉吉士者也報下吉士喜甚曰上下交孚吾事濟

提綴兩公處舉一



矣。四月吉士第靖士甲辰科武進士同夏駟自江浙赴晉已渡河至武陟。聞清源殺教官事。靖士大驚曰：「吁！是必為交山賊無疑也。」五月疾趨至交署。吉士甚喜，置酒飲談。山盜披猖，事謂駟曰：「別後兩年，甚為山盜所苦，無與謀。子何不早來耶？」駟曰：「李宗盛就擒，賊根本仆矣。」吉士曰：「葫蘆賊未除，憂方大耳。」窮山千里，擒一宗，盛其能絕根株乎？駟曰：「然。昔李文饒節度西川，日詢諸將佐及歸附屬番，以山川險要，築籌邊樓，有所得悉圖之於上，不一月而形勝萬里，皆如身歷。以故能制吐蕃。今交山群賊分據各巢，且生長其中，東踰西越，如走其室廬。而君第經歷二三過，問山民指示數

語，其何以制賊手？」吉士曰：「善。遂命山中都具一圖，圖列某山溝村徑，鱗次集布，為大圖。日喚山中艾老之熟於徑路者，問其曲折，詳註圖間。旁及靜樂、臨縣、永寧等山，無不究其月。給事中姜希轍題請巡撫管兵一疏，內云：「山西一省，實屬遼闊，且交城一帶逼近延綏，伏莽正多可虞。是時交城盜名至動朝論。如此六月，總督羅多赴任，入太原境。副將劉朝輔知府周令榭迎謁。總督謂朝輔曰：「交山賊盜四行劫掠，殺命官若為副將，奈何擁兵玩寇？」朝輔具言山深險群盜蔓延勾結，恐用兵難萬全。總督曰：「姑為汝期一月，盡捕諸盜以報。」令榭曰：「以其度之，賊勢雖猖獗，至十月必



可平總督曰若何據乃爾言之易令樹曰交城趙令才且流任久山中情事深悉之近與商方畧已定所待山寒木落兵一入平可必也總督喜而徐溝令趙良璧復密為總督言交山盜盤據百年根深勢險即用兵難成功總督憂之朝輔既奉督撫命欲發兵密以書問吉士吉士復書未可踰月探知袁世虎方謀糾黨劫某邑獨身至中西都之左演溝石崖密密諭典史郭景明擒之不數日而袁世虎縛至世虎精悍上下峻領如飛踰垣墻如履平地故殺清源教官及送馬至蒿泊鎮者也既至賜之酒肉召入內命劉燧等與語誘以擒賊自贖世虎曰山中頭領就擒者且

半今惟傅青山鍾斗任國鉉尹三盛李六斤等十數人耳然此數人者勇而狡日夕為備未易擒也斌曰試以爾言果若何乃可擒世虎曰彼消息甚近官勦捕兵未出城已先知沿山中瞽目乞丐多吾黨鳥鎗一聲各村群集况山深徑雜外人止知大路安能處處斷截耶馴曰山中路徑固多然吾已無處不到矣因按圖畫地指示之曰此某某所居此為某前路此為某後路此路通某路問曰是否世虎大驚曰吾作賊山中久亦未能詳悉如此因密告曰官謀青山青山亦且謀官早晚當防之馴悉其言白吉士且曰世虎言彼消息甚近青山等亦且謀官語非無謂也吉



士曰吾怖置已定青山等縱有舉動必不能行所慮者彼棄妻子預走耳時青山國鉉等因宗盛擒後靜樂賊深恨交山賊隣縣諸山駁亦俱懷疑不復心合深悔之青山謂群賊曰趙知馬雖是好官一日不死吾等必為所擒不如先發制之縣間雖有城守易易耳誠以吾之勇挑選精悍三十騎出山乘夜破北門入誰敢敵者群賊或以為然王登仙曰不可縣間城守嚴甚警塚者每夕百有二十人典史無夕不巡城衙內家丁多操練慣用弓箭烏鎗設吾等入城城上號砲起內外合圍而分遣兵役守據山口吾等走無路矣國鉉等皆猶豫不敢發青山嘆曰不聽吾言早

晚同汝等被縛矣蓋青山夙王是謀世虎固知之故微露其言任國鉉等兄弟見事急謀出山投誠議已定告其父任亮亮曰吾作賊一生未嘗見官兵能入山殺一賊爾等奈何自投死耶卽勢不敵走汾西巴山虎足庇我國鉉等乃止是時山中賊日愈窘無刻不為備往往聚議或對妻子泣且謀致死吉士聞之曰有謀人之心而使人知之者殆也日夕治簿書不休稍暇則共賓客登山游會靖士且入京候選盛張筵飲餞絕口不及山中或語及輒曰諸盜首已為吾捕盡山中今已太平所慮者錢糧未能及期辦耳覘者以告山中心少怠復出示傳布沿山村落吾境中



百姓素不為盜。皆各處奸民入山煽誘。共為非。今後不論有無他故。但入山即奸民立處死。各山口俱立木牌。大書示禁。凡旬日山中民。皆不知外事。乃密謂夏駟曰。兩葫蘆去縣百六十里。吾卷甲趨。非日夕不至。至而人馬疲罷。不可用。設賊或據險要。吾危道也。靜安堡距葫蘆口三十里。故昔屯兵地。今雖廢已久。尚可修。今吾藉山中民葺之。外以護築為名。集兵而陰乘機以掩其不備。賊庶可圖也。遂通詳督撫司道。請修堡進屯。山中民可不煩兵而服。故露文移使賊黨聞之。詳既下。捐資燒磚瓦牛騾車大小往來運灰石不絕。七月初四日起工。命典史郭景明董其事。命

惠重生王希照等點撥近村丁役。命蘇成甫集各路站兵。俱入堡監護。時時羊酒往勞。謀未行。適有田福毆城總之事。初福既被錮在縣。久鬱鬱無聊。一日乘門卒不備。竟出城去。吉士知之。重懲門守。錮之愈嚴。心益憤恨。其月望南門城總李啓煥。點派城丁。時福家僮田自友。以次當守。堞福怒不從。啓煥恐官查閱。受責迫之。福佯為好語。召之入。扃戶。命家僮輩捶之。幾死。乃釋之。且揚言曰。城破即在日內。何守為福。既冤橫。言有的。歷聞者驚恐。是夕南城警。裨者率散。明晨啓煥以其事控。吉士謂鄒斌等曰。袁世虎之言信矣。君輩獨不憶出都門道中語耶。吾赴任途次。備聞



其暴橫不軌狀隱忍至今非縱之也殺之無名耳今  
逆狀已著當除之以絕賊內應遂命捕福下之獄具  
以福抗違城守妖言惑眾通詳院司道府隣邑聞之  
凡向為福所詐害含冤畏勢未伸者悉以其事告遠  
近控者百餘詞其最異者有韓魚禎於康熙元年間  
因福以賭博占其產相爭為福毆死死之日遺言妻  
子無釘棺此冤終得白迄九載啓其棺面如生聞者  
皆駭嘆因復以其事詳巡撫嚴批逐訊福初猶囁強  
展轉辯言無死狀吉士笑謂曰若猶憶正月十三夜  
事乎福驚不能對歸獄自知罪大不能免三鼓乘人  
睡投繯死吉士謂夏駟曰福死山中耳目斷絕賊可

指日殄矣駟曰不然公在盜即不滅無憂公去盜即  
滅且復起吉士曰吾非不知之但慮古交村迤近賊  
巢去縣治甚遠鞭長莫及耳駟曰古築城立邑必據  
形勝故冉璉冉璞謂徙合州城於釣魚山賢於十萬  
師宋史亦稱釣魚城而蜀始可守今縣治僻處東南  
一隅鎖萬山之口而逆制之勢實難矣切交境形勝  
莫如河北且較四履頗為得中誠能於古交村分立  
一縣治則形格勢禁可永久無事矣夫有非常之人  
亦必遇非常之時然後可以行非常之功公適官此  
地督撫諸公又信任公如一人言無不聽誠能建此  
議為地方長久計真千載一時也吉士曰君言固善



然分立縣治其事甚大。即督撫能以其事請部。中方謹守舊章。必不聽。不如移本縣丞於古交。分地而治。既不立縣。不增官。而實亦可以彈壓。山民督撫固易於陳請。內部或不重難其事。斯為得計。鄒斌曰。此真通達時務。不易之策也。八月二十八日。因具守險分治。永靖交山條議。并繪成地圖。通詳各上司。獎厲備至。十月朔。總督行牌至縣。曰。據該縣申詳。并呈交山圖勢。內計有七處。俱稱賊巢等語。仰縣即將賊巢渠魁若干。羽黨若干。確查姓名。或俱係賊黨。盤踞。或尚有良民。襍處。又此賊起自何年。逐一查明。密報毋得遲延。初三日。吉士將通誅賊首姓名。盡數密詳。且陳

勦賊方畧。詳既上。未下。而兵部文移總督。以九年汾

陽縣劉應熊家被劫一案。奉

旨酌調官兵。勦殺淨盡。初四日。總督檄下。嚴責副將

劉朝輔。并行太原府會同該協。并交城縣調度進勦。

朝輔復致書吉士。問事宜。吉士曰。此其時矣。即赴省

與令樹謀。令樹曰。兵事至密。間不容髮。即督府來文

有飛詳。定奪等語。然先發後聞。可也。遂共謁巡撫。白

發兵期。吉士出。密謂朝輔曰。兵不在多。三百足矣。第

將非姚守備。不可。蓋吉士故新安人。順治三年。大兵

渡江。明翰林金聲者起兵。據新安郡。苗恢復。經畧洪

承疇調兵。從間道襲破之。吉士方垂髫。見諸將所過



多擄掠獨千總姚順一軍不動心識之及官交城而  
 姚順者適為守備時方慮兵入山不戢令良民不苦  
 盜顧苦官兵故獨舉順也朝輔允之令樹遂為文報  
 總督曰交山分轄汾太為大盜淵藪若止執勦殺之  
 說又恐玉石俱焚莫若如縣議即借添兵移駐之名  
 乘機入山大盜自可就擒卑府已於本月初七日面  
 諭趙令偕守備姚順領兵三百入山兵不厭詐非卑  
 府之敢於先發後聞也兵行既有期又慮各縣軍機  
 飛報往來經山中或為賊所得泄其事密傳諭永寧  
 臨嵐靜樂等官弁凡軍符傳達皆取路陽曲以達交  
 城復於陽曲境沿路置飛遞自臨縣至交五百里約

一日夕可達部置既定初七日吉士同姚順統兵至  
 縣諭山民遠葺靜安堡官兵且擇十三日進屯因置  
 酒為宴賓朋滿座城內東南隅有積水周二里許吉  
 士沿水濱遍植柳置畫船其中名曰却月湖署中讌  
 未足則命移席舫中游湖笙歌徹夜觀者夾岸初八  
 日大閱於演武場傳諭靜安堡速運酒米芻豆備軍  
 食初九日昏次密召司夜者令促其籌日夜之子發  
 五鼓其夜山東成晉徵松江陸慶臻蔡湘蘇州顧炎  
 武寧波周翰皆集會飲劇談席未散忽五鼓座中客  
 訝之吉士起整服開門則姚守備蘇把總等統合步  
 騎四百已嚴部伍擐甲執兵集南門外候起行吉士



謂諸賓曰吾且入山公等有能借吾行者乎四座大驚翰以書生不閑軍旅辭吉士曰惜夏宛來不在此駟時適以事往河東故及之既會師出南關令日疾驅之未五鼓行四十里至水泉灘少休軍飲犒吉士獨與姚順蘇成甫及百總王國振韓喜文王奇光等數騎登山上武元城謂順等曰吾等此行乃奉旨入山勦寇進屯靜安為息敵計耳非實也當即從此分兵東西並進順等從不知用兵事猝聞入葫蘆皆愕然驚吉士曰此行奉旨進勦吾已承撫臺面諭少逗遛且得失機罪遂令韓喜文王國振率騎兵五十步兵百由西冶川雙村

○第七○次○人○山○城

進襲勦東葫蘆川橫嶺賊吉士偕姚順蘇成甫等率家丁官兵捕快等四百餘由米家庄滙裏進襲取東坡底日將暮至坡底安營畢謂姚順曰賊謂吾築堡進兵近堡以東必盡力為備今吾不由靜安取徑路竟至此故賊不及知此地為兩葫蘆要道據此則兩葫蘆聲勢絕矣賊黨初不聞發兵狀且吉士日游讌又靜安堡功未畢心尚懈約曰官兵至堡即傳集各山守兩葫蘆口彼雖萬眾如吾何既省中覘者回聞姚守備出兵狀艾安與國鉉等計曰姚守備進堡吾等姑以厚賂餌預挑選精壯三百為五隊日以六十人為率遞往就撫彼不動即已動則環起砍殺集鳥



鎗千打之立盡耳。衆以為然。陰購貂裘一狐裘四為賂。訂十四日兩葫蘆各戒嚴。聞鳥鎗一聲則群集。計始定。命鍾名節至靜安堡大岔口偽迎官軍探伺。名節至岔口見官軍不西入乃北進。始知大兵掩不備。進勦遂慟哭鞭馬疾走大聲呼官兵入山矣。惠岐山劉振倉卒不知為計赴軍前乞降縛之餘賊膽落無措。群率老弱婦女走匿山崖間。其夕犒衆畢復分兵令蘇成甫偕王希照統部兵二百襲勦鍾家溝王奇光統兵百餘襲勦惠家庄。吉士同姚順統家丁官兵鄉兵衙役等五百餘列屯東坡底東西策應。十一日丑刻成甫兵未至鍾家溝數里探者報鍾名節等二

百餘人方駐溝側造飯驅兵急進。王希照曰夜黑路險難行恐不測少憩進則名節等去已久村中無一人。惠季文等於初十日聞大兵已駐東坡底知事不濟挈妻子乘夜上三座崖布誑村中百姓官兵已至將盡殺吾兩葫蘆中爾等速隨吾上三座崖保性命。惠家庄左右村民悉從之。而喜文國振等兵至橫嶺任國鉉等各巢亦空。蓋各兵中俱有與賊應者。而王希照則實未革心。故危言阻衆以此三路兵俱無所獲。日將午各路報至。吉士曰賊挈妻子走必不遠必上三座崖據險以守而脅各村民自助宜速進不可緩。綏且逃遂統兵進將至前鋒報曰遍山頭悉寇不



知其數。或請縱兵。或曰：姑少退。吉士曰：各安營。解鞍歇伍。明晨聽令。其夜暴風起。大雪。兵士俱寒栗。天將曉。群峰皎然。吉士令人至崖下傳諭。爾輩皆良民。毋從賊凍死。吾比且按村稽戶。不在者。即以賊論殺。無赦。至午。負隅視者漸寡。及暮。山頭起立不去者。約二百許。吉士曰：此盡賊矣。即非盡賊。殆渠戚屬。是不可縱親策馬至崖下。縱觀久之。謂順等曰：此崖險峻。賊致死據守。吾兵仰攻。必多損傷。諒賊出不意。所帶糧草有限。崖後細徑多。不數日。必且四散奔逸。不如收兵緩攻。而分兵各路以待之。策之上也。計賊逃逸之路。東走必由白刁嶺。北走必由獨石河。以入和龍山。

西走則必由呂梁。以入黃河。畔又西走。則必踰臨嵐諸山。順等唯唯。其夜命韓喜文王國振統兵百餘守黃土溝。以扼白刁嶺之道。令蘇成甫統兵百守韓九嶺。以扼獨石河之道。令王奇光統兵百。偕中西約保率鄉兵二百守永寧王葫蘆。以扼呂梁之道。令原瓶約保率鄉兵二百守黑烟山洞。以扼臨嵐諸山要道。吉士同姚順統官兵家丁鄉兵等五百餘人。駐橫嶺。示諭兩葫蘆歸民。許其擒賊贖罪。即賊黨有能擒賊自贖。亦准投首。山民間命。皆踊躍鼓舞。願効死。十三日賊眾見退兵。惶惑。或欲固守。或恐兵再至。走無路。眾心不一。傅青山獨身乘青驃。仍走大皮溝。遇練



總馬與并惠重生等伏路邀殺青山故悍勇顧前切  
汾陽歸山官兵射其足脛筋斷不能敵生擒之任國  
鉉國海國強國輔王汝諫等與其妻子痛哭訣別率  
十數騎夜踰黃土溝將走白刁至玉兒山遇喜文國  
振等伏兵起賊各不相顧四散走將近中山寺為喜  
文追及國海發烏鎗不中棄鎗走追至李家溝度不  
得脫坐地上就縛縛急謂韓稍寬我韓不聽國海嘆  
曰吾死命也吾發鎗即飛鳥無得脫今擊爾乃不中  
肯復逃耶乃稍寬之唯國鉉與國強國輔同裨卒安  
二越山復走回崖其夜賊首惠首富惠運通鍾明俊  
鍾明等三十六人至軍前乞降願擒鍾斗鍾明節

等以贖死許而遣之姚順諫曰此巨魁數捕不得今  
幸自投死奈何縱去耶吉士笑曰此非君所解也卒  
遣之十六日崖上食盡鍾斗父子與任國輔任國強  
挈家屬北奔獨石蘇成甫率兵邀擊任國強逸無路  
自詣軍前請死縛之鍾明節鍾斗任國輔奮力衝圍  
西走夜將半兵役追至北山下有數十騎自山拘突  
出邀擊官兵鍾斗等得脫遂入爛圍山官兵恐深入  
重地回報其日崖下鄉夫捕任亮至吉士詰之曰汝  
子尚悔過思投誠汝顧教之抗拒吾汝謂據險共守  
不勝尚可走今何不走為吾擒耶亮叩頭無語杖殺  
之曳傅青山至前謂曰壯哉欲以三十騎破城取吾



者非若也。耶青山仰面對曰：衆人不聽吾言，吾早知有今日矣。死耳。無足言者。乃選兵役五十人，械諸賊，付縣獄。十七日，吉士同姚順益兵進駐獨石河分路，入爛團山，而永寧賊馮養成者數日前聞東坡底信，已知官兵勢大，胡蘆賊不敵，必西走。預挑選精壯數百騎，約靜樂賊郭三法、臨縣賊張二等至爛團山接應。十六夜，三法先至，適遇官兵追鍾斗、明節，急救接入爛團山。次日，官兵大進而養成、張三亦統衆至，與三法、明節、斗等衆合，顧官兵及鄉兵集山下者，且二千餘。賊知不敵，遂棄爛團西南走，穀積且戰且走。計十日，賊雖有接應，皆連日走，困疲不支，諸軍盡力

追殺先登者，有上賞。各兵奮勇爭進，日將午，至穀積山下，賊銃矢俱盡，遂盡棄乘馬、弓刀。猿猱上山，薄暮官兵、鄉兵分路上嶺，搜勦殺聲振巖谷。忽有數虎自叢薄中突出，衆軍驚駭，驟馬斷韉奔逸，乃群發火器，弩矢格之死。吉士以日暮山險，多猛獸，慮傷衆，收兵扎營，分據各險要山口，獲馬驟數十，鳥鎗、刀、弓箭百計。其夜命各營分遣人上下山嶺探伺，鄉兵某聞隔溝人行聲，越溝從之，佯為靜樂夥賊音，問之知為郭三法。乃給言：蘇把總兵屯前坡，宜北走。賊不疑，來就縛之。問鍾斗等所在，言斗等為官兵追急，入巖穴，無踪跡。其妻子在某巖，某適携飯往餉耳。遂命為導，盡獲



其母妻子女等六人而張二者以追急失隊伏土穴中亦被獲穀積山者卽呂梁山禹貢治梁及岐註梁呂梁山卽此山也盤踞交城永寧嵐縣界上形勢險惡崗巒四越十八日吉士順等召土人問其概欲分兵搜勦慮勢弱爲賊所邀欲合兵進則徑路岐甚且滿以西俱汾府界難久駐乃收兵退駐獨石河馳報令樹令樹申請巡撫傳令各州縣俱發汛兵夾勦其日惠艾安率孫貴高自福挈所戀妓程二寧子以四騎西北走踰黑黑煙山洞至臨縣界君德溝奇光覺之率衆急追一鄉夫逐將及孫貴烏鎗一發中其臂仆地將斫之後兵韓富急救艾安馳馬挺刀劈其額

血流被面衆兵懼却練總楊晴中自後射之不中復射中肩艾安知不免自刎死孫貴高自福程二寧子俱就縛是時惠首富等已投誠各賊並未知鍾斗惠季文等旣入穀積山惠首富鍾明俊等率族黨亦僞爲逃逸入巖與共守斗等不疑夜三鼓斗季文困憊熟睡首富等率衆縛之收其馬十五疋器械十數至營獻功吉士笑謂順等曰曩從君盡縛首富等彼數寇者安得至此乎山深賊易匿固非用賊擒賊不可且吾非漫縱之也彼妻子家屬悉在是驚馬戀棧豆必不能竄也順等皆服吉士詢鍾斗父明節所往斗供父明節知事急三日前已縊死爛團山巖卽命典



史郭景明至巖。拊回查驗。而惠天德號惠灰。葫蘆者。適匿崖左右窟中。聞兵過。即遁。并獲之。十九日。靜樂搜山。兵解劉湖家屬。至吉士。遣役械鍾斗。孫貴。高自福。惠天德等。各賊赴縣獄。召解劉湖家屬。兵責曰。劉湖居山。素良善。不與盜賊往來。兼各案無名。若等何得妄拿其家屬耶。立命釋之。命懸鍾明節屍於樹。喚其妻李氏視之。李氏撫屍哭。淚不下。聲殷殷然。復命諸土人視之。或認或不。置不問。命懸惠艾安。鍾明節二屍於樹。號令山中。密票諭惠重生。各山訪緝。初王登仙。同二役入鍾斗。官兵入山。登仙等同眾賊上三座崖。時勝從者千數。鍾斗。青山等相與謀。欲伏兵

兩崖側。乘官兵遠來。困疲。據險合擊。登仙沮之。及吉士。出示傳諭山民。復陰語脅從者。言都院奉旨捕勦大兵。各路俱進。今至崖前者。特縣官所領。交城營兵。及鄉兵耳。脫抗拒。不日大兵至。身死。妻子盡入官矣。且縣官有示。止擒為首者十數人。吾輩何苦隨之同死。眾稍稍恐怖。四散。賊等見勢孤難守。次日。青山下崖走。被獲。又數日。鍾斗。明節。任國。疆。任國。輔。溫國。輔。惠。孝。文。北走。獨石。王汝諫。東走。窰溝。登仙。欲與鍾斗等俱北走。乘便擒之。畏其人眾。乃同汝諫走窰溝。二十二夜。登仙。縛汝諫。以獻。并探知尹三。盛。已走上靜樂之龍門嶺。任國。鉉。手卒歡。虎兒。走永寧之



段家皮郭三知家吉士即命家丁董友崑率兵役六十名捕三盛命王國振率兵役六十名捕歡虎兒三盛同手卒二人西走方就食於龍門嶺賊李正五家聞信急走細磨川之四頭村將投李惠民友崑追之幾就擒適李六斤李惠民並馬至六斤大呼曰管副將三百兵不敢入吾川數人乃來送死耶毅弓一矢射友崑中臂營兵杜長雲毛協力挺刀救之惠民持鳥鎗突擊刀析後兵披靡俱退走三盛等遂上堡國振等至段家皮馮養成率賊二十餘騎同歡虎兒等各持銳器立馬巖上兵役不敢近還獨石報吉士隨撥兵夫百餘同進則已遁矣二十二日報令樹轉詳

巡撫具列各州縣盜窩姓名居址請行文各汛兵按

冊協緝二十四日蘇成甫於背坡山溝擒靜樂賊李

雅秋時劉湖者印劉知官兵入山連夜西走已至黑

黑烟山洞後聞其妻子被擒方悲泣繼聞吉士稱劉

湖良民非賊釋其妻子大喜復回探其家其日吉士

諭典史郭景明日君可率兵十至鍾家溝縛劉湖以

來景明日前釋其妻孥今又擒之何也吉士曰惟欲

擒之故釋之耳君第往必不徒手返也景明至鍾家

溝而劉湖獲二十九日惠首富率鄉夫搜山至靜樂

圪鬚溝遇杜召宇率數騎至相格殺擒之二十七日

巡撫令寧武副將周定鼎及隣近州縣各發兵照交



城册開各盜住址協緝某日定隅率兵三百至樓煩分路搜捕初二日至細磨川擒李惠民李繼實李六斤初六日擒李繼福周時化小黃垂靜樂縣汎兵至臨縣界周家溝擒尹三盛永寧州汎兵擒郝成章李旺清源縣汎兵同靜樂汎兵擒李七兒段南強三元兒報至吉士大喜交城家居給事中武攀龍御史李之奇前龍巖令解之鱗懃榆令張奇英仁和令丁世淳舉人張冲光劉爾聘武解元李敏覺等齎羊酒米菓至惠家庄勞師攀龍之奇各以五百金助犒吉士却之攀龍之奇曰微公其等夢魂不得至此地也受賜大矣少爲士卒犒何拒焉吉士謝曰某竭力供軍

行幸已卒事誓不致費邑中一文也卒不受時官兵入山已二十日凡有名諸盜傅青山任國海任國強劉三鍾斗杜召宇王汝諫惠存文惠天德孫貴郭三法温國輔張二惠岐山劉正劉湖并自刎自縊二賊前後就擒獲共十八名又投首惠首富等三十六名交山盜首畧盡唯任國鉉申友等五六人未獲吉士遂同順等遍歷各山凡交城靜樂永寧相接疆土各立石爲界計交城所屬之山約三百餘里其中穴居村落一百二十五處其以打鳥鎗爲生從無糧役不編赤曆除老幼婦女不計外共丁壯一千四百三十七家其終身不爲賊所脅誘者三十七人各賞羊酒



給扁額旌表或十里或數十里就地遠近立為約正以勸率各村落十一月初二日遂命蘇成甫統交營汛兵百名分守山界吉士同姚順班師回駐靜安堡初三日鍾明鼎解溫連雲張法獻功初朔鼎縛鍾斗後與惠重生復分路至各巢緝諸賊黨初二日至中圍溝遇連雲等二人挾烏鎗騎馬出巖明鼎給言初二日官兵悉回縣吾等當急往爛團山西走連雲法信之同明鼎出溝猝遇縣快石大法胡德等率眾扼溝口明鼎抱連雲大呼大法等群上執之吉士謂順成甫曰盜畧盡矣縱任國鉉申友馮養成三渠魁未擒然亦魚游釜中耳不足煩大兵次日遂振旅回縣

汾陽文水清源諸紳士庶壺漿而迎者不絕歡呼

載道初六日大犒各兵而惠重生等解鍾明節至初明節任國輔與鍾斗國海等自三座崖走獨石為蘇成甫邀殺各賊俱身受重傷其夜入爛團山國輔謂斗等官兵明日進山吾傷重走亦死不走亦死等死耳毋死人手遂自縊明日馮養成張法援鍾斗郭三法等西走明節不能上馬持斗米匿山中石穴內地險人無知者及斗被擒遂認國輔屍為明節希免其死吉士故心疑之命惠重生密訪不得既踰月米盡饑渴甚夜出汲為山民所見以告重生疑其為明節搜捕得之果是始知前縊者為任國輔也其日蘇



把總復報搜山兵於後嶺底獲任國鉉手卒安二初  
八日惠重生惠首富等受吉士密票馳至嵐縣黃河  
岸側襲執申友父子三人於閣部村解至交營王希  
照者驚悸甚數日死遂總開前後殺獲及投誠各賊  
數具册報令樹上之督撫交山始平商賈往來自黑  
黑烟山洞以達臨縣保德遂成秦晉往來孔道布政  
司穆成格坐官廳中笑語督學道謝觀曰爾江南乃  
有此人耶初總督雖奉

旨檄朝輔發兵進勦心難其事嗣報吉士偕順止統  
兵三百已入山大驚總督標下副將苗成龍者故屢  
入交山征勦梁四王顯明等熟其形勢亦陳之總督

深為吉士等憂及捷至喜甚夏駟在稷山適與諸文  
士狂歌酣飲得小抄知吉士與順等率兵進山鼓掌  
笑日交山平矣第惜吾不在無能作饒歌曲以奏凱  
耳明年正月元夕至晉陽總其本末作紀事

此兩段疎疎落落別作餘波却如里來籠至



附交山平寇詩

凱旋題壁 有序

趙吉士 天羽

交山表延八百里。民生長其中。率相習為盜。  
 負固久。晉州邑苦之。康熙辛亥九月二十一  
 日。部議勦殺淨盡。奉俞旨。咨行到晉。予秘  
 其事。以討賊為已任。兩臺亦不拘以文法。十  
 月九夜。畱汪丞潤斯守城。予同姚守備順蘇  
 把總成甫。郭尉景明督兵至水泉灘。未曉即  
 分三路直搗其巢。時已過初更。大雨雪。諸賊  
 奔踞山崖。予既奪險。據險又復用賊攻賊。兩  
 旬寇平。邑紳先生家食者。武給諫攀龍李侍



御之奇張封君純解龍巖之麟張顛榆奇英  
丁仁和世淳孫善化浩常州佐大孝張廣文  
紹載季廉張君冲光劉君爾鼎武季廉李子  
敏覺閻子珽明經李子獻喋武子之望李子  
若泌申子鉉李子若湛咸來惠家庄犒軍賦  
此紀事

重疊寒峰繞旆旌肯教狐鼠此縱橫穿雲遠望懸鐘  
嶺列幕分屯下馬城撲面腥風來萬仞愴心烽火出  
三更長驅薦食爭先發草木應知盡甲兵  
偃蹇潢池一息間天誅那許漏遺頑羊腸百折今虛  
險兎窟三營爾久間鋒接曉星隨礮落陣移明月逐

弓彎紛紛面縛皆亡命傳檄諸軍且莫還  
汾水蒼蒼出管涔劉淵得劍此巖陰幾多白骨成黃  
土無數青峰盡綠林風雨偶聞新鬼哭山河長遂夜  
郎心經旬策馬浮雲裏俯仰殊令感慨深  
鼓角喧闐豹虎奔數朝風雨蕩游魂穴居老死無徭  
賦草竊貽謀長子孫邏卒圍山吹戍火縣官散俸給  
晨殮飛符插羽無停驛連夜軍書報太原  
古岸摩碑畫土疆書生擁盾事戎行葫蘆川指新屯  
寨孔子河憐舊戰場軍吏論功無刃血村翁破涕進  
壺漿由來不殺稱神武此後何人更陸梁  
群公牛酒慰辛勤吹角彈絃飲再巡外吏三年忘祗



多山不... 七  
席將軍百戰老風塵。姚守戎起自行窮山此日知歌  
舞野老從今識縉紳。惟仗皇威真赫濯敢勞車騎  
越嶙峋。

喜聞交山蕩平四律

夏 駟 宛 來

翩翩裘帶朔風開。午夜潛師入萬山。練卒漫誇犀甲  
健將軍何謝鬢毛斑。黃雲夢穩葫蘆窟。白月燐驚石  
鎖關。從此西山無寇盜。太平好共一開顏。  
揚旄直搗上長斜。列幕星分靜不譁。蒼蔚夜明千嶂  
雪。猿猴朝散五更笳。陰符未載攻心術。露布懸知獲  
首嘉。珍重壺漿新士女。石田原可種桑麻。  
蠓蠓重峰接太行。累朝弧矢射天狼。蘆芽北壓三關

黑穀積西臨。一塹黃地利久荒。文命貢山形長抱。武  
靈疆兵威乍失羊。腸險車馬駸駸滿夕陽。  
北風蕭瑟曉烟開。姑射山頭首重回。時予適已笑書  
生真借箸不勞戎。服更銜枚旌旗儼映千峰轉。鏢吹  
疑傳並塞來。莫道揮毫難倚馬。青衫從少上雲臺。

聞平山寇寄贈

陳鼓永 學山

交山險接太行高。自昔多藏新布豪。已課棠陰環雉  
隴。更清萑澤仗龍韜。朝歌入境聞增竈。渤海歸田頌  
賣刀。爭似使君談笑暇。功成保障不言勞。  
彈琴白晝靜鳴笳。從此青山長放衙。軍度重關猶勸  
酒。郊除伏莽盡栽花。人推定筭如克國。邑可更名作



獲嘉早晚論勳看內召快聆樽俎在京華

奉賀趙使君平交山寇歸并以為懸弧壽

陸慶臻集生

羽○扇○胡○牀○早○定○謀○指○麾○劇○賊○一○時○收○知○君○自○有○神○仙○骨○身○是○畱○侯○並○鄴○侯○

盛○年○才○子○練○戎○機○十○日○提○師○吉○問○飛○見○說○書○生○能○破○寇○綸○巾○親○縛○亂○人○歸○

我○來○正○及○視○師○期○牛○酒○轅○門○大○饗○時○明○府○好○生○分○首○從○臨○行○環○甲○更○鬚○眉○

西○山○群○寇○莫○縱○橫○直○挽○黃○河○為○洗○兵○欲○識○威○名○早○罷○拜○少○年○儒○將○趙○營○平○

婆○娑○天○險○亂○峰○排○石○峽○蘆○芽○白○日○霾○生○縛○俘○囚○齊○貫○

梨○手○題○日○月○更○摩○崖○

渠○魁○懸○首○更○如○何○買○犢○春○耕○速○偃○戈○寄○語○朝○歌○虞○令○

長○從○今○不○用○設○三○科○

籌○時○立○草○數○千○言○聚○米○為○山○指○掌○屯○手○致○太○平○良○策○

在○長○城○君○是○漢○西○門○

使○君○方○畧○本○多○奇○一○紙○軍○符○便○出○師○數○策○治○安○應○報○

可○坐○看○千○里○靜○潢○池○

中○丞○草○奏○上○論○功○翠○輦○初○回○校○獵○風○西○顧○并○州○山○萬○

疊○聖○人○含○笑○五○雲○中○

休○虞○玉○石○總○成○灰○網○自○仁○君○一○面○開○父○老○壺○漿○紛○載○



路長生齊獻壽觥來

雪霽千山瑞色披。開筵初度酒盈卮。饒歌自譜新聲。按絕勝。袁宏露布辭。

彤弓將錫正懸弧。桴鼓無驚樂大酺。歌板酒旗天不。夜春風先到却波湖。

交山平寇寄贈

程可則 周量

銜枚無事鶴鷺分。按轡親穿虎豹群。肉袒何妨收死。士。檻車仍與狗全軍。蘆芽春和鏡歌奏。穀積秋清戍。一。埃。耘。自。是。三。旬。能。破。賊。威。名。從。此。靜。河。汾。

平交山 有序

闔爾梅 古古

天羽使君文士也。而善將兵。交山巨寇盤踞。

百年一朝而盡破之。且散其餘黨。歸田者不下數千。悉泣涕感再生也。仁人哉。余西游龍門社。睹峰峽奇險。竊壯之後。乃知是使君出兵路。因賦此為贈云。

霜宵秣馬靜銜枚。味爽登陴一鼓摧。緩帶輕裘傳檄。去前歌後舞。獻俘來。峰尖破裂。旌旗閃峽口。猱。豹。虺。功。懋。汾。西。應。不。朽。磨。碑。刻。向。錦。屏。隈。

久客交署時與諸賢泛却波湖為樂日覩使君

交山破賊之舉因即所見成詩

蔡 湘 竹濤

先生筮仕何草草。縣令爭如司李好。十里絃歌總割。



雞那能盡拓佳懷抱。湖海當年得自由。今爲局促交  
城侯才高氣卑無不可。賢哉柳惠同其儔。江南去晉  
陽迢迢三千里。詞客紛然遠道來。俱言願見荊州耳。  
先生歡笑飲壺觴。有酒頻過水一方。畫船早到杯盤  
迥。明月孤飛城郭涼。須臾絲管中流急。晉地兒童歌  
數什。訝道吳儂唱竹枝。近來水調諸郎得。夜深水勢  
更玲瓏。野寺村墟點綴工。徐向隍前窺曲折。疑從郭  
外看鴻濛。土人不解乘舡走岸上。隨行齊拍手一水  
新開使放舟。江南舊俗曾知否。曲中燕罷維舟在。歸  
向衙齋重促塵。又見華堂綠醕陳。少年紅板歌金縷。  
先生爲政本閒閒。公餘展卷几席間。不謂治平稱第

一還看閭井悉依山。山中之人持矛戟。狼虎來奔輕  
一敵強種腴田歲不租。吏胥從未相噴責。聚黨歛然  
竟百千水濱木末聲相連。有時城邊過玉勒。居然市  
上擁金鈿。官長相逢輒相禍。交城一令真瑣瑣。誰料  
頻年隱忍多一朝。剪賊爲謀安單騎。登山盜不疑萬  
山扼塞心先知。爾有數人伴助順。用之出入行所私。  
歸畫崎嶇上方畧。旋捧絲綸教執縛。此際賢豪又一  
流。依然繞座中宵樂。余久客茲土設醴必見呼。閒中  
達旦窺色笑。可知能事終舒徐。黎明送客隨乘馬。壯  
士不嫌三百寡。直上巉巖抵賊營。地幽倉卒無知者。  
渠魁擒就野不驚。健兒奮臂驅之行。其材皆可一當



百路窮勢盡無支撐大盜凭山久克斥烟巒雲樹無  
顏色重聽樵歌唱太平玄猿白鶴歸相識山縣兵銷  
數郡安功成一令世所難論議何當宣室召鬚眉直  
向凌烟看且與先生語夜闌早趨三殿近鳴鑿野夫  
自憶安期輩將歸東海營金丹

鼓吹饒歌和宋何衡陽韻并序

蔣 楷 荆名

交城古晉陽地。地多巉巖邃谷。綿亘千里。遠  
通秦塞。天險所集。異類之窟宅也。官長不敢  
過而問焉。趙夫子治交二年。威信遠播。田野  
闢。教化行。群黎樂業。百廢具興。不下堂而治。

列憲交章薦。天子將徵入栢臺薇省。無何。

隣境盜起。白晝戒嚴。夫子顧而憂之。夙夜靡  
寧。條陳當事。山在目。中賊擒。掌上。當事素倚  
夫子為三晉長城。善其籌畫。假以便宜。先是  
奉有勦殺淨盡之部文。夫子執以為不可。遂  
請守備一員。統兵三百從之。結以誠信。窺以  
機智。震以神威。終於不殺。山中人僉曰。吾父  
母來矣。若崩厥角稽首。康熙十年辛亥十月  
初九日。入山。十一月初二日。至靜安堡。椎牛  
犒軍。告厥成功。功成匝月。不費公帑一文。四  
境扶老携幼。驩呼闐溢。夫子一出而太汾兩



府間夜戶不開。道不拾遺。如初。從此深山無事矣。然則吾夫子之再造晉陽也。豈僅如尹鐸所云區區保障哉。門下士蔣栝聞之。獻饒歌。以鼓吹膚功。和宋何承天舊韻云。

右朱路篇韻

晉陽連紫塞。桐葉拱京華。羊腸落虎豹。鳥道俯烟霞。頑民伏草莽。神宰興戎車。父老扶杖觀。拭目奏凱歌。不用天山箭。如吹越石笳。天時讓筭勝。地利歸人和。壺漿擁赤子。戈甲洗洪波。膚功收屏翰。絃頌滿巖阿。鷹眼化爲鳩。春風德澤遐。破產佐軍實。籌國能忘家。

右思公篇韻

請熊羆領儒衣。蒼生革面投戈歸。頌方叔直搗葫蘆聲。教復聲教復。令五申。猩猩狒狒皆良民。皆良民。福星明五原。四塞警先聲。警先聲。集禎祥。錫馬蕃庶晉侯康。晉侯康。西憂已守險。分治駐甲士。體憲情。碩畫周。聖主深宮側席求。

交山平冠鼓吹歌有序

劉梁嵩 玉少

交山巖谷邃密。菁莽藁蒨。天然盜藪也。歷代悉宿兵爲備。本朝顧度外置之。蔓衍勾踞。負險滋久。我天羽趙公。畧自隆中。望傾江左。語其辭賦。則枚馬前驅。迺爾襟期。則劉盧北面。適出經綸之萬一。牧此巖疆。爰討治安之十



分靖茲孽寇始也。單騎深入，目空險阻。遂如  
雨沙已而屢贖。詳陳指畫情形，無殊聚米。於  
是台司壯其經畧，協營結壘。巖山狐鼠，憚其  
威慈。覆巢授首，麾下比渤海之息潢池。而公  
兼能用武，誰謂行間可薄我輩。較當陽之治  
襄海而公意主，全民豈云馬上不用書生。至  
於條陳善後，信是神君佐領。依然慈父，  
數十年狼心鷹眼。一日間賣劍買牛，猶歟場  
圃盡罷青燐。為我朝廷添此赤子，上功幕府。  
指顧臺烏掖鳳，藉公之入而言。書氏御屏，異  
時列戟宣麻。待公之坐而論誠哉，儒臣經緯。

克振其猷，昭代循卓。鮮出其右者也。聊賡巨

句，用展謳思。兼綴序言，附中仰止。云爾。

聖朝西顧，綏甸服。豈謂交人不我殺，山深林密負嶠。  
驕恃我寬大，置茲族。蜂屯皆盜聚，仍民伏。葬勾盤晉  
且秦歷來賢牧事，姑息坐使青巖遍。赤燐我公領袖  
久英絕，海內鷄林推管葛。車指交山十口塵，臥側豈  
能容扈跋。誘脅計擒渠，寇驚夜半前山拔。漢旌兼程  
一百六十里，令人不敢信書生。險守汛移鷹眼化，分  
吏增兵成豫暇。當年畏壘盡烽銷，揭竿人歸事納稼。  
卓哉我公文更武，萬壑千巖皆樂土。始知訓蜀有文  
翁，不但移桑懷杜母。當今循吏正旁求，奏最如公孰



與儔指顧排雲動閭闔。他時建節鞏金甌。我以江鄉漫辭客。偶憇故園慙落魄。美公偉績爲公歌。莫云我輩無頗牧。

功勳旂常詩四章

有引

武之生

維彼西山實繁醜類。左連嵐靜右接汾寧。茂林密樹平居借以潛踪。壘嶂層巒竊發因而走險。數遭變更以來頑殘愈熾。屢經肆赦之後荼毒尤深。恭遇吾師論之以義不減郭令公撫之以恩有如太丘長。謂宜多方誥誡。必無復燃之狼烟。誰意再四叮嚀。尚有現存之鷹眼。吾師乃仗彼三尺劍。以靖此一方民。

忍玉石俱焚。自然兵民咸輯。妙在因賊攻賊。故風聲鶴唳皆驚。巧於卽人安人。乃犬臥鷄棲不擾。從此賊鋒永息。宜勒燕然之碑。由茲我武維揚。當鐫交趾之石。爰賦俚言。用彰威德。

小醜跳梁逆我顏行。王赫斯怒授鉞循良。授鉞循良靖此一方。稱干比戈擊鼓其鏜。擊鼓其鏜殲彼猖狂。渠魁授首乃武維揚。乃武維揚固吾之疆。樂只君子功勳旂常。

恭賀奏凱

白生明

伏莽何時息。山蹊多阻兵。深林久雨黑。險嶂與雲平。



一卒當先立千夫。遂莫爭。裹糧勞歲戍。袍鼓不時鳴。  
明府何來此。書生豈盜名。三科求壯士。屢檄播皇靈。  
要害如身到。情形指掌成。飛符陽換部。緩帶暗連營。  
鐵馬衝宵發。牙旗掩雪行。游魂方假息。破砦忽黎明。  
鷺鶴無煩亂。鯨鯢已就烹。帳房催置酒。陶穴互彈箏。  
反側皆供侍。吾人何必更。渠蒐生獻捷。小蠹盡歸耕。  
磨石方畱績。圍碁未矯情。周巡平扼塞。蘊籍立功名。  
只作登臨興。何曾戰伐櫻。北風鏡吹出。歷落萬峰清。

交城北門外。同樓子冲霄。登四望樓。山色拱帶。  
如屏障。因念吾家天羽。此間有靖寇勳。偶然  
成咏。趙作舟 浮山

况登樓意不群。招携長嘯九天聞。橫看文水迷青  
秀。揖梁山疊彩雲。幾樹飛鳥歸遠翼。近城寒日散  
餘曛。白麟一對如堪續。已請長纓答聖君。

交城山水十絕

陳祖法 執齋

山右多山而少水。獨交城有水盈二頃。向亦  
資灌溉。助洗濯。鮮有寄情其間者。趙子天羽  
令交。築堤植柳。設舫開筵。名爲却波湖。於是  
乎有水。又交山險阻。連數邑。數十年爲盜藪。  
趙子寒夜進兵。搗巢穴。殲巨魁。於是乎有山。  
諸名流賦詩。諸體畢備。紀盛一時。垂名萬禩。  
予不能步後塵。各系七言絕句五首。而以湖



光連月白山色帶烟青爲韻

一水盈盈數畝區疏穿不止浴輕鳧文人涕淚追思處父老千年說趙湖

我來秋深木葉黃重與殷勤泛酒航自從初拭蹄塵後置我烟波明月光時到甫五日

設酌重開玳瑁筵笙簧嘹唳繞湖邊居人初識乘流樂槎影疑從天漢連

欸乃一聲神煥發波中荇藻淨如髮應憐一種清幽處楊柳風高來夜月

五湖堪作高人宅何似使君重與闢田田荷葉曉烟青隱隱漁燈夜露白

呂梁隊共謹門關百載於茲藏巨姦何幸書生能滅寇一朝風雨淨青山

蒙叢樹葉參差棘何幸今朝淨如拭寂寂曉寒刁斗聲溶溶落日旌旗色

曾將險阻託圖繪志畧雄奇氣慷慨要識經營素有時草成露布藏衣帶

功成擒蔡美當年今日捍兵正雪天不負專城百里寄何圖各姓上凌烟

永折凋弓與鴈人巳將王化語山靈令君韜畧山靈伏不數嫖姚與衛青

題壁紀事

陸慶臻 集生



逋逃久矣。漏天誅。檄驚看勝筭。殊虎穴霧腥。呼唱  
入狐篝。月黑笑談驅。羞將劇盜遺。君父手挈窮山上。  
版圖敢道書生軀。命將風流江左是夷吾。

奉贈交山下寇二律

洪琮 谷一

彈琴伊昔頌神明。豺虎聞聲膽盡驚。正醉畫船邀夜  
月。忽傳深莽走欃槍。龍光匣響三千劍。豹畧胸藏百  
萬兵。漫羨河汾多老將軍。中韓范本書生。

航航嶠負百年牢。一夜雄風鏟賊壕。豈惜壯猷輕虎  
穴。聊將宰割試牛刀。蘆芽雲淨開阡陌。狐突春回遍  
柳桃。姓字久傳。鸞陛重澄清。攬轡莫辭勞。

交城平寇賦呈

程守 非二

羊腸山下勒燕然。曾聽談兵在一氈。大武遠敷花影  
外。通儒新起柳營前。三年參井成安土。一代欃槍落  
上天。公道大僚時考最。家傳方畧趙屯田。

趙夫子恩威並著。殲寇安民。奠晉國于苞桑。紆

廟堂之右顧。督撫題績天語褒崇。賦紀弘功

用備輶採

張恕楨 仁度

壯猷聚米識山形。半夜潛師入翠屏。褰甲啣枚傳號  
令。輕裘緩帶播皇靈。捷書交奏油幢碧。天語深加  
汗簡青。采石爻峰松栢裏。豐碑永勒晉陽銘。

聞天羽弟交山平寇功寄賀

趙增 講村

書生仗劍入溪山。緩帶輕裘指顧間。雪夜啣枚神策



遠月中敲鐙凱歌還。貌貅暗度兵無血。鷄犬宵寧戶不關。下馬揮毫馳露布。遙知喜氣動天顏。昔年並馬映垂楊。分手歸來兩度霜。天顯一家分越魯。政聲兩地傲龔黃。烟清交嶺絃歌徧。露冷文河道路長。羨爾笑談平伏莽。行看肘後繫金章。

喜聞蕩平山寇二律

姚廷讓

峭嶺懸崖翼虎飛。羈縻從未倒戈歸。將軍側目求銀甕。從前將吏多索戰士寒心卸鐵衣。秦晉關山滋蔓遠。金帛故屢喪師。陶唐封邑繭絲稀。與陝川羣盜要處俱為賊所據。百年四野無耕稼。從此鋒消犢漸肥。烟湖放舸棹歌揚。時使君與賓從泛舟却波湖為雷樂夜分便潛師疾搗衆不知往。

客潛師人呂梁。羽扇風流揮塵尾。牙旌星轉過羊腸。吹笳午夜饒歌接。傳檄千山露布長。吾欲從軍願未遂。空教達旦醉壺觴。

趙夫子平交山恭賀

張蘊生 畫初

交山不獨晉陽山。盤亘三秦類洞蠻。狡似虎狼潛出沒。捷如猿狖善躋攀。使君緩帶輕裘至。巖邑神謀秘策閒。秣馬厲兵仍撫字。搗清巢穴凱歌還。

恭記大捷

張元樞

父老懸懸望捷旌。渠魁已縛脅從清。子龍自是渾身膽。小范休誇滿腹兵。

丙夜讀恒夫先生交山平寇記走筆書贈



龍燮 雷岸

趙君風流復儒雅。十載詩名滿天下。只有泚筆解雕  
 虫。誰道挽弓能躍馬。山西交城大如斗。負險憑崖原  
 賊藪。日耕隴上夜帶刀。將吏聞之但搖手。公初捧檄  
 為縣官。此曹猶作文士看。機杼獨運在胸次。形勢熟  
 悉歸掌端。夜半風寒天正雪。提戈深入豺狼穴。白刁  
 嶺上刁斗鳴。黑烟洞口烽烟滅。百年逋盜一朝空。汾  
 河水碧正花紅。徵書雖云出特簡。司計安能酬奇功。  
 我昔髫年氣吞虎。手携三尺龍泉舞。每嗟李廣未封  
 侯。自詫隨何偏好武。雄心漸耗髮欲蒼。雨滴空堦秋  
 夜長。把君書卷一快讀。不覺了然神揚揚。海內方罹

兵火後。仍苦赤丸飛。白晝廟廊誰兼搏。擊才看公持  
 斧。行衣繡。

奉和交山平冠奇功一律

夏九敘 次功

兵車檠戟耀文茵。雪夜神機鵝鶴陳。據險奪山驚妙  
 略。塞旗搗穴駭天人。賣刀買犢耕桑遍。化梗歸誠雨  
 露新。文事武功誰並美。姚江勲業足為鄰。

遊交城卦山天寧寺讀趙恒夫明府勒石平冠

詩六章續貂一篇以誌景仰 杜首昌 湘草

霜白千山曉角鳴。指揮談笑立功名。令行迅速風猶  
 慢。師出從容寇已平。盾墨據鞍親草檄。鏡歌奏凱各  
 歸耕。將軍本是真才子。裘帶原來只緩輕。



聞趙交城平山寇有作

越 闔 辰六

諭蒙憐瘠土。盤錯恐難支。減竈心良苦。單車績自奇。  
謳歌劉晏石。伏臘狄公祠。足解 宵旰慮。非徒畏四知。

寄贈天羽年兄


宋實穎 旣庭

清秋落木響征鴻。高臥南牕詠快風。漫喜平原趙公子。  
遠從千里問郵筒。書生白袷軍容壯。晉塞霜笳幕府雄。  
一曲河湟新奏凱。何勞頗牧出雲中。

寄懷趙交城

王紹隆 子箕

十年京國恣翱翔。別去雲山各一方。我命那堪鄰虎穴。  
公才早已奠羊腸。買絲爭指平原俠。愛日還推成



季良怪我寸腔填五嶽。何時長嘯向河陽。



公舉從祀名宦祠

太原府交城縣為特舉當代循良祈申從祀名宦以  
 光吏治以協輿情事據現任陝西耀州知州張鼎新  
 國子監學錄李若沆原任福建龍巖縣知縣解之麟  
 等呈前事呈稱竊照功推保障晉陽傳尹鐸之賢慮  
 厯土桑并州著綦震之治惟愛戴實有同心斯禱祀  
 於焉勿替如本縣前任知縣趙吉士者千秋問氣一  
 代偉人有守有為無徧無黨兩字廉明在在群歌來  
 暮五年恬恃人人共切去思招集則悉起瘡痍固已  
 奠牛羊而安鴻鴈育養則彙進寒素果然薦鵬鶚而  
 起蛟龍逐販皮之旗丁市廛不擾除插翼之虎蠹虐



燄頓消勸農而荒土盡開每見躬巡隴畝憂旱而甘霖立沛不憚步禱郊壇修邑乘彰千年之公道編戶口除萬姓之累差公堂聽訟當面剖幾見城狐社鼠夾道垂楊皆手植至今趙柳召棠城垣厥署與土木不悞三時勞可忘而逸可永父老兒童逢朔望歡聽六諭善以勸而惡以懲誠哉無利不興無害不除者也至於請寇一節以諸葛綸巾之雅量成裴度雪夜之宏功不糜民財不暇兵力據險守險用賊攻賊殲厥渠魁散其餘黨迄今千里窮山盡成樂土甲寅吳逆變起川陝動搖交山案堵是其功不獨在交城亦且在全晉不獨在全晉亦且在天下矣雖朝野倚望

將來史策增輝而俎豆宮墻今日專城報德伏祈俯從公議申請列憲俾本官崇祀名宦置主賢關豈但社稷生光抒子民愛父母之意抑且循良食報彰國家任賢良之功爲此合詞具呈到縣該山西布政使司經歷司署交城縣事周在浚看得事有似緩而實急者惟茲風勵之機權人有雖去而如存者祇此安全之德澤如前任知縣趙吉士學足有爲才堪巨任蒞交五載善政多端里甲均平羣黎無偏差之累瘡痍招集流亾獲樂土之安憂旱而步禱郊壇天心感格勸農而躬巡隴畝民樂輸將以書生兼韓范之謀身入窮山百年逋寇俱靜以吏事運董狐之筆手訂



邑乘千秋公道全彰允矣三晉循令洵哉當代名臣  
高山在望堪為繼至典型崇祀可隆永作後人則倣  
既經紳士里民具呈到職合從闔邑所請以昭三代  
之公緣係從祀名宦事理合行詳請伏乞憲奪施行

現任	陝西	耀州	知州	張鼎新	國子	監學	錄李若
流	原任	福建	龍巖	縣知	縣解	之麟	陝西
縣知	縣張	冲光	受封	河南	遂平	縣知	縣張
候選	府同	知李	若泌	侯選	州同	孫啟	周李
漢	李楚	乙卯	科舉	人郝	進昌	辛酉	科舉
趙	城縣	訓導	李獻	元樞	侯選	縣丞	李若
斗	原任	守備	呂景	武舉	李敏	覺薛	嗣瑄
田	志德	張爾	烈附	生員	李楚	恩拔	貢生
衛	丁世	宰張	爾勳	高	大成	趙	凌漢
馥	郝進	昇張	爾勳	孫	淳	田	爾登
紹	晉	申	三省	高	文淳	田	爾登
陳	瑞	申	典	孫	淳	田	爾登
孫	明	綸	韓	田	雲	周	李光

解	文衡	白太	素薛	維周	劉英	張象	樞呂	鑣
陳	珥	武于	宣康	榮爵	胡宗	虞單	貞憲	胡
明	訓	武于	翰解	作棟	胡宗	虞單	貞憲	胡
吳	成	望宋	顯光	田明	里民	申桂	廷張	松
從	彥	劉文	元常	世奇	田生	琰張	松	年
士	俊	劉文	元常	世奇	田生	琰張	松	年
漢	鼎	褚俊	常世	奇王	萬成	田本	陳所	知
恭	曹	一林	康承	富單	助良	單敷	瑞錫	孫
祖	王	文才	江福	文單	任弘	畧張	書紳	錫
奇	任	道蘊	梁光	徐進	虎張	書紳	錫	高
月	陳	定求	任道	遠閻	永貞	張書	紳任	道
敷	義	侯任	單杏	李成	宋顯	才解	貴任	道
單	茂	化李	應奎	李成	薛士	紳解	貴任	道
陳	琦	李生	金李	生華	宋好	謀王	治	寧
陳	國	祥薛	萬龍	孫珍	田爾	功李	若	南
李	遇	仙蘇	頁梁	壘孫	據	詳	趙	令
明	德	梁相	李純	仁孫	據	詳	趙	令


昭然在人耳目即平寇一事其功甚大愛戴既有同  
心表章宜崇秩祀即詳列憲以彰鄉士紳民厚道可



也康熙二十五年十二月初十日申詳蒙督學道高龍光批名宦鄉賢必須論定從無生前從祀之例惟生祠聽自便如果該縣鄉紳士民追思善政聽其建立生祠可也蒙此該山西布政司經歷署交城縣事周在浚覆詳查得交城士民懇求前任趙令各宦一案蒙憲批詳敢不仰遵但據紳衿堅稱趙令曾為去任薛知縣申請各宦其時薛令尙存業蒙從前列憲批允今趙令有例可比伏乞俯允以孚輿論又蒙批令建生祠但趙令去後闔縣已立有生祠今請者從祀名宦應比薛令之例以慰紳民愛戴至情卑職不敢擅專伏候憲裁康熙二十六年二月初一日蒙督

學道照詳申轉蒙批據詳前令趙吉士善政多端闔縣鄉紳士民追思不怠准照薛令之例置主擇吉人名宦祠可也此繳蒙批卑職遵蒙批示隨于二月初二日率同鄉紳士民置主迎入名宦祠訖





三  
北  
行  
元  
年  
金  
錢  
七  
馬



